



ЁШЛАР БАЙРОҚДОР БҮЛСИН!

*Ўзбекистон Қаҳрамони, Ҳалқ шоири
Абдулла ОРИПОВ билан сұхбат*



— Абдулла ака, аввало қутлуг 70 ёшингиз билан самимий табрикраймиз. Шу ёшда тұла илхом билан ижод қила-ётганингиз шогирдларингизга ҳам юқсин. Сиз 50 ёшга кирганингизда ўша вақтдаги Ёзувчилар уюшмасининг раиси, атоқли адіб О. Ѓекубов адабиёт газетамызда каттакон бир мақола (балки эссе) билан чиққан эди. Мақола “Тавба, Абдулла ҳам элликка кириб қўйибди-я!” деб бошланғани ҳануз эсимда. Отахон адабилар назидда ўша вақтларда ҳам Сиз тенги шоирлар ҳамон “ёш шоир” дея эътироф этилишини биз ҳам кузатганимиз. Одам элликка кирса ҳам “ёш” бўлиб юриши... ғалати. Ҳолбуки, А.Қаҳҳор, Ойбек, Ф.Ғулом каби ўзбек адабиётининг юксак қояларига ақалли 65 ёш ҳам насиб этмаган эди. Ўша йили 31 августда Президентимиз И.Каримовнинг бекиёс жасорати билан миллий мустақиллигимиз эълон қилинди. Жамият тубдан ўзгара бошлади. Кўп ўтмай давлатимиз мадҳияси яратилди ва Сиз унинг матни муаллифи бўлдингиз.

Ҳозир ўйлаб қарасам, мен мактабни тутатган 1981 йилда Сиз қирқ ёшга тўлгандингиз ва китобларингиздаги қисқа



маълумотларни ўқиб билардикки, довруингиз ал-лақачон Ўзбекистондан тошиб чиқсан эди.

Бугун етмишга кирдингиз. Ортга, залворли даврларга қараганингизда нималар хаёлингизга келади?

– Одамнинг ёши нечага борса ҳам демак, унга Худо шу ёшни насиб кўриди, бунга ҳеч шак-шубҳа йўқ. Лекин қизиқасан-да: қайси ёш ўзи кўркам? Бунга жавобан айтаманки, қайси ёш устида турган бўлсанг, ўша ёш кўркам. Чунки миниб юрган отга ўхшайди-да бу. Хоҳ олтмиш, хоҳ етмишга, хоҳ саксонга кир – шу гап. Одил ака, Пиримқул ака, Жуманиёз акалар саксондан ошиб яшадилар. Қайси ёш яхши экан деб сўрамаганмиз. Қандоқ ҳам сўрайсан – одам боласи узокроқ умр кўрсам, деб яшайди-ку.

Устоз Абдулла Қаххор, Ойбек,Faфур Ғулом, Шайхзодалар пайғамбар ёшига ҳам етиб-етмадилар. Абдулла ака умрининг охирларида жуда заифлашиб қолган эди.

Балки замон, сиёсий алғов-далғовлар уларнинг ичини тўкиб ташлаганмикан? Шундайлиги-ку аниқ. Замон асабингни тинимсиз эговлаб тургандан кейин соғлик қолармиди. Ҳозир, тўқсонга ҳам чиқсан адиларимиз бор. Лекин Ойбек, Қаххорлар қисқароқ умр кўрган бўлсалар ҳам иқтидорлари ниҳоятда кучли эди. Балки бунинг яна бир сабаби уларнинг ўтган аср бошлидаги жадидчиликнинг шиддатли тўлқинидан сузиги чиқишганидадир.

Рус адабиётида “олтин давр” деб аталадиган XIX асрни олайлик. Пушкин, Лермонтов, Толстой, Достоевский – қанча яшаганидан қатъий назар кетма-кет гуркираб ижод қилиши. Барчалари даҳо эди. Бизда ҳам худди фасллар сингари адабий авлодлар алмашиб турди. Ўрта авлоддан сўнг пайдо бўлган Одил Ёқубов, Пиримқул Қодировларни эслайлик – улар бизнинг авлод карvonбошилари эдилар. Одил аканинг “Муқаддас” қиссаси Айтматовнинг “Жамила” сидек, янги бир қўшиқдек пайдо бўлди. Бу қўшиқнинг садоси баланд эди. Унгача адабиётда бунақа асар йўқ эди. Ёки Пиримқул аканинг “Уч илдиз” романини олайлик. Асарда талабаликнинг олтин даври баробарида ҳаётий зиддиятлар дадиллик билан таҳлил этилган эдики, бу асар ҳам қўлма-кўл бўлиб кетди.

Эллигинчи йилларнинг охири, олтмишинчи йилларнинг бошига келиб шеъриятимиз ҳам ўзгара бошлади.

Бадиий асарга нисбатан айтиладиган етуқ, ўртacha каби баҳолар бор. Бу тўғри, албатта. Ажабо, мазкур сифатлар адиларнинг ўзларига ҳам мутлақо тааллуқлидир. Майли, уларнинг ҳаёт йўллари қанчалик зиддиятли бўлмасин, барчасига хос умумий жиҳатлар ҳам мавжуд.

Александр Блок бир шеърида шундай дейди: эй, шоир, эртадан кечгача қовоқонага кириб бўккунча ичасан, сўкишасан, бўғишишасан, чиқиб черковга бориб ибодат ҳам қиласан, қайтаётib йўлнинг бир четида юмалаб қоласан. Лекин мен ачинсан-да, нафратлансам-да, барibir сенинг қавмингданман, сени шу ҳолингдаям яхши кўраман...

Майдакашлик, тарафкашлик нафақат адабиётни, балки миллатни ҳам емиради. Чамаси қирқ йиллар

бўлди, Фарғонада хизмат сафарида юрибмиз. Эрталаб турсак бир шеригимиз айюҳаннос солиб бақирияпти, Тошкентта, ҳозирги адабиёт газетамига телефон қилиб ўшқирияпти: нега менинг номим газетада фалончидан кейин ёзилиби, ундан менинг кам жойим борми?..

Шунда ўз-ўзимга: ё фалак, шуларга ўхшашдан Худонинг ўзи арасин, деганман. Буям бир ибрат.

Лекин ҳаётимда жуда мард, танти устозларни ҳам кўрдим. Уларни қўмсайман. Улар аввало Шахс эдилар. Назаримда Шахс бўлиш учун инсон 70-80 га кириши шарт эмас. У 20 ёшда бўлиши ҳам мумкин. Юраги катта, оликаноб, бағри кенг инсон Шахс бўлишга ҳақли. Ойбек, Қаххор, Шайхзода, Миртемирлар Шахслар эдилар. Улар қалбларига одамийликни, ранг-баранг, катта адабиётни жо қила олган эдилар.

Яқинда ёзувчи укамиз Л.Бўрихоннинг янги романни қўлёзмасини ўқидим. Унинг қаҳрамони жуда йирик Шахс. Ўйлайманки, бундай асарлар китобхонни ҳам юксалтиради.

– Сизни Худо юксак истеъдод билан қанчалик сийлаган бўлса, истеъдодда тенгсиз устозлар билан ҳам шунчалик сийлагандир. А.Қаххор “Мунонжотни тинглаб” шеърингиздан тўрт мисра эпиграф олгани ва бунинг сабабини ҳам билгандаймиз. Аввало, бу кенг миқёсдаги эътироф эканини ҳам тушунамиз. Ойбек, F.Ғулом, M.Шайхзода, Миртемир ҳақидаги мароқли хотираларингиздан воқиф бўлганлар бор. Назаримда, буларни бир тизма қилса, яъни қоғозга туширилса нақадар ажойиб ва қимматли китоб бўлар эди.

Айтинг-чи, Сиз устоз ёки замондош сифатида улардан нималарни ўзингизга ибрат қилиб олган эдингиз?

– Ўзим ҳам бу ҳақда кўп ўйлайман. Ёрқин истеъдодлар, йирик шахслар ҳақида ёзиш яхши, албатта. Лекин камина баъзан улуғ устозлар ҳаётига оид баъзи хотираларни варақлаб кўриб, негадир кўнглим тўлмайди. Масалан, А.Қаххор ланж, чучмал, эзма одамларни мутлақо ёқтирилас эди. Бироқ Қаххор хотирланган баъзи асарларда у узундан-узоқ нутқ ирод этади, маърузалар ўқиб юборади. Faфур аканинг ҳам ўз феъли бор эди. Албатта, аллақачон марҳум бўлиб кетган одам ҳақидаги гапнинг тўғри эканини ҳеч ким исботлай олмайди. Шунинг учун бўлса керак, баъзилар бу ўринда ўзларидан бемалол қўшиб ҳам юбораверадилар. Биз уларни билмасак экан... Ахир тутилиб гапирганинг ҳар бири Ойбек, ёки “бўтам” деганлар Миртемир бўлавермайди-ку. Устозлар ҳақида сўз юритганда аввало улар ҳақида ибрат бўлгалик нарсалар битиш керак, деб ўйлайман. Авваламбор, у зотларнинг мен учун ибрати меҳнатсеварлиги ва бағрикенгликлариридир.

Умуман, хотира ёзмоқчи бўлганда киши турли андишага боради: яъни, улар билан ош-қатиқ бўлган эдим, базму жамшидларда бирга эдим, мени отига мингаштириб юрар эди, деганга ўхшаш иддаолар пайдо бўлмасмикан, деб ўйлаб қоласан. Ҳолбуки, менинг Ч.Айтматов, Р.Ҳамзатов, Қ.Кулиевлар тўғрисида ҳам хотираларим кўп.

Бироқ нима дессангиз денг-у, бугунги кунда хоти-



ра ёзиш ҳаддан зиёд мода турага кирди. Адабий мардикор ёллаш ҳам одатга айланди. Уларни ўқигандан асар қаҳрамони шу қадар покизаю малаксиймо экан-у, биз уларни билмай юрган эканмиз-да, деган хаёлга борасан...

Баъзи олимлар ҳақидаги китобларда эса у ҳақда ким илик гапиргани, ким билан суратга тушгани, қайси юртга сафар қилгани – ҳаммаси батафсил ёзилади. Бундай китоб балки унинг ўзига керақтир, борингки, беш-ўнта яқин қариндошига улашар. Бир шоввоз эса кимлардан дастхат олган бўлса, уларни йиғиб китобга айлантирибди. Бир қарасанг, китоб чиқариш ҳам тўйига таклифнома чиқаргандай гап бўлиб қолди. Ҳамма нарса эви билан-да...

Навоий бобомиз ҳақидаги замондошлари хотира-ларини ўқисангиз, аксар “таъблари нозик эди” деган жумлага дуч келасиз. Хондамир, Бобурлар ҳам шундай деб ёзган. Бу – ҳазратнинг инжиқ феълига ишора. Бобур Навоий турмуши ҳақида ёза туриб, шоирнинг рўзгор тутмаганлигини айтади, сабаби эса бизга маълум эмас дейди. Қанчалар оқилона муносабат!

Агар Бобур Мирзо миш-мишларни ҳам ёзиб юборганида борми, Худо кўрсатмасин, бизнинг вақтимизга келиб улар яна ҳам болалаб кетган бўлармиди? Бу ҳол асло тасаввурга сиғмайди.

Ибн Арабшоҳ соҳибқирон Амир Темур ҳақида салбий гапларни кўп ёзган. Сабаби – 12 ёшли Арабшоҳ Шомдан асир қилиб келтирилган, демак, унинг алами бўлган. Лекин тарихчи олим ўзи билмаган ҳолда ҳам Соҳибқироннинг нақадар олижаноб инсон эканини қайд қилиб ўтади. Амир Темур даҳосини тан олади.

Ёзилган хотира аҳамиятли бўлса яхши, бироқ мақтанчоқлик, гуруҳбозлиқ, олифтагарчиликка хизмат қилса, у балои азимга айланади.

Ўрни келди, бир гапни эслаб қолдим. Ёзувчилар ўюшмасида Шевердин деган зот бўлган. Кўп акаларимизнинг қамалишига шу одам сабабчи бўлган. А.Қаҳҳор қачондир “Ҳаётдан ўтганимда тепамда Шевердин гапиришидан кўрқаман”, деган экан. Надоматлар бўлсинки, Абдулла ака вафот этганда шундай ҳол юз берди...

– Замон шундоқ эдики, надомат, афсус, армон у ёқда турсин, севгида айрилиқ, ҳижрон ҳақидаги шеърий сатрлар ҳам таъқиб этиларди. “Нега?” деган саволни берувчи маҳкама кимларнинг ёстигини қуритмаган эди ахир? Уларни санаб ўтсак гапимиз чўзилади, албатта. Аммо унутиш ҳам мумкин эмас-да.

Анов куни телевизорга қараб ўтирасам, ёш бўлишига қарамай дунёнинг кўп жойла-рига бориб келган спортчи йигит ўзбекча талаффузда қўйнала-қўйнала оламда Ўз-бекистондай, балки гўзалроқ жойлар ҳам бор, лекин ҳеч бир жойда биздаги меҳр йўқ, меникайдай она йўқ, менинг аё-лимдай гўзал йўқ, менинг уйимдаги-дай хотиржамлик йўқ. Шунинг учун бизнинг чўлларимиз ҳам уларнинг боғу паркидан афзал кўринади, деяпти. Самимийлиги кўзларидан сезилиб турибида.

Шунда беихтиёр қаттол замонларда ҳам Ватанни, она ҳалқимизни алқаб битган кўплаб шеърларингиз бирин-кетин шууримга оқиб кира бошлади. Ба баногоҳ, негадир, ҳар тугул Ватанни севиш таъқиб остига олинмаган экан-ку, деб ўйладим. Аслида ҳам шундаймиди?

– Ватанни севиш оддий гап эмас. Кимдир сўзамоллик билан артистлик қилиб севаман дейиши мумкин, бирор оёғига тикан киргани ҳолда шу тиканзорлари бор Ватанини яхши кўришда давом этаверади.

Одам боласи онанинг қорнидан ватанпарвар бўлиб туғилмайди. Ватанни севишга ҳам, иймонли бўлишга ҳам бола ўргатилади, унга шу руҳда тарбия берилади. Бола мурғаклигидан ниманинг таъсирига тушса, шу амални қила бошлайди.

Бир Япон аскари русларга асир тушиб Сибир ўрмонларида яшаб юради. Япон императори асирга тушгани учун кечирмаслигини у яхши билади. Юртига қайтгани билан жазоси аниқ – ўлим. Бироқ пайт келиб япон императорининг туғилган кунида сургундагилар ўша ҳукмдорни бўралаб сўка бошлайдилар. Буни кўрган япон асири аламидан шартта пичоини олади-ю, ўз юрагига санчади...

Дунёда шунақанги ватанпарварлигу ориятлар ҳам бор экан.

Нажмиддин Куброни эсланг. Ёши бир жойга бориб қолган авлиё зот, Чингизхоннинг сиз қальъадан чиқинг,





биз жанг қиласиз деган шартига жавобан: "Менинг ортимда элим, муридларим турибди, уларни ташлаб кетмайман!" дейди. Ва у, ўзингиз билганингиздек, юртдошлари билан бирга Чингизхонга қарши жангда курбон бўлади. Албатта, Кубронинг жасорати ҳам асл ватанпарварликнинг айнан ўзидир. Биз эса, бундай ҳолатларни асарларимизда тасвирлаганимизда, қаҳрамонга узун монолог ўқитамиз, ватанни севиш хусусида амру маъруф қилдирасиз.

Мақсад Шайхзода бир сухбатда шундок дегани эсимда: "Шекспирнинг драмаларида одам бирданига ўлиб кетавермайди, жон бергунича ҳам кўп воқеалар юз беради. Фалончининг асарларида эса қаҳрамони тез ўлиб қолади-да... Баъзан эса ҳалок бўлган кимсаннинг иягини боғлаш ўрнига бир балоларни декламация қилиб гапиришади. Китобхон шунга ишонадими?..."

"Мен нечун севаман Ўзбекистонни?" деган шеъримда "Юртим, сени фақат бойликларинг-чун, Севган фарзанд бўлса кечирма асло!" деган мисралар бор. Таассуфки, биз азиз билган шу Ватанни фақат моддий бойлик манбаи деб қаровчилар ҳам талайгина.

Ватанни севиш таъкиб қилинганими, деган саволингизга келсак, менинг жавобим бундок: Ўзбекистонни эмас, бепоён СССРни ватан деб куйлаш наинки лозим, балки шарт эди. Ўзбекистонни ундан алоҳида куйлаш миллатчилик ва айрмачиликка киради. Шу боисдан Ватанин жўнгина "Юртим", деб кўя қолардик.

– Саксонинчи йилларнинг ўрталарига келганда – у пайт биз талаба ёхуд битириув арафасида эдик – баъзилар Сизни китобий тилда айтганда замонасозлиқда айблай бошлиганинг эсимга тушяпти. Лекин Сиз уларга жавоб қилмадингиз. "Замон ўзгарди, дунё адабиёти ҳам бошка ўйсинга ўтди, адабиёт буёғига бизники", деганларни ҳам кўрдик. Сиз эса, ўзингизнинг муҳташам шеърий кошонангизни тиклаш билан банд бўлавердингиз.

Кейинчалик замон биз ўйлагандан кўра шиддатли тус олди. Мустақил бўлдик. Мана, Улуғ Истиқолга эришганимизга 20 йил бўлаёттир. Сиз эса услубингизга содиқ қолдингиз, шеърий шаклда ҳам ўзгариш ясамадингиз.

Яқинда юбилей қилишга тараффуд кўраётган бир шоир қулоғимга шивирлагандай қилиб айтди: "Собир, адабиётда истеъодлар жуда кўп бўлар экан, лекин даҳо битта бўларкан!..."



– Ёв қочса ботир кўпаяди, деган бор гап. Лекин ҳамма жойда ҳаёт мавжуд. Ҳатто ўша қамоқхоналарда ҳам.

Бетгачопарлик жасорат саналмайди. Менга ёқмади, деб тўйни бузиш марднинг иши эмас. Ўтган замонларда ўзини сиёсий тазиикә учраганман деганларнинг баъзилари аслида киссавур, от ўғриси бўлганлар. Астағфурилло!

Ҳазрат Навоий "Айтар сўзни айт, айтмас сўздан қайт", дея ўғит берган эдилар. Рост гапни ҳам ўз ўрнида айтмоқ лозимлигини уқтирганлар.

Навоий одоб билан салафларини эътироф этади, уларнинг изидан бораётганини таъкидлайди, сўнг эса шоирнинг ўзи салафларидан ҳам ўтказиб ёзиб қўя қолади...

– Адабиётда истеъодлар доим ҳам бўлган. Навоий ҳазратлари ўз муҳитидаги юзлаб шоирлар ҳақида маълумот беради. Давр ҳукми шекилли, биз уларнинг камгинасини биламиз.

Шўро даврида адабиёт борасида катта танловлар бўлганини эслаш қишин. Мустақилликдан сўнг бизда айниқса ёшлар учун жуда кўп танлов, мукофотлар жорий этилди. 25 ёшгача бўлган қизлар учун Зулфия номидаги Давлат мукофоти таъсис этилганига анча йил бўлди. Ёзувчилар уюшмаси ҳузуридаги "Иход" жамоат фондининг ташкил этилиши эса давлат раҳбари И.Каримовнинг тагин адабиёт ахли, жумладан, ёшларга кўрсатган алоҳида марҳамати бўлди. Ҳозир бир қатор ёшларнинг китоблари давлат ҳомийлигига кўп минг нусхада чоп этилиб, барча ўкув даргоҳларига етказиб берилди.

Абдулла ака, бу ёшлардан Сиз нималар кутасиз? Улар ичида айрича истеъоддод соҳибларини кўряпсизми?

– Ёшларга эътибор жуда улуғ иш. Бу эътибор муҳтарам Юртбошимизнинг "Фарзандларимиз биздан кўра кучли, билимли, доно ва албатта баҳтили бўлишлари шарт!" деган даъватининг давомидир. Ёш ижодкорлар орасида истеъоддилари кўп. Келгусида уларнинг ўнтасидан бири ёки ютасидан ўнтаси яхши ижодкор бўлиб чиқиши, шубҳасиз! Ахир юзта ниҳол ўтқазсанг, ҳеч бўлмаса, учдан бири кўкариб дарахт бўлар-ку.

Ўтган асрнинг эллигинчи йилларида ялпи адабий савия жуда паст эди. Бугунги ёшларнинг савияси эса анча баланд. Уларнинг яна ҳам юксалишларини, мумтоз адабиётимизнинг маъно ва мазмунини, маҳоратини янада пухтароқ ўзлаштиришларини хоҳлаймиз.

Адабиётда мавзу чекланмаган. Хоҳлаган мавзууда қаловини топиб ёзолсанг зўр асар вужудга келиши мумкин. Бирорларга тақлид қилиш асло шарт эмас.

Истеъодларни юзага чиқариш учун ҳар томонлама шарт-шароитлар муҳайё қилинди. Ёшлар бу имкониятдан унумли фойдалана билишлари зарур. Бизга дунё тилларини ўрганиш, ўзлаштириш насиб қилмади. Қани энди фарзандларимиз орасидан нафақат моҳир тилмочлар, балки зукко адабий таржимонлар ҳам чиқсао асарларимизни дунёга кўз-кўз қилолса.

Бу йил мустақиллигимизнинг йигирма йиллигини нишонлаймиз. Адабиёт остонасида турганийгит-қизлар



ҳам қарийб мустақиллигимизнинг тенгқурларидир. Биз бу навқиран авлоддан кўп нарса кутишга ҳақлимиз.

Мухтарам Президентимиз «Мамлакатимизда демократик ислоҳотларни янада чуқурлашдириш ва фуқаролик жамиятини шакллантириш концепцияси» рисолаларида Ўзбекистонимизни юқори даражада тараққий этган давлатлар қаторига қўшиш принциплатини аниқ белгилаб бердилар. Мамлакатимиз ўшандай даражага етишишида ёшлар байроқдор бўладилар, албатта.

– Эътибор берганмисиз, бизда библиография, мемуар ёзиш йўлга қўйилмаган. Бир-биrimизни қисқа эътироф этишга ўрганиб қолдик. Сайд Аҳмад домланинг F.Гулом, А.Қаҳҳор ҳақидаги эсдаликлари ғоят қадрли. Чунки улар жуда жонли тилда ёзилган ва табиийки, улуғ адилларимизнинг ҳаётда оддий инсон бўлганликларини, айни пайтда хос фазилатларини ҳам ёрқин англагади.

Демоқчи бўлганим: фурсати билан Сиз ҳам устозларингиз ёки сизга замондош бўлган тарихий шахслар ҳақида ёзсангиз, жуда мароқли китоб (ёки китоблар) бўлар эди. Ўрни билан айтай, Сиз ҳақингизда мемуар ёзмоқчи бўлиб юрганлар бор. Борлари, китоб ҳолида чиққанлари эса чала-ярим, узуқ-юлуқ тасаввур беради.

– Бирорни яхши кўриш учун уни яхши билиш керак. Бирорни ёмон кўриш учун эса ундан ҳам кўпроқ билиш лозим. Бир ижодкорни баҳолаш учун унинг айрим сатрларини талқин қилиш билан чегараланмаслик керак.

Умуман билмай баҳолаш ёмон иллат. Баъзи олимларимиз эса аннотация, тақриз, эътирофдан иборат акс-садоларни катта илим деб ҳисоблашади. Баъзан ўзим ҳақимда ёзилган айрим нарсаларни ўқиганда ҳам ҳайрон қоламан.

– Гарчанд одатий бўлса-да, бу саволни четлаб ўтолмас эканмиз: нималар ёзиш билан машғулсиз?

– Бир тўртлигим бор:

Коинот гултожи инсондир азал,
Ундадир энг олий тафаккур, амал.
Ҳатто у тубанлик ичра ҳам танҳо,
Ё фалак, ижодинг бунча мукаммал!

Бундан буён ҳам каттами, кичикми асар ёзар эканман, инсон қалбининг мураккаблигини тасвирилашга ҳаракат қиламан. Бу мураккаблик эса ниҳоятда теран, унинг туби кўринмайди.

Собир ЎНАР суҳбатлашди.





Абдулла ОРИПОВ

Отлан ҳар нафасини янидири бешак

УЛОҚ

Тоғлар орасида, жуда узоқда,
Мен ҳам қатнашганман битта улоқда.

Улоқни ўртага ташлар баковул,
Майдонда бошланар гўёки довул.

Тўзон кўтаришиб отлар чопишар,
Улоқни узай деб қўллар ёпишар.

Гоҳида тулпорга бершиади панд,
Тўпланиб, ийлига солишиади банд.

Баъзилар гирромлик қилса ҳам бироқ
Қизир қизигандан кўпкари-улоқ.

Бу ҳам бир томоша, бу ҳам ҳавасдир,
Улоқнинг ўрнида бўлмасанг басдир.

24. 02. 2011 йил.

ЮМУШ

Асло адo бўлмас тириклик иши,
Монеълик қилолмас унга ҳеч бир жон.
Фалон юмуши билан банддир у киши,
Фалон хизматдадир мана бу инсон.

Пайт келиб, ўзгартар касбини бирор,
Истеъро бергайдир, дейлик, амалдор.

Собиқ деб атарлар уларни дарров,
Собиқлар сафи ҳам минг ишларки бор.

Кимки гар юксаклик пояларида
Хизмат қила олди юртига содиқ –
Мудом баҳра бордир сояларида,
Мудом улуғлашар, бўлса-да собиқ.

Асли бу ҳолатда йўқ зарра алам,
Авлод-ку алмашиб тургай доимо.
Шоирим, тушмасин қўлингдан қалам,
Сени собиқликдан асрасин Худо!

24.01.2011 йил.

ИЛТИМОСНОМА

Тафаккур соҳиби мана бу одам,
У асло синмайди, қанча эгмагин.
Бироқ банда у ҳам, инсондир у ҳам,
Ҳурматли худбинжон, унга тегмагин.

Мана бу одамда қалб бордир гўзал,
Ҳислари ўхшайди ёйилган кунга.
Илтимос қиласман, раҳм айлагил сал,
Азизим дилозор, тегмагин унга.

Бунда-чи, порлайди ёрқин истеъодод,
Ақлу ҳис бирлашиб, унда бўлмиши жам.
Худо ҳаққи, уни қилмагил барбод,
Қадрли ҳасадгўй, тегма унга ҳам.



Яхшиси, барчангиз марҳамат айлаб,
Келинг ҳузуримга, меҳмон қилгайман.
Ахир аён менга сиздаги талаб,
Хар нечук, мен сизни кўпдан билгайман.

25.01. 2011 йил.

ТУГИЛГАН КУН

Тугилган кунингни чиқарма эсдан,
Гарчи таъмалардан бўлсанг ҳам холи.
Жилмайиб тургайсан, гўё муҳлисдан,
Мақтov кутаётган шоир мисоли.

Асли бундай айём ёшларгадир мос,
Улар улгайшидан қувонмас нечун.
Кекса-чи, шукrona айтгайдир холос,
Ўлмай шу кунларга етгани учун.

Ёшлар сурон солар яна дунёга,
Оёгин остида чатнайди тупроқ.
Кекса-чи, очса ҳам қўлин дуога,
Кейинги санасин ўйлайди кўпроқ.

07. 01. 2011 йил.



САВОБ

Унда қайнаб ётар меҳр булоги,
Йўқ унга дўстларнинг яқин-йироғи.
Савобга шу қадар ботиб кетмии у,
Фақат кўринади икки қулоги.

23. 11. 2010 йил.

ГАВҲАР

Азизим, бир ҳолни назарга илгил
Ва унга ҳамиша риоя қилгил:
Йўлга сочилади оддий чагир тоши,
Гавҳар қадалади дасторга, билгил!

23. 11. 2010 йил.

ОДАМ

Бир заррин ип тортар қўлимдан гўё,
Болалик киргандек чоллар тушига.
Мен ундан дастимни узмасман асло,
Боғлиқ у бобомнинг оғриқ тишига.

Иккинчи қўлимдан тортар бир арқон,
Мақоми юксаклик йўлларидаидир.
Унинг битта учи бешак, бегумон,
Ёвқур набирамнинг қўлларидаидир.



Дунёда шу тахлит яшайди Одам,
Гоҳо мағлуб бўлса, гоҳида голиб.
Авлодлар изидан ташлар у қадам
Ўтган ажододларни ёдига олиб.

01. 11. 2010 йил.

УРФ

Табиатда ҳар неки одат бўлур,
Чу эскирди, одат табиат бўлур.

Алишер Навоий

Дунёда нима кўп – урф кўп, болажон,
Бунёд бўлибмизки, кўргаймиз уни.
Нимадир урф бўлса тонгда ногаҳон,
Шомга етиб келгай унинг учқуни.

Дейлик, пайдо бўлди почаси тор шим,
Кучук талагандек йиртиқ ва ямоқ.
Тақлид шу заҳоти бошлинар, балким
Иштон тикилади ундан баттарроқ.

Асли урф дегани гоятда зўр куч,
Оҳорин йўқотмас донолар сўзи.
Одамзод ҳамиша янгиликка ўч,
Ахир янгилик-ку тугилмоқ ўзи.

Мана, компьютер ҳам замон талаби,
Ракета одамни элтгай самога.
Лекин инсон зотин битмас матлаби,
У таҳрир киритар доим дунёга.

Асло тиним билмай чарх урап фалак,
Динлар, фалсафалар яшар қоришиқ.
Олган ҳар нафасинг янгириб бешак,
Тажриба Холиқча аслан ярашиқ.

Худди ҳозиргидек замину осмон,
Турли урфлар билан лиқ тўлган эди.
Галати бир мавсум, ба ҳукми замон,
Менга тоши отиш ҳам урф бўлган эди.

У кезлар наинки ўзликни, балки,
Ўзбеклигимни ҳам айттолмас эдим.
Ёшим минг йилларга тенг келса ҳамки,
Битик тошларимга қайтолмас эдим.

Гарчи, эгиз эди биз билан даврон,
Қанотсиз қолганди лекин тафаккур.
Шунча талотўдан ўтиб сог-омон,
Шеър ёзиб юрибман, Аллоҳга шукур.

4.04. 2010 йил.



Турсун АЛИ



Адабиёт – инсон қалбига йўл

Оммабоп журналимиз «Ёшлик» «Адив хонадонида» рукнида ўз мулоҳазаларим, хотираларим, мулоҳадаларим билан иштирок этишга так-лиф қилганида, хийла тараффудланиб қолдим, анча вақт (насрда бўлгани учун) жавоб ёзишга журъат қилолмадим. Аслида мавзу туниш, аксарият сұхбатларимда бу борада имкон даражасида гапирганман ҳам. Янги гап айтиш қийин. Нимадан гап бошлаш керак?..

Онам ҳақида. Дарвоқе, бувим Қундузхон опа (Қувада онани буви дейишади), қорачадан келган, озғин, меҳнаткаш, чайир аёл бўлган. Ҳамиша далам, уй-жойим, болам, рўзгорим деб жон куйдиргувчи (кўп аёллар янглиғ) она бўлган. Жуда ёш бўлсам-да, эслайман: соғин сигиримиз қишида молхонасиз қолганда, бувим лой кечиб, молхона қурган ва ўшанда қаттиқ шамоллаб болаларим уйда ёлғиз қолади деб касалхонада ётмаган. Бувим эрта баҳорда ўпка шамоллаши оқибатида оламдан ўтган. Онадан олти фарзанд қолганимиз.

Дадам ўрта бўй, қирғиз қовоқ, қишлоқда «Ўрмон қирғиз», «Ўрмон карис», деб айтилган. Бу лақабларни хушламасдан баъзилар билан ёқалашиб қолганига ҳам болалиқда гувоҳ бўлганман. Ҳаммага яхшилик қилиб юрадиган инсон бўлган. Табиатида меҳрибонлик, жонкуярлик юксак эди. Вақти одамларга яхшилик қилиш билан ўтиб, уй-жой ташвишларига фурсати қолмас эди ҳисоб. Умри асосан ишда, кўчада ўтган. Шеърлар машқ қилишимдан қаттиқ қувонган. Кўпчиликка мақтанган. Газеталарда чоп этилган шеърларимни қўйнига солиб, кўрган туниш-билишларга энтикиб ўқиб берган. Раҳматли дадамда мендан фаҳрланиш туйғуси баланд эди.

Эсимни танибманки, шеърият, адабиётга меҳр қўйганман. Ҳали бошлангич синфда шеърлар ёдлаб юриб, ўзим ҳам ёзишга қизиқиб, онамнинг ёрдамида

шеър машқ қилганман. Илк шеърим иккинчи синфдалигимда “Ленин учкунин” (хозирги «Тонг юлдузи») газетасида чоп этилган. Ўша кун тун ярмида дадам уйкудан уйғотиб, газетани бутун оиласизга кўрсатган. Шеър ёзишим мактабда, қишлоқда шов-шув бўлган. Саккизинчи синфни битирганимдан сўнг дадам Тошкентга. Қишлоқ ҳўжалик техникумига ўқишига олиб келган. Бирок, адабиётта қизиқишим устун келиб, бошқа соҳага меҳр уйғонмади.

Шаҳарда дадамнинг қишлоқдаги болалик ён қўшниси Асадулла тоғанинида яшаб, кундуз босмахонада ишлаб, ишдан кейин 2-сонли Ишчи ёшлар кечки мактабида ўқидим. Шеър машқ қилишни ташламадим. Машқларимни олиб «Гулистон» журнали бош мухаррири, кувалик ёзувчи Иброҳим Раҳимнинг олдига бориб, яқиндан танишганман. Кейинчалик ота-боладек бўлиб кетдик. Кўп нон-тузини тотдим. Яхшиликларини кўрдим. Машқларим чоп этилишида ёрдами бекиёс бўлди.

Ўзбекистон халқ ёзувчиси Иброҳим Раҳим хонадонида бир муддат яшаб, Комил Яшин, Ҳалима Носирова, рассомлар Раҳим Аҳмедов, Абдулҳақ Абдуллаев, шоир-ёзувчилар Ҳафиз Абдусаматов, Ҳамид Ғулом, Шуҳрат, Йўлдош Шамшаров, Асқад Мухтор, Рамз Бобожон, Абдулла Орипов ва бошқа кўплаб санъаткорлар, зиёлилар билан кўришиб, уларнинг сұхбатидан баҳраманд бўлганман. Тошкент Давлат университетига (хозирги Ўзбекистон Миллий университети) ўқишига киришимга ўша пайтлар машҳур адабиётшунос, профессор Лазиз Қаюмовнинг ёрдами теккан. Ҳали талабалик пайтимда дастлабки шеърий китобим «Зангори овоза», «Юракдаги ёзувлар»Faafur Ғулом номидаги Адабиёт ва Санъат нашриётида чоп этилган. Бугун у китобларимдан унчалик кўнглим тўлмайди.

Эндилиқда қўлёзмани нашр этишда шошилмас-



ликни, китоб мутолаасида танлаб-танлаб ўқишни, дунё адабиётини мутолаа қилиш заруратини тушуниб етдим. Жуда кеч. Ҳозиргача ўн битта китобим чоп этилган бўлса, фақат кейинги «Сокин ҳайқириқ», «Ой япроги», «Гуллаётган юрак» номли китобларим нашридан қувонаман, холос. Гарчи шеърларимга устоз Абдулла Орипов «Оқ йўл» тилаган бўлса-да, кўпроқ Рауф Парфи шеърияти йўлидан бораётганимни ҳис этаман. Адабиётда кўп йўл-йўрикни айнан Рауф Парфи берганини ёдда тутаман. У мутолаа учун Жорж Байрон, Нозим Ҳикмат, Фозил Ҳусни Доғларжа, Гарсия Лорка, Пабло Неруда, Александр Блок, Имант Зиедонис, Янис Рицис, Андрей Вознесенский сингари, инглиз, испан, турк, рус, хуллас, дунё шоирлари рўйхатини ёзиз берар эди. Уларни ўқишга даъват этарди. Балки, озми-кўпми, ўқиганларим туфайли баҳолиқудрат изланиб, янги йўналишлар қидирадим. Менимча, Рауф Парфи янгича изланишлар ва йўналишлар мактабидир.

Адабиётимиз ранг-баранг бўлишини хоҳлайман. Бекорга Чўлпон ҳам арузни ўқиб, бир хиллик, бир хиллик деб қайғурмаган. Қайғуларни амалда қўллаб, турк, рус, татар ва бошқа адабиётларни ўрганиш натижасида янгича шеърията асос солди (у бир ўзи эмасди). Қувончли ҳол: бугун адабиётимиз ранг-баранг тус олган. Аруз ҳам, бармоқ ҳам, сарбаст ҳам ривожланиб, модерн адабиёти ҳам авж олмоқда. Ахир, арузни Эркин Воҳидов, бармоқни Абдулла Орипов, сарбастни Рауф Парфи каби пешқадам шоирларимиз янгилаганидек, бугун ҳам шеъриятимиз янгиланиб бораётир. Нафақат шеъриятимиз, насримиз ҳам аллақачон янгича тус олган.

Бугунги адабиётимизга назар ташласак, менинг наздимда, ҳозир ёшлар насли юксалиб бораётир. Бу кузатишларимни «Ёшлик», «Шарқ юлдузи» журналларида кўраётиман. «Ёшлар китоби», «Олтин кўприк» китоблари, илк тўпламлар мутолаасида бунга гувоҳ бўлаётиман. Кейинги пайтларда Ватан мавзусига кўп ургу берилаётир. Бу – тўғри. Айни маҳалда ҳар бир ёзилган шеър ёки бошқа жанрдаги асар ўз-ўзидан ватан ва ватандаги воқеа, ҳодиса, одамлар, нарсалар ҳақида эканлигини ҳам унумаслигимиз керак. Асарлардаги манзаралар, жонзорлар, майсалар, дараҳтлар, тоғлар, булоқлар, еру осмон, ҳамма-ҳаммаси ватанники бўлгач, каттами, кичикми, ҳар бир асар ватан ҳақида бўлади. Хуллас, яралган асар ватан тараннуми, ватан мадҳи эмасми? Зоро, Ватандаги ҳар бир нарса Ватандир.

Бошқа бир кузатишум ҳозирги, катта адабиётга кириб келаётган ёшлар ҳақида. Улар миллий адабиётимизни, жаҳон адабиётини ҳам жуда кам ўқишаётир. Бу эртанги адабиётимиз учун катта нуқсон бўлиши мумкин. Адабиётимизнинг яна бир касали – кечагина қалам ушлаган ёшми, қарими борки, китоб чиқариш дардига йўлиқкан. Ҳатто, уч-тўрт китоби билан элга танилиб-танилмай, сайланмалар, жилд-жилд китоб-лар чоп этишга киришиб кетадилар. Ўз ҳисоби ёки кимларнингдир ҳомийлигида, албатта. Менинг наз-димда ҳақиқий адабиётга ҳеч қандай ҳомий керак эмас, адабиёт ўз йўлини, ўқувчи қалбини ўзи топади. На-

заримда, адабиётшуносларимиз, танқидчиларимиз адабиётнинг тўғони бўлишлари керак. Афсус... Ҳамма қаламкаш ҳам ижодкор бўла олмайди. Ижодкорни эл «ёзувчи», «шоир» деб тан олмаса, ёзганлари – елвилик бўлиб қолади.

Мавриди экан, ўзим ҳақимда давом этсан. Менинг руҳиятимда ҳаяжон кучли бўлса керак: манзара, ҳолатлардан ҳайратланишим чексиз.

Рахмидилликни яхши кўраман.

Севги, муҳаббат, меҳр туйғуларини асрашга ҳаракат қиласман.

Гўзалликни, гулларни севаман. Ҳар бир гулнинг ўзига хос toti, ifori bor. Улар менга илҳом баҳш этади, уларга атаб ёниб шеърлар ёзаман.

Бева-бечораларга қайғураман, куйинаман.

Дарвеш, жунунвор одамлар билан тез дўстлашиб, чиқишиб кетаман. Имкониятим борича кўмак беришга уринаман. Жонкуяр аёлим “йўлга солиб” турмаганида, дарвешга айланиб қолган бўлардим, эҳтимол.

Иқтидорли кишиларга ҳурмат-эҳтиромим юксак.

Бошимда қилич турса-да, рост сўзлашни хоҳлайман.

Алданишдан ўксийман.

Мансабпарам, худбин одамларга яқин бўлишдан тийиламан.

Мақтовни жиним сўймайди.

Танқид ўринли бўлса, тан оламан, суюнаман.

Адабиёт ва санъатда ранг-барангликни хуш кўраман.

Оила аъзоларимни, гарчи мақташга лойик бўлишса-да, мақташни ёқтиримайман.

Негадир туғилган кунимни нишонлашни, эслашни, табрикларни истамайман. Ҳатто, ўша кунни эсламасдан ўтказсам дейман.





ШОИР ҲАҚИДА

Турсун Али (Урманов) 1952 йилнинг 5 февралида Фарғона вилоятининг Қува туманидаги Тошйўли қишилогида туғилган. 1968 йил 2-ўрта мактабнига 8-синфини тамомлаб, 1971 йилда Тошкент шаҳридаги 2-кечки ишчи ёшлиар мактабини тугаллаган. 1981 йили ҳозирги Ўзбекистон Миллий университетининг филология бўлнимини битирган.

Дастлаб у “Ўзбекистон маданияти” (ҳозирги “Ўзбекистон адабиёти ва санъати”) газетасида мусаҳҳих, сўнгра Ғафур Ғулом номидаги Адабиёт ва санъат нашриётида, Чўлпон нашриётида, “Ўзбекистон овози” газетаси таҳририятида ва “Адолат” нашриётларида турли лавозимларда ишлаган. Айни пайтда Ўзбекистон ёзувчилар уюшмасида адабий маслаҳатчи вазифасида меҳнат қилиб келмоқда.

2008 йили “Дўстлик” ордени билан мукофотланган.

Турсун Алиниң дастлабки шеърлари “Ёшлик баёзи”, “Ёшлик” альманахларида босилган. Шундан сўнг, “Зангори овоза” (1979), “Юракдаги сўзлар” (1983), “Ёруғ кунлар” (1986), “Изтироб остонаси” (1983), “Тун товуши” (1993), “Ёлғизим” (1995), “Уйғоқ сукунат” (1999), “Туйгулар ранги” (2001, “Сайланма”), “Сокин ҳайқириқ” (2005), “Ой япроғи” (2008), “Гуллаётган юрак” (2009) номли шеърий тўпламлари нашр қилинган. Шоирнинг “Смена” журналида туркум шеърлари, “Гранат” (рус тилида) альманахида, Озарбайжонда (озар тилида) тўпламлари чоп этилган. Шунингдек унинг шеърлари инглиз, тожик, қорақалпоқ тилларига таржима қилинган.

У таржимон сифатида ҳам фаолият кўрсатиб, хитой, япон, рус шеърияти намуналарини ўзбек тилига ўғирган.

Умр ўйлдоши Мавлуда Урманова ҳисобчи. З нафар ўғли бор. Иккى фарзанди олий маълумотли, уйланган. Кенжаси ўқувчи.





Турсун АЛИ

Кептиб борғар қора ғидо қийиан түн

ФАРГОНАДАН ЎТГАН ТУРНАЛАР

Марғилон.

2009.

Мезон.

Маҳмуд ўғли Исмоилнинг гулларга ошён ҳовлиси.

Баланд ишик остида,

Шўъланганган

тILLA узумлар ҳидидан сармасст,

суҳбат қурадар икки юрак,

икки таҳдир.

Қадим адабиёт,

Навқирон шеърият...

Баланд-баланд тоғлардан шошган сувлар ҳам,

қувлашмачоқ ўйнаб кечган кунлар ҳам,

ирмоқларни сиздиролмай азим Сирдарё,

бир латиф газалдай бўлмиши Фарғона.

Овоз берар Увайсий момо,

Нодира моҳим,

суҳбатга бош бўлмиши Навоий бобо.

Ёр эшигин тонг отгунча қучган Ҳазиний,

Эл дардини куйлаб ўтган Махмургача то.

Эҳ-ҳей,

тагин қанча-қанча шоирлар.

Нур ёйиб даврага кирадар Ҳувайдо,

Ёркентдан нидоси бўйлар Фурқатнинг.

Муқимий яктакда «оҳ» тортади, «оҳ».

Хабибулло Саид Гани шеър ўқир маҳзун.

Ў, Йўлдош Сулаймон

момогулдиракдай тортади наъра.

Ногоҳ, осмон тоқидан тараалар садо.

Бир лаҳза қотган муаллақ

«қурей-қурей» — садо тортган турналар.

Ё фалак,

Осмонни бўйлайди Адабиёт,

Замину фалакни чулгар Шеърият қалби.

«Биз қайтамиз» демоқчи бўлдими улар,
Фарғонани ташлаб кетган шоир болалариdek?

ЭСКИ МЕҲМОНХОНА

Шаҳар узра оқшом. Чироқлар хира –
Қадалар ўликнинг қўзидаи нурсиз.
Дарбадар туман-да оқсаb, судрала,
Анвойи рангларга чулғанар ҳиссиз.

Толикқан жиссмимни опичлаб базўр,
Бир баланд бинога кираман беҳол.
Нураган, намиққан деворлари шўр,
Ётоққа ўргимчак ин қурмии, не ҳол?

Увада қўрпалар булутдай тўзғоқ,
Каравот гичирлар – синган қовурға.
Шифт бўйлаб бадбўй ҳид анчадан изғоқ,
Ўқтин чириллайди дайди чувуртка.

Кўшини хоналарда уйғонар хуррак,
Кимдир оҳ тортади ҳазин, синиқкан.
Қайси бир кимсалар бузмайди пинак,
Шунақа муҳитда, қайдам, чиниқкан?

Девор четларида кўзи лўқ сичқон,
Яқин бир хонада йиғлар чақалоқ!
Балки, онайизори чарчаб, толиққан,
Оҳ, йиғлайди, йиги тинмайди узоқ.

Бурчакда дилдирап сочи узун қиз,
Бүгдой юзларида аччиқ изтироб.
Кўзи ўйчан бола ўлтирап ёлғиз,
Балки у шоирдир, гадо ё бетоб?

Йўлакдан барваста кас ўтар сармасст,
Кўлтигида гулдай навниҳол аёл.



ЖУМЛА

*Бу дунё бўлмаган, ҳеч бекаму кўст,
Бошимда чарх урар турфа хил дунё.*

*Дарз кетган руҳимда кезар маҳзун шеър,
Ташқарида туман қоп-қизил, сарик.
У қора алвости – ёвуз, бемехр,
Юрагимда қалқар қайсар бир оғриқ.*

Оҳ, қайдан келдим бу меҳмонсаройга?

САБОТ

*Сина-сина,
яинай-яинай чангалзорга эврилган дарахт,
шоҳларида вишиллар илонлар,
сур калтакесаклар ўқраяр ёмон.*

*Чатнай-чатнай,
гуллай-гулламай, эртак боласига йўзрилган
дарахт,
теграсида арилар учади ҳамон.*

*Ғадир-ғадир,
сагир-сагир, бир қўрқинчли чангаллари ҳайҳот-
ҳайҳот дарахт,
япроқлари япроқлар эмас,
бақалардир сан-сарик.*

*Умрзор...
Кўмирзор узра қадимий харсангга айланган
дарахтдан,
қоп-қора терларга ботиб сужудим,
мевалар қидирдим, бол томчилаган.*

Сўнгги йўқ афсусга чулганди бағрим...

ОЙДИН КУНЛАРИМ

*Кўрайдин...
Дарахтзор ялангоч,
ҳоргин.
Куз йўли.
Боряпман тун қаърига жим.
Пойимда хазонлар шитирлар қакшаб,
теграмда юлдузлар
пирпирап бир зум.
Ой
ажсадарҳо булатлар комида қолган,
янада
қораяр мушфиқ тунларим.
Босган қадамимда шиддат ҳам толган,
изимдан термилар ойдин кунларим.*

КУН БИЛАН ВИДОЛАШУВ

*Деразамнинг кўзларин очдим,
ийманиб кирди шаббода.
Ёлгиз эмасман, севгилим, энди.*

*Ухлаётган кечани
уйготди
Қари итнинг ёлгиз товуши*

*Бирдан эшиштаман ўз овозимни,
тўрт тарафга аланглайман жисим,
танимайман овозимни мен.*

*Тунни ухлатмади сира ҳам
марҳум Рауф Парфининг
ёргулукни излаётган толгин кўзлари.*

*Табиат шу қадар гўзалки,
Борлиқ кўз ўнгидা
ўлдирилмасман ўзимни ҳеч ҳам.*

*Бармоқларинг югурап баданимда,
Сен ҳақингда, маликам,
хаёллар суралман сокин ҳам узоқ.*

*Кўзларингда шамол-тўзон кўрдим.
Ва жисмгина
кўзинг қудугига беркиниб олдим.*

*Сенга етдим десам,
узоқлардан жисолланган аксинг экан,
эй, қўллим етган Ой.*

*...Туши кўраман илонларни мен.
Үйгениб боқсам,
кетиб борар қора ридо кийган тун.*

*Боғ ичра ёлгизоёқ йўл,
босаман танҳо,
кўксимга урилар шамолдек дунё.*

*Боғ қаърида итлар улиди узоқ,
қақраган дарахт тагида
дуо қаби ўқидим шеърлар.*

*Тамаки тутунин ичимга ютдим,
Сўнг қидирдим ичимдан
ўз сўзларимни.*





Абдулла АЙЗОВ

ПОЛВОН ЙИГЛАГАН ТУН

Қисса


Бугун чеңаклик Қодирбек мерган түй бошлаб юборди. Қири адиrlардан ошиб узоқ-узоқларга тараалган карнай-сурнай садолари одамларнинг хуш-хандон қий-чувига уланиб кетди. Бу ёғи тоғли қишлоқлардан, у ёғи чўл тараф овуллардан гуррос-гуррос меҳмонлар, полвонлар кела бошладилар.

Тўйхона биқинидаги бедапоядан тортиб, ўйдимчукур йўл четларигача машиналар тизим-тизим: мезбонлар томонидан тайинланган кузатувчилар уларни зийрак кўриқлашади. Ахир бир кунлик түй ўтади-кетади, аммо кейин гийбат кўпайиши мумкин. “Фалон қишлоқдаги фалончининг тўйига борган эдик. Томоша айни қизиган пайт, уловимизнинг зарур нарсасини шилиб кетибди! Дабдабага берилгунча меҳмонларнинг иззатини қил, кўликларига кўз-кулоқ бўл...” – қабилидаги гап-сўзлардан эҳтиёт бўлган маъқул.

Қодирбек мерган давра кўрган одам. Тўй олди яқинларини маслаҳат ошига чақириб, ҳар кимнинг кайвоничилигига қараб хизматларни тақсимлаб берган. “Тўй бир маники эмас, ҳаммамизники. Бирга обрў олайлик”, деган одатдагидек жиддий бир қиёфада.

Мана, элдан чиқмай, кимгадир яхши, кимгадир ёмон кўринса-да, тўй-маъракаларда бош-қош бўлиб юрган Қодирбек мерганнинг ўзи бугун эл-улус олдидан ўтаяпти. Маҳалланинг ўшу қариси хизматта “лаббай” деб турибди. Хизматчиларнинг оёғи олти, кўли етти. Ҳар бири ўз вазифасини бинойигина ўтаб, тўйчининг эътибирига тушиш иштиёқида.

Ҳа, нимасини айтасиз, тўйига нима етсин?! Одамлар юз-кўзларида табассум. Бир-бирини бағрига бошишлар... Меҳмонларга тавозе билан пешвоз чиқкан Қодирбек мерганга кимдир ошкора, кимдир пинҳона тўёна қистиришига уринади. Бирор хизматчи болага етаклатиб юборган қўзиға зимдан ишора қилса, бошқаси са-





ломлашиш баҳонасида тўй соҳибининг кафтини маҳкам қисади.

“Э, шундай келаверсангиз ҳам бўларди...” дейди Қодирбек мерган хижолатомуз. Тўёналарни мерганнинг боди бир божаси лабига сигарет қистирган кўйи кўк дафтарига қайд этиб боради.

Дарвоза қархисидаги ариқрошини қопларидағи нарсаларни кўз-кўзлаётган пистафурушлар-у, атторлар эгаллашган...

Шодиёна шавқидан маст кишилар ҳаш-паш дегунча кеч тушиб қолганини-да пайкашмади.

Шом. Кўприқдан ўтиб, тўйхона яқинига келиб тўхтаган “Раф” машинаси атрофини кий-чув кўтарган болалар ўраб олишди.

– Ур-ра! Сардор полвон келди-и-и!

– Кураш томошаси роса қизийдиган бўлди-да.

– Сардор полвон акамнинг ошнаси, армияда бирга бўлган...

– Бекор айтибсан, мақтанчоқ, Сардор полвон аканг билан ҳеч ҳам ошна эмас! Аммо менинг тогам билан Тошкентдан битта самолётда келган, билдингми?

– Бувам айтиувдила, Сардор полвоннинг бизга қариндошлиги боракан...

Мехмонларни одатдагидек, назардан қолдирмай “Хуш кўрдик!” дея пешвоз қаршилаётган Қодирбек мерганнинг кўзи чироқ ёруғида ўзи томон келаётган Сардор полвонга тушди-ю, ҳовлиқанчича олдинга интилди.

– Э-э... марҳабо, меҳмонлар, марҳабо!

Сардор полвон мерганни қулоқлаб чақонлик билан даст кўтарди:

– Тўйлар муборак, акагинам...

– Қуллук, қуллук

Қодирбек мерган барча келганлар билан ҳам илиқ қўришиб чиқди-да, атрофга аланг-жаланг боқиб, бикинидан шошилиб ўтаётган йигитни тўхтатди:

– Баҳодир, Жарлик оғайниларимизга қарагин, хўпми, қўноқ Розиқ чавандозникуда, билдингми?

Йигит “Хўп-хўп” деганча Сардор полвонга бошдан оёқ разм солди-да, қўл узатди.

– Қани, юринглар, акалар...

Жарлик меҳмонлар йўлчи йигит изидан узун-қисқа бўлиб эргашишди.

Жой излаётган машиналарнинг чироғи кўзларни қамашибди. Улар машиналарни оралаб, торгина кўпrikдан ўтишди. Йўлчи йигит муюлишдаги икки табақали таҳта дарвоза олдида тўхтади. Қия очиқ эшикчадан бош сукди-да, товуш берди:

– Ким бор?

Ичкаридан аввал “Ҳозир...” деган сас эшигиди. Сўнг, оstonада бекасам тўнини кия-кия ўрта ёшли, миқти гавдали киши пайдо бўлди.

– Салом алайкум, келинглар, меҳмонлар!

У тавозе қилганча меҳмонлар билан қўришиб чиқди.

Сўнг чақонгина супа четидаги офтобани олиб, тордаги сочиқни елкасига ташлади-да, меҳмонларнинг қўлларига сув кўйди.

Мехмонлар таклиф қилинган хона даҳлизи бурчагида маҳси-калиш ва печкага суюб кўйилган ҳасса кўзга ташланади. Мезбон хона эшигини очиб ичкарига мўралади-да :

– Бува, қаранг, меҳмонлар келди, – деди.

– Ассалом алайкум!

Мехмонлар хона тўрида қўш ёстиққа ёнбошлаб олган, ёши саксонларни қоралаган, соқоллари ўзига ярашиб турган чол билан кўришишга ҷоғланишди. Чол

ўрнидан қўзғалмоқчи бўлди. Меҳмонлар бувани ортиқча уринтирииласлик учун:

– Қимирламанг, бува, – дея бирин-кетин қўл олиб кўришишди.

Хол-аҳвол сўрашиб улгурмаслариданоқ дастурхон келтирилди.

Чол дастурхонга қанд-қурс, майиз қўяётган кишига:

– Чойни тезлатинглар! – деди-да, меҳмонларга бир сира разм сола бошлади.

– Хўп яхши кебсизлар-да, кураш полвонлар билан қизийди-да... – Қария гап орасида негадир Сардор полвонга бир неча бор тусмоллаб тикилди. – Сардор полвонман, денг. Жарлик эканлигингизни эшитгандим. Аммо кимнинг ули эканлигингизни билмасдим...

Сардор энди оғиз жуфтлаган эди, отахон гапни улади.

– Одамни бир кўришда биламиз. Сиз, Жардаги обрўли кишиларнинг авлодидансиз, тўғрими? Раҳматли отангизни бир-икки марта кўрганман. Ҳам ўқиб, ҳам банисада ишларди чоғи... Эҳ-хе...

– Мени... бошқа бирор билан адаштираяпсиз чоғи, бува, – деди полвон қимтинибигина.

– Ол-а, адаштириб, ўлдимми, бир аниқлик билмасам тилимга калима келмайди. Синааб кўрмоқчисизлар, шекилли. Хоҳланг-хоҳламанг, сиз, Сардоржон, – отахон полвонга тикилди, – Жаббор дўхтирнинг ули бўласиз. Аҳ-ҳа топдимми? Қани, полвон, кўлни ташланг. Сумбатингиз, борингки, қош-кўзларингиз қуйиб кўйгандек отангизнинг ўзи...

Полвон қулоғигача қизариб кетди. Қариянинг полвонга узатган қўли ҳавода муаллақ қолди. Полвон кафти билан паҳта гулли пиёлани тўнтириб, айлантира бошлади. Даврага жимлик чўқди. Отахон “оғзимдан ножўя гап чиқмадими ишқилиб”, деган ўйда эсанкираб қолди. Бир муддат ўтгач таҳорат баҳонасида секингина ўрнидан қўзғалиб ташқарига чиқиб кетди.

Хонага ғалати бир суқунат чўмди. Сардор полвоннинг қош-қабоғи осилди-қолди. Уни кўриб ҳамқишлоқлар ҳам ҳайрон. Кўп ўтмай мезбон дастурхонга шўрва тортиди. Меҳмонларга манзират қилди.

– Кўп овора бўлманг, ака, – деб қўйди кимдир, истаристамас оғзига бир бурда нон соларкан.

– Қани, полвонлар, сизларни даврага чақиришяпти.

Мезбон йигит шундай дея, меҳмонларнинг оёқ кийимларини ўнглай бошлади. Полвонлар аста қўзғалишиди.

* * *

Борлиқни қоплай бошлаган тун пардасининг бир парчаси гўё Сардор полвоннинг кўкрак қафасига тушгандек. Шу топда юрагига қил ҳам сигмайди.

“Сен жарлик Жаббор дўхтирга қуйиб кўйгандек ўхшайсан деган шаъмаларни болалигимда ҳам эшитган эдим. Ёшим улғая боргач бу сўзни бошқа қишлоқлар одамларидан ҳам кўп эшитадиган бўлдим. Товба. Ўз отам бўла туриб мени қаёқдаги Жаббор дўхтирга менгзашади-я?! Ё... бунда бирор сир бормикан? Назаримда, анови чол ҳам беҳуда гап бошлаб қолмади-ёв... Ер ёрилмади-ю, ерга кирмадим”.

Сардор полвон чукур “уф” тортиб осмонга боқди. Самода жимирилаётган юлдузлар кўзларига тиф янглиғ қадаларди.



Полвоннинг раъйига қараган ҳамроҳлар ҳам алланечук сукут сақлаб одимлашар, худди шу ҳол ҳам Сардорнинг шубҳаларини баттар оширас эди.

Эҳ-хе! Кураш майдонида тумонат одам. Электр чироқлари томошаталабларнинг зич даврасини аранг ёритиб туриби.

Ҳамма ҳаяжонда. Вақтлироқ келиб жой эгаллаган олд қатордагилар чордона қуриб олишган. Ҳамишагидек, кураш ишиёқмандларининг барчаси, бир-бирини туртиб-сурниб давранинг олд тарафига ўтиб олишга интилади. Тўдани ёриб ўтишнинг иложини қилолмаганлар, сал имкон топилди дегунча кўз илинадиган жойга бош тикишади.

Баковул микрафондан полвонларни чорляяпти.

– Тезроқ, азиз меҳмонлар. Полвонлар, жойларингизни эгалланг. Бугун Қодирбек мерган ўзидан кечган. Бор-будини ҳалол олишган, даврани қизитган мард полвонларга улашаман, дея ният қилган. Шунинг учун бугун эсда қоларли кураш бўлади. Қани, даврани устозлар бошлаб беришсин.

Удумга кўра ёшлигига давра кўрган икки чол бел олишди. Атрофда қийқириқ кулги...

– Яшанг, полвонлар, кучларингиз тенг экан, – дея баковул чолларни ажратиб, солим ўрнида елкаларига тўн ташлади.

Навбат, одатдагидек болаларга! Ўз номзодларини ҳозирлаётгандар баковулнинг қулоғига шипшиб, полвон йигитчаларнинг исмини, қаерданлигини эслатишади. Баковул уларни ёнига чақириб, даврага таниширади. Беллашувларни кузатиб, полвонларга солим тайин этади. Полвон йигитчаларнинг ҳаракатлари, ҳатто баъзиларининг аразлашиб, қизаришиб қолишлари-да томошабинларнинг завқини қўзгайди. Курашнинг ёзилмаган қонунлари бор. Полвонлар тарафма-тараф. Ҳар қайсиснинг ўз муҳлислари бор. Голиб полвонни жўралари қучоқлаб қутлашган, мағлуб полвон тарафидагилар эса орият учун “Ўша полвоннинг энди менга чиқсан!” дегандек давра айланадилар. Голиб полвон ҳоҳласа-ҳоҳламаса рақибининг издоши билан беллашади...

Ишқибозлар катта-номдор полвонларни, бosh соврин учун беллашувни сабрсизлик билан кутишади. Узларича бугун ким полвон бўлишини-да башорат қиладиганлар қанча!

Тун теваракни тобора ўз қора қучоғига тортиб борарди. Даврадан кўтарилаётган чант-ғубордан ҳатто юлдузлар ҳам кўринмай қолди. Сардор полвон ҳалихануз ўз ҳаёллари билан андармон.

“Ё... онамнинг ҳаётида бирор доғ бормикан?! – изтироб исканжасида ўйларди у. – Одамлар шунчаки юзимга айтольмай, пана-панада гап қилиб юришгандир?! Йў-ўқ, бунинг тагига етмасам бўлмайди. Токай бунақа писмики қочиримларни эшитиб юраман...”

Сардор полвон шундай эзгин ҳаёллар билан, ҳатто, кураш охирлаб қолганини ҳам сезмади.

– Энди навбат товоқларга. Биринчи товоқ – бир ҳўк-киз, бит-та рангли телевизор. Кимнинг юраги чопса марҳамат...

Баковулнинг тантанавор ҳайқириғидан у ногоҳ ўзига келди. Чўчиб аввал теварагига, сўнг майдонга кўз ташлади.

Баковул давра ўртасига товоқ келтириб қўйди. Сардор полвоннинг эзгин кайфиятидан ҳамроҳлари ҳам эзилган. Бир гапириб ўн куладиган Сардор полвонни улар илгари бу қадар тушкун ахволда кўришмаган...

– Қани, полвон, товоқни олинг!

Қулоқлари остида тўсатдан жаранглаган бу сўз полвонни ҳушёр торттириди. Атрофга назар солди, ҳамманинг нигоҳи унга қадалган.

Полвон бир силкиниб ўрнидан турди. Жарликлар юзига табассум қалқиди. Бир-бирига мамнун-масрур кўз ташлаб олишди. Сардор даврага тушиб товоқка кўл тегизди. Удумга кўра товоқ устига қўйилган патирдан синдириб оғзига солди. Давра туйқус сув қўйгандек сокин тортди.

Баковул овози янгради:

– Биринчи товоқни олган жарлик Сардор полвонга талабгор борми? – у бир муддат даврага кўз югуртириди, ҳеч кимдан садо чиқмади. – Бўлмаса соврин Сардор полвонга берилади. Бунинг қизиғи йўқ-да, ахир. Эл улусга томоша бўлсин-да. Қани, полвонлар, зотга эгалик қилинглар.

Бир пайт донғи кетган, ҳозир қартайиб қолган Нажим полвон чеълаклик полвонларга зарда қилди:

– Э, ўргилдим гердайиб юришларингдан. Бизнинг ёшлигимизда чеълакликлар ҳамма совринга эгалик қилишарди. Бу қандай шармандали?! Ўз овулингда юрак ютиб даврага чиқолмасанг. Қани, Ҳошим, чиқ!

У невараси Ҳошим полвонга юзланди:

– Бизнинг уруғдан бўлсанг даврага туш. Зўр бўлса йиқитар. Йиқилганни ер кўтаради. Бошка ерлик полвонларга талабгор бўлмасанлар Челакнинг боласи эмассанлар...

Бу сўзлар чеълаклик полвонларнинг ориятини қўзғади.

– Қани, Ҳошим полвон, нима бўлса ҳам чиқинг.

Бултур ёзда Дехқонободдаги бир тўйда мана шу Сардор полвон билан беллашгани Ҳошимнинг хаёлидан ўтди. Ўшанда у Ҳошимни бир қафаслик курашдан ўтказмаган. Қўллари чайир, худди темир, бунинг устига балодек чақон. Гавдаем, гавда-да!

– Ҳошим, чиқасанми? Ё ўзим чиқайми? – Нажим полвон бетоқатланниб чопонини еча бошлади.

– Қўйинг, бува, ўзим чиқаман.

Нажим полвон бетоқатланганча даврага қадам босди. Баковулни имлади...

Баковул Сардор полвонга Ҳошим полвон талабгор эканлигини даврага эшилтириди. Атрофда қийқириқ, қарсак қўпди. Орзиқиб кутилгани сайин полвонларнинг даврага чиқиши чўзилгандек бўлаверади.

Ниҳоят, Сардор полвон даврага тушди. Ўз жамоаси томонга қараб тавоғ қилди ва одамлардан фотиҳа олди. Кўзларини ердан узмай, кўлларини киндигига босганича секин давра айланди. Ҳамманинг нигоҳи Сардор полвонга қаратилган.

Ҳошим полвон жомакорининг у ёқ-бу ёғини тўғрилаган бўлиб ғоз юриш билан даврага қадам босди. Бир муддат давра айланган полвонлар қўл олишди.

Кураш бошланди.

Томошабинларнинг нафаси ичига тушган. Улар полвонларнинг ҳар бир ҳаракатини нигоҳларидан қочирмасликка ҳаракат қилишади. Сардор полвон бир жойда депсиниб, рақибини ўзига яқин келишга чорлайди. Ҳошим полвон эса унинг теварагида сакраб-сакраб, бармоқларини ҳавода ўйнатганича шоштиришга уринади. Ниҳоят, Сардор полвон бир шаҳд билан рақибининг белбоғидан тутди. Оёғини Ҳошимнинг бутидан ошириб, унинг болдирига маҳкам илдириди. Кўкраги билан орқага сурга кетди. Ҳошим полвоннинг оёғи тоя бошлади. Гурс! Ҳошим полвон чақонлик билан ёнбошга ағдарилиди.

– Ҳисоб эмас, чаппа!



Ҳошим полвон тура солиб, рақибининг ёқасига ёпиши. Баковул унинг қўлуни Сардор полвоннинг ёқасидан ажратар экан:

– Яхшимас, Ҳошим полвон, буни кураш дейдилар, мард бўлиш керак. Ҳозир тагин бел олишасизлар. Чаппа дедик-ку, ахир, бироз дам олинглар, – деди.

Қўзлари косасидан чиқудек турган Ҳошим полвон орқага бурилар экан:

– Сардор, ўзи кимнинг боласи эканлигинги биласанми? – деди-ю гавдасини икки ёнга саллона ташлаб чеълаклик полвонлар томон кетди.

– Нима дединг?! – Сардор полвоннинг сўзи оғзида қолди.

Сардор полвоннинг пешонасида қайнаб чиқаётгандек терлар жимиirlади. Шогирлари ўтиргизиб елкасига чакмон ташлаб, чой тутишди. Полвоннинг ғазаби қайнади. Миясида гумонлар фужон:

“Жаббор деганлари ким ўзи?! Бунча асабимга тегишимаса. Манови Ҳошим тирриқнинг пичинги ҳаммасидан ошиб тушди. Агар шу гаплар рост бўлса, унда бу давра менга бегона. Полвон ота-онасининг, кейин элнинг фарзанди бўлиши керак!”

Сардор полвон лабини тишлаганча муштларини қисди. Унинг важоҳатини кўрган киши юрак ютиб бир сўз демасди.

Сардор полвоннинг хаёlinи баковулнинг сўзлари бўлиб юборди:

– Қани, полвонлар, давра совиб қолди. Дам олиш ҳам шунчалик-да.

Сардор полвон қўлларини ерга тираб ўрнидан қўзғалди. Унинг важоҳатини, шер каби ҳамлага ҳозир эканлигини кўриб, Ҳошим эсанкираб қолди. Беллашмай деса, уят. Эртага овулдошларининг юзига қандай қилиб қарайди? Беллашай деса, Сардор полвон шу тобда уни мақалаб ташлашдан ҳам тоймайди.

– Ҳошим, чиқасанми ё жонинг узилдими? – Нажим полвон унинг бошида дарғазаб бўлиб турарди.

Ҳошим полвон ноилож даврага тушди. Рақибига рӯбарў келди. Сардор полвон бир ҳамла билан рақибининг ёқасидан тутиб ўзига тортди. Кўзлар тўқнашди.

– Нима дединг? – Сардор полвоннинг панжалари Ҳошимнинг баданини тешгудек ботиб бораради. – Билиб кўй. Сенга ўхшаб даврани ҳаром қилганим йўқ! Жомакоримни, белбоғимни, босиб юрган тупроғимни ҳаром қилганим йўқ... Ё пиrim!!!

Сардор полвоннинг ўкиригидан давра бир қалқиб тушди.

– Ҳалол, ҳалол!

Оёққа турган ишқибозлар Сардор полвонни ғалаба билан олқишлишарди. Ҳошим полвон анчагача ўзига келолмай ётди. Уни жўралари ўраб олишган. Юзига сув сепиш билан овора. Сардор полвон олқишиларга ҳам парво қилмади. Елкасига чакмонини ташлаб, совринга ҳам қарамасдан аста даврадан сирғалиб чиқди.

... Чексиз адир. У беихтиёр боши оққан томонга кета бошлади. Анча юриб майсалар устига чўккалади. Завққа тўла даврадаги олқишилар, бақир-чақирлар элас-элас қулоққа чалинади... Юраги тўлиб кетди. Кўпларини юзига босиб, йиглаб юборди. Эсини таниганидан бери илк бора йиглаши эди. Қанча ўтирганини билмайди. Совуқдан жунжикиб ўзига келди. Тўй овозлари тинган. Аҳён-аҳёнда узоқлардан итларнинг ақиллаши демаса, атроф жим-жит...

* * *

Роҳила хола ярим тунда дарвоза тақиллашидан кўркиб кетди.

– Ким бўлдийкин? Туф-туф... Яхшилика бўлсинда.

Зулфини туширгач, оstonада жияни Сардор полвонни кўриб ичига ғулғула тушди. “Тинчлиқмикан, ишқилиб?”

– Ассалому алайкум, хола.

– Ваалайкум. Қани-қани, Сардоржон, ичкарига кир.

Хол-аҳвол сўрашишгач, Роҳила хола қизиқсанди:

– Қандай шамоллар учирди, Сардоржон, ўтакамни ёрдинг-ку. Намунча ярим кечаси безовталаниб юрибсан?! – у чироқ ёруғида жиянининг бузук авзойини кўриб донг қотган эди.

– Ўзим, – деди полвон оғир хўрсиниб, – тинчлик, хола. Келганимдан мақсад, – у муддаога ўтди, – бир гумон гапни аниқламоқчиман. Фақат тўғрисини айтинг. Онамнинг, сизнинг опангизнинг ҳаётида бирор ифлос сир борми? Жаббор деганлари ким?! Нега мени ҳамма ўшанга ўхшатишиади?

Хола жиянини тинчлантиришга уринди:

– Болагинам, “Астағфуруллоҳ” де, тавба қил.

– Гапни айлантирманг! – ғазаб билан деворни муштлади полвон. – Менга очик, рўй-рост айтинг. Мен кимнинг фарзандиман ўзи?!

– Болам, қандай кунларга қолдик-а. Бу кундан кўра, онангдан олдинроқ мен ўлиб кетсан бўлмасмиди.

Хола кўз ёшларини рўмолининг учига артди. Лаблари пирпираб, гапини йўқотиб кўйди.

– Гапиринг, илтимос.

– Биласанми, Сардор... – аёл деворга қоқилган сўзанага тикилиб сукутга чўмди. Хаёл уни олис-олисларга учириб кетди.

* * *

Тут айни ҳил-ҳил пишиб турган пайтлар эди.

– Қизим, Зайнаб бийингни би-и-р сийлайлик. Ҳовлимиздаги тутни хосиятли деганлари деган. Дуогўй кампир... – деди Момохол каштачи қизига.

Бу таклифдан Гуласал севиниб кетди. У Зайнаб момони яхши кўради. Ёшлигига муаллималик қилган Зайнаб момонинг гурунглари бирим ажойибки, тинглаган сайн тинглагинг келади. Оқила аёл. Бутун қишлоқнинг хурматини қозонган. Кўчада кўриб қолган ёшми-кексами, унинг олдидан тавозесиз ўтмайди. Тут йўқлаш баҳонасида Зайнаб момонинг қизиқарли сухбатларини тинглашга ошиқаётган Гуласал ўзини кўз-кўз қиладиган зумрад тутлардан атайн саралаб терди.

Баҳор авжи палласига чиқкан пайт. Чор-атроф ям яшил. Самоларни тўлдириб қалдирғочлар чарх уришади. Офтоб тафти кишига алланечук хуш ёқади.

Қиз ҳовлига кирап-кирмас тўлқинланиб сас берди:

– Зайнаб бий!

– Биза буёққа, айланай, – деган майин овоз эшитилди айвон тарафдан.

Гуласалнинг кўзи шундагина ўша ердаги хонтахта ёнида ўтирган Зайнаб момо билан нотаниш йигитга тушди.

– Ассалому алайкум.

– Ваалайкум, келақолинг, айланай.

Зайнаб момо қўлларини тиззаларига босганча ўрнидан тура бошлади. Момони уринтириб қўймаслик учун Гуласал қадамини тезлатди.



Улар қуюқ кўришишди. Гуласал атлас гирдихонада чордана қуриб ўтирган, кийинишидан, ўзини тутишидан шаҳарда ўқийдиганларга ўхшаб кетадиган йигит томонга ҳам секингина бош ирғаб қўйди.

– Яхшимисиз? – деди қимтинибгина нотаниш йигит ҳам.

Гуласал қўлидаги чинни косани дастурхон четига қўйди.

– Онам бериб юбордилар.

– Вой, барака топинглар, айланайлар! Ишқилиб Момохол мани эсдан чиқармайди, Момохол каштачи асл аёл-да – дея қўшниларини алқаб момо йигитта ишора қилди. – Қани, Жабборжон, тутлардан ол. Шаҳарда тўйиб тут ҳам еяолмасанглар керак. Бу тут бошқача...

Жаббор беихтиёр қиз томон тикилиб қоларди: “Эгидаги алвон гулли кўйлаги ўзига ярашган, икки ўрим сочи тақимида талашган, тортичоқлиги, ибо-ҳаёси ўзига ярашган бу хурлиқо ким бўлдийкин?”

Гуласал ҳам зимдан йигитга кўз ташлади. Бехос кўзлар тўқнашдилар. Улар саросималани бир-биридан нигоҳларини олиб кочишиди.

– Жабборжон дўхтирилкка ўқийди. Ҳар гал қишлоққа келса бирров кўриб кетади, барака топсин, – дея жиянига меҳр билан тикилди момо.

Жаббор ўнғайсизланди.

Қимтинибгина ўтирган Гуласал ижозат сўради:

– Энди борақолай.

Жабборнинг ичидаги бир нима узилгандек бўлди. У ялт этиб қизга қаради. “Ўтиринг” демоқчи бўлди-ю, тилини тишлади. Сўнг момо томон илтижоли кўз ташлади: “Аммам нима деркинлар, ишқилиб қизнинг туришига ижозат бермасинлар-да.”

– Гуласал қизим, озиб-ёзиг бир келасан-у, оловга ўтиргандек дарров тураманга тушасан-а? – деди кулгига олиб кампир ҳам худди жиянининг кўнглини уқандай.

Гуласал қистайвергач Зайнаб момо дуога кўл очди. Туршак солинган идишга ликопчадаги парвардаларни ағдарди-да, дастурхон бари билан ликопчани артиб косадаги яримлаб қолган тутларни солди. “Куруқ бўлмасин” дея бўшаган коса устига нон қўйди. Гуласал уялганидан қизариб кетди.

– Кўйинг, ҳеч нарса керакмас.

– Удум шунақа, айланай, Худойим боғларингга барака берсин, Момохолга салом айтиб қўй, бундек чиқиб турсин, – дея момо қўярда-қўймай коса билан нонни Гуласалнинг қўйнига қистирди. Ва кузатиш учун тараддудланди.

– Ўтирувринг, Зайнаб бийи. Мехмонмидим кузатиб қўйсангиз, – дея Гуласал чаққонлик билан супадан тушди.

Жаббор қизнинг ортидан термулиб қолди:

“Ҳадемай имтиҳонлардан ўтиб олгач, таътилда қишлоқда бўламан. Ўшанда Гуласални топиб оламан. Балки, мактабни энди тугатा�ётгандир. Ўқишига борса қани эди!”

Юрса ҳам, ўтирувринг ҳам Жабборнинг хаёлида шу навниҳол қиз чарақлаб чиқиб келаверадиган бўлиб қолди.

* * *

Ёзги таътилга келган набирасини юз-кўзларидан тўйиб-тўйиб ўпар экан, Бодом момо севинчини сифдиrolмай, нукул “Худога шукур, худога шукур!” дея ўзини қўярга жой тополмасди. Отаси Раҳматилло мираб:

– Имтиҳонлар қийнаб қўйганга ўхшайди, ўғлим, – дея Жабборга бошдан-оёқ кўз югуртириди.

Ўчок бошида куймаланаётган онаизори ўғлига разм солар экан: “Болагинамга гўдаклигидаги хасталиги барибир таъсирини кўрсатди. Тенгқурларидан кўра нимжонроқ бўлиб қолди. Ҳарқалай китобгаберилди. Аъло баҳоларда ўқиб дўхтирилкка кирди. Қишлоқдошларнинг касалхонага иши тушса шаҳарда Жабборжонни излашади. Айтишларича, қўлидан келган ёрдамини, вақтни аямай дўхтирма-дўхтир текшириларкан. Даво топиб келганларнинг дуосини олаяпти. Худо хоҳласа зўр дўхтири бўлиб келади...” дея ютиниб қўйди-да, овқат сузишга ҳозирлик кўра бошлади.

Жаббор товоқдаги ширгуручни иштача билан тановул қиласкан:

– Қишлоқда тағин янгиликлар борми? – дея момосини гапга солди.

– Нимаям янгилик бўларди, болам...

– Тўй-пўйлар дегандай...

– Ҳа-я, эсимдан чиқай дебди, – дея гапга аралашди онаизори, – Гулас бор-ку, Момохол каштачининг қизи, ўша бечорага қийин бўлди...

– Нега?!

– Бир аҳмоққа унаштиришган экан.

– Нима-а? Кимга?!

– Кимга бўларди, анови қирнинг нарёғидаги Пирмат биргаднинг ўғлига. Отиям нимайди-я...

Жабборнинг қўлидаги қошиқ дастурхонга тушди.

– Кейин-чи, нима бўлди?

– Бечора Момохол каштачи қишлоқда бош кўтаратмай қолди. Маъракаларда ҳам кўринмайди боёкиш...

Жабборнинг юзлари қизариб, ерга тикилиб қолганини сезган отаси безовталанди:

– Ол, овқатингни е. Иштаҳанг йўқ. Ё, санам шаҳардан бирортасини топиб олганмисан..

Ўғлининг гапини Бодом момонинг ҳазин товуши бузди.

– Оғзингдагини шамол учирсин-еј, болам, ундей дема, неварагинам биза топган қизни олади. Тўғрими, Жабборжон...

* * *

Пирмат биргад “Қизингни ўғлимга берсанг ҳам берасан, бермасанг ҳам берасан!” деб оёқ тираб олганидан Момохол каштачининг боши қотган. Укалари ҳам шўрлик аёлни ўртага олишиб “Пирмат биргад, ўзимизники, жиянимиз келин бўлса шундай боёт-шоёт рўзгорга келин бўлади-да, ўғли Шомирза институтда ўқиса, бунинг устига топармон-тутармон бўлса, Гулас ноз қилмай рози бўлаверсинг” дейишгани-дейишган.

Гуласалнинг Пирмат биргаднинг ўғлига кўнгли йўқлигини бирорвга айтиб бўладими? Совчилар келиб-кетди дегунча бечора қиз йиғлагани-йиғлаган:

– Ўзим танимаган, кўрмаган кишига қандай тегаман?

Момохол каштачи қизининг гапларини соддаликка йўяди.

“Ёш-да, нимани ҳам тушунарди. Ўзим ҳам умримда кўрмаган йигитга текканман. Худога шукур, кам бўлмадим. Ёшлар аста-секин бир-бирини тушунади. Ўша севги-да!”

Момохол каштачи кўп ўйлади. Охири рози бўлди. “Ишқилиб баҳтли, тахтли бўлишсин-да!”

Холаю аммалар, дугоналар Гуласалга “Ҳаётнинг пасту-баланди”ни билганларича уқтиришди. Гуласал



онасини ўйлади. Кейинги пайтларда касалманд бўлиб қолган Момохол каштанинг орзу-ҳаваси бор. Фарзандларини бахтили бўлишини ич-ичидан истайди. Гуласал онаизорини ортиқча қийнамаслик учун ноилож “Пешонамга шу ёзилган экан-да”, дея тақдирга тан берди.

Гуласал билан Шомирзани ими-жимида унаштириб қўйишиди. Пирмат биргад билан Момохол каштанинг куда бўлаётгани қишлоққа ёйилди.

Удумга кўра ҳар якшанба “келин учун” ҳолва олиб келаётган куда томон хотинлари Шомирзани оғизларидан бол томиб мақташарди.

– Иши бошидан ошиб ётибди. Қишлоққа келишга ҳечам вақти етмаскан. Келинни тўй куни кўравераман дебди уялиб, илоё, умридан барака топсин...

Гуласал Шомирзани хаёлида тасвирлашга ҳаракат қилади-ю, аммо негадир ҳадеб кўз ўнгидаги Жаббор жонланаверади. Бундан қиз хижолатга тушади.

Кутилмаганда совчи тўйни тезлаштиришни кўндаланг қўйди.

Момохол каштачи ҳовлиқанича тўй тадоригини кўра бошлади. Куда томондан келган маҳмадона жувон Гуласални туман марказига олиб бориб бозор-у, дўйонларни роса айлантириб, бош-оёқ кийимлардан олиб берди...

Гуласалнинг кундан-кун очилиб бораётгани, атрофдагилар билан хушмуомалада бўлаётгани Момохол каштанинг кўнглини кўтаради.

“Айтувдим-ку, ҳали ёш, бора-бора тушунади, илоё, кўз тегмасин, кўёвим билан қўша қаришсин...” дея ичичида яхши ниятлар тилайди.

Индин тўй. Бу хонадондан бир ҳафтадирки, хешу акрабо, кўни-кўшнининг оёғи узилмайди. Одамлар чехрасидаги кувончни айтмайсизми...

Гуласалнинг кўзларига уйқу илинмайди: бир сувуб келинчак бўлсинки, ҳамманинг ҳаваси келсин. У оқ ҳарир либосда самоларда сузади, оппоқ, момиқ булатларни кучади... Келин бўлиб тушаётган хонадонни файзга тўлдиригиси келади. Қайнона-қайнотасининг ҳурматини шунақанги жойига қўйсинки, маҳалла келинлари ҳайрон қолишсин. Уйкудан уйғонган қайнилари, овсинлари чиннидек супурилган ҳовлига назар ташлаб “Келинимиз қачон улгурдийкин?” дея ёқа ушлашсин. Хўжайини – Шомирзани охори тўкилмаган либосларда ишга кузатиб, кечкурунлари лаззатли таомлар билан сийлаши... Эҳ-хе...

Шом пайти негадир бесаронжом кириб келган совчи ҳар галгидек ҳазил-хузулга ўтмасдан, безовталани Момохолни сўради.

– Вой-бў, бир қизим бўлса олиб кетасилар-да, – дея хуррамона кайфиятда ичкаридан шошиб чиқсан каштачи совчининг ўнғайсиз ҳолатини кўриб “Тинчликмикан ишқилиб” дея тўхтаб қолди.

Совчи чеккароққа ўтди.

– Момохол опа, ўзингизга айтадиган гап чиқиб қолди.

Момохол каштачи ҳангуманг. Совчи атрофга ола-зарак боқди. Ҳамма ўз юмуши билан бандлигига ишонч ҳосил қилгач, ерга боққанича бўғик овозда гап бошлади:

– Элчига ўлим йўқ, дейдилар. Қайданам бошим айланиб совчиликка рози бўлибман-а, опажон. Ҳозир ўзимдан ўтганни ўзим биламан !

– Ётиғи билан тушунтиринг, нима гап ўзи?

– Ҳар гап бўлсаям чидаш мумкин, бунисига чидаф бўлмайди. Шомирза кўрнамак, бир оғайнисидан “Манга уйдагилар топган қиз керакмас, шаҳарда хотиним бор.

Тўй-пўйга бормайман”, дебди. Пирмат амакининг уйида тўй эмас, аза бошланди.

Момохол каштанинг кўзлари хираллашиб, қулоқлари том битди. Қўл-оёқларида мадор қолмади.

Қишлоқда гап ётмайди. Миш-миш болалайди. Мишмишларнинг тагига етганлар ёқа ушлашди. Иним дегани куюнди, ғаним дегани суюнди. Нима бўлса бўлди, Гуласал тириклиайн ўлди.

Оқ ювиб, оқ тарафган, из тушмаган қор каби бокира қизга оғиз очиб, элга овоза айлаб лафзидан қайтиш, нози бор бўстон ичра ғунчани топташ азалдан марднинг юзи ҳам, сўзи ҳам эмас. Бети билан кети бирдан ҳеч бирор ёлчимаган...

Тўй қайти. Беғубор туйғулар чилпарчин бўлди. Бахтга чанг солинди. Қувончлар юлинди.

* * *

Жабборнинг ичига гўё чўғ тушгандек. Бу чўғ унинг кўнглини заррача ёритмас, аксинча азобларди.

“Наҳотки, Гуласални бадном қилишган?!”

Юрагини илк бор “жиз” эткизган бетакор манзара хаёлида айлангани айланган...

Бодом момо шу кунларда негадир ўйчан, гап-сўзларга заррача ҳуши йўқ, одамови бўлиб қолган неварасидан хавотирда. “Нима бало, болагинамга кўз тегдими? Ёмон кўзлардан Худонинг ўзи асрасин-да ишқилиб...” деган сўзни пи chirlab takrorlagani-takrorlagan.

“Момохол опа бунчалар содда, гўл бўлмаса-я?! Йўқ, аслида ўзим ҳам пеш эмас. Хайрли ишга шошилиш керак дейишади, мен эса бўшанглик қилдим! Кўнглимдаги гапни Гуласалга очиқ айтишга журъатим етмади ўшанда, демак, ҳаммасига ўзим, ўзимнинг ландовурлигим сабаб!..”

Шундай алғов-далғов хаёллар куршовида Жаббор узок-узок туриб қоларди. Ўйлай-ўйлай бир кўнгли Гуласалнинг ўзига учраб уни севишини, бир умр бахтили қила олиши учун курашишини дангал айтмоқчи ҳам бўлди... Минг бир савол, уларга жавобан фикрлар хаёлида гужфон ўйнайди.

* * *

Жаббор сиқилиб кетди. У ҳовурини бироз бўлсада тушириш ва хаёлларини чалғитиши илинжида муздек оқар сувда чўмилишни тусаб қолди. Шу баҳонада кўнглини овутиб, вужудини совутиб олади... У сойнинг қишлоқ чеккасидаги шаршарадан пастроқда сокин оқар жойини мўлжаллаб ўйла тушди.

Баданлари саратон офтобида қорайган шўхшаддод болалар қийқиришиб сувга сакрашади. Бир-бирларини бўқтиришиб яирашади. Қай бирлари эса қирғоқдаги қумларга беланишган... Беғубор ёшларнинг хатти-ҳаракатлари Жабборнинг завқини қўзгади. Уларга ҳаваси келди. Шу болалардек пайтларида тенгқурлари билан ёзда роса мириқиб чўмилишгани ёдига тушди... Эҳ-хе! Кечаги дамлар бугун эртакка ўхшайди. Жаббор беихтиёр чўмилиш ниятидан қайти. Унинг кўнгли бироз тин олди. Сайхонликдаги тепаликка қараб юрди. Болалигидан билган қадим тут соясидаги мук тушиб атрофга назар ташлади. Чор-атроф нақадар гўзал! Оқсоқ тоғлар кўл етар ерда савлат тўкиб тургандек. Тарқоқ боғлар ва далалар олисдан гўё бир жойда жамлангандек кўринади. Паст-баланд иморатларнинг томлари туташиб кетганлигидан қишлоқларни бир-биридан ажратиш қийин... Табиат гўззалигини ўзлигича тасвирлаб бера оладиган мусаввир бормикин?!



Юзларини сийпалаб ўтган майин шабада Жабборнинг хаёлини бузди. У соатига қаради. Ўрнидан кўзғалиб шимларини қоқди-да, секин пастга тушиб, сой ёқалаб қадамини тезлатди.

Хув, анови кўриниб турган ёғоч кўпrikка чиқиб олса у ёғи дала йўли. Бир пасда уйига етиб олади.

– Вой, вой, шунча ўт туриб, ниҳолларни чайнашига ўлайми, пўшт!

Таниш овоз Жабборни хушёр торттириди. У шоша пиша овоз келган томонга юзланди. Бирор кимса кўринмайди. Сой билан тутзорни ажратиб турувчи дўнгликка чиқди. Шундоқина тутзор ёқалаб сигир ва бузогини ҳайдаб кетаётган кизга кўзи тушди. Гулли чит кўйлаги ўзига ярашиб турган, соchlари белидан ошган ҳурлиқо қўлидаги хивични ҳавога силкитганча говмиш ва бузокни олдинга юришга ундарди. Жаббор не кўз билан кўрсинки, бу – Гуласал эди. Жабборнинг вужуди оловланди. У бе-иҳтиёр қиз ортидан эргашди. Қанчалик тез одимлашга ҳаракат қилмасин, оёқлари ўзига бўйсунмасди. Бўйнига оғир тош осилгандек зўрга қадам ташларди.

У қизни ўзидан йироклаштириб кўйишдан чўчириди. Қани эди ҳозироқ узо-о-оқларга, одамларга кўринмайдиган олис манзилларга бирга кетишса... қуёш сира-сира ботмаса. Нур ўрнини соя эгалламаса...

Ортида одам шарпасини пайқаган Гуласал йўловчи тезроқ ўтиб кетсин деган ниятда говмиш ва бузоқни сувлатиш баҳонасида уларни сой томон бурди. Аммо орқадан кимнингдир кузатиб, изма-из келаётганидан ичига фулгула тушди. Кўрқа-писа ортга қаради.

“Жаббор! У бу ёқларда нима қилиб юриби экан?!”

– Ассалом, – Гуласал гарди рўмолининг учини лабига қистирганча ерга бокди.

– Салом, Гуласал! – Жабборнинг овози ўзига-да ғалати эшитилди. – Яхшимисиз?

У ботинолмайгина Гуласалга бош-оёқ разм солди. Ўртага ноқулай жимлик инди.

– Бу ёқларга қандай шамол учирди? – деди Гуласал майин бир овозда.

Бу сўзлар Жабборнинг қалбини ёритиб юборди.

– Ўзим. Бир айланиб дегандай. Қишлоғимизни роса соғинган эканман.

– Ўқишилар тугадими?

– Ҳозир таътилдаман...

Гуласал билан бўлган тасодифий учрашув Жабборни эсанкиратиб қўйди. Унинг пайдар-пай сўзлари, Гуласалнинг атрофга олазарақ боқишлиари, ярим-ёрти саволларию, қисқа жавоблар ёмғирдан олдин яшин чақнагандек бир лаҳзада ўтди.

– Уйимизга яқинлашдик. Богкўча томондан кетаман.

Гуласалнинг гапи, “Оптимдан эргашманг, нақ балога қоламан-а!” деган маънени англаиди. Жабборнинг ичидан нимадир узилгандек бўлди. У дарҳол ўзини кўлга олди.

– Гуласал, бир гап айтсам, майлими?

Гуласал довдираб қадамини тезлатди.

– Гуласал!

– Жаббор ака, илтимос, мени тинч кўйинг.

– Гуласал, эртага ҳам сигирларни ўтлатгани олиб қиқасизми ?

Гуласал “ҳа” дегандек бош ирғади.

– Бўлмаса, эртага, худди шу пайтда ёнингизга бораман...

Жабборнинг гапи оғзида қолди. Гуласал тез-тез юриб пастқам деворлар ортига ўтиб кетди. Йигит ундан сира кўз узмасди.

Ҳа, эртаси куни учрашдилар. Аста-секин гап-гапга уланиб. улар ўртасида илиқлик пайдо бўлди. Улар тез-тез учрашадиган бўлиб қолиши...

Серсоя гужум остидаги сўрида мизғиб олган Жаббор кўзларини ишқалаб атрофга бокди. Қуёш қибла тарафга оқкан. У ҳовли ўртасидан ўтган ариқчада жилдирб оқаётган сувга юзларини чайди. Муздек сув карахтлигини тарқатди. Нимадир эсига тушди. Шоша-пиша оёғига шиппакни илдирди-да, дарвоза томон йўналди.

Онасининг:

– Қаёққа шошиласан? Ҳар куни ҳам шу аҳвол бўларми? – деган саволи жавобсиз қолди.

“Қизиқ, Нега Жабборга ўрганиб қолдим. Қани эди узоқ гаплашиб ўтирасак. Бирор халақит бермаса. Сўзлари бирам маънолики... Олдинлари нега билмаган эканман? Ё, асл севги деганлари шумикан? Йўғ-э... Ундей бўлса нега кўргим кепаверади?”

– Гуласал, кечикмадимми, ишқилиб.

Бехосдан кулоқлари остида жаранглаган таниш овоз Гуласалнинг хаёлларини тўзитиб юборди. У ёноқларидаги ёш томчиларини кафти билан сидирди. Қаршисида Жаббор табассум билан тикилиб турарди. Жабборнинг қиёфаси жиддий тус олди.

– Йигладингизми? Нимадан хафасиз? – дея ташвишланиб атрофга назар ташлади Жаббор.

– Шунчаки, ўзим... – деди Гуласал юзини четга буриб.

У қўлидаги хивични серпаб говмиш ва бузоқни йўл томон ҳайдай бошлади.

Ҳамишагидек тутзор ёқалаб оҳиста юра бошлашди. Орада жимлик ҳукмон.

– Гуласал, ҳадеб сиқилаверманг. Бунақада соғлиғингиздан ажралиб қоласиз-ку...

– Э, нима бўлса бўлар. Мен учун... ҳаётнинг қизиги қолмади хисоб.

– Ундей деманг, ҳали ҳаммаси яхши бўлади. Одам орзулар билан яшаши керак, дейишади-ку...

– Қанақа орзу?! Менинг орзуларим сувларга чўкиб кетгандек...

– Гуласал, яхши гаплардан гаплашайлик. Таътилим ҳам тугай деб қолди...

Гуласал бошидан совуқ сув куйилгандек сеска-ниб кетди. Ноёб нарсасини йўқотиб кўйишдан ҳадик-сираётгандек беихтиёр Жабборнинг қўлидан тутди.

– Ростданми? Нега бунча тез...

– Олдинлари таътил роса чўзилгандек бўларди. Энди эса...

– Ўқишига кетсангиз... мен... ёлғиз... қоларканман-да.

– Ёлғиз қолмайсиз.

– Нега, нега бундай деяпсиз?

Орада яна жимлик.

– Уйимизга яқинлашдик.

Қиз ҳар галгидек учрашув онлари якунига етганлигини эслатди.

– Гуласал, менга қаранг...

Қаршисидаги нозик вужуднинг лов-лов ёноқларию маъюс кўзларига тикилиб қолган Жаббор тутила-тутила:

– Бир гап айтсам, майлими? – деди ялингансимон оҳангда.

– Майли, Жаббор ака, майли.

– Нима деб ўйласангиз ўйланг. Гапнинг дангали, сизни севаман. Агар...



— Йўқ! – қиз тисарилиб, бошини сарак-сарак қилди.
 – Бу гапларни кўйинг, сизга тўғри келмайман.
 – Рози бўлсангиз, сизга уйланмоқчиман...
 – Нима?! – Гуласал довдираб қолди. – Ўйламай гапирманг, илтимос.
 – Ўйлаб кўрдим, Гуласал, сиз менинг баҳтимсиз!
 Фақат бирга турмуш куришимизга кўнсангиз бўлгани...
 – Ахир, мен, мен...
 – Нима мен?
 – Мен, – Гуласал уф тортганча юзини кафтлари орасига олди. – Мен номи булғанган, бетига қора чапланган бадбахтман...
 – Ундан деманг. Испингизни қаранг: ГУЛАСАЛ.
 – Гуласал! – Қиз йигламоқдан ўзини тийиб, ўпкаси тўлган ҳолда бошини хам қилди. – Испимни кўйишганда адашишганми, дейман. Гуласал эмиш. Эрта хазон бўлган гул, оғуга айланган асал кимга ҳам керак?
 – Ундан деманг, Сиз гулларнинг сараси, асалисиз...
 – Кейин-чи?!

* * *

– Кейин... Бахтли бўлишга ҳақлisisiz.

Ота-онаси гапни бир жойга қўйишган шекилли, эрта-индин шаҳарга жўнашга ҳозирлик кўраётган Жабборни ўртага олишди.

– Ўғлим, кейинги пайтда сани топиб бўлмаяпти. Бинир гаплашиб олишимиз керак.

– Нимани?

– Ана холос, нимани бўларди, биттаси, ўзим айтишга уяламан, отам индамаса дардимни кимга айтай, деган экан. Санам ичимдагини топ деб юраверасанми?

– Тушунтириб ёки гапиринг, ота...

– Нимани тушунмайсан, болагинам, – кўрпа қавиб ўтирган онаизор гапга арапашди, – Энди болалигинг қолмади. Ҳадемай ўқиши ҳам битирасан. Сан тенгиларнинг кўпчилиги бола-чақали ҳам бўлишиди.

– Энди тушунгандирсан, ўғлим. – Жабборга юзланди Раҳматилла мироб – Кучимиз борида бошингни иккита қилиб қўяқолайлик деймиз-да.

Жаббор қизарди.

– Ҳали ёшман, – деди овози чиқар-чиқмас.

– Ёш эмишлар, – кесатди Раҳматилла мироб. – Ўғлимиз хаёл суришларидан шаҳардан бирорта култирийсини топганга ўхшайдилар...

– Намунча болагинамни эзасизлар. – Бодом момо неварасининг ёнини олишга ўтди. – Насиб қилгани бўлади-да.

Дастурхон атрофида тўпланилди дегунча аҳвол шу. Мавзу битта: Жабборнинг бошини қовушириш.

Бугун ҳам кечки овқат тановул қилин-қилинмас отаси гапни айлантириб, тағин Жабборни уйлантириш мавзусига кўчди.

– Энди нозланмай айтарсан. Кўз остингда олиб юрганинг борми ё ўзимизга маъқулига нон синдириб қўяқолайликми?

Жаббор сўз айтишга ботинолмайди. Ер чизганча жим.

– Оғзингга талқон согламисан. Гапир. Бўлмаса айтинимизга кўнасан! – Гапни кўндаланг қўйди Раҳматилла мироб.

– Майли, айтаман.

Жабборнинг “тили чиққанидан” қувонган ота-она зимдан кўз уриштириб олишди.

– Хўш, ким экан ўша... номзод?

Ота-онасининг кўзларидан кўзларини олиб қочиб ерга боқканча ўйга ботган Жаббор ноилож ёрилди:

– Гуласал.

– Қайси Гуласал?

– Кимнинг қизи экан?

– Бор-ку, анови, Момохол каштачининг...

Ўртада оғир жимлик чўқди.

– Яна қайтар, қайси Гуласал?! – Раҳматилла мироб кўзлари косасидан чиққудек бўлиб ўғлига тикилди.

– Ё товба! Момохол каштачининг қизи?! – овози қалтираган онаизори ажабланиб бир ўғлига, бир эрига юзланди

– Астағфуруллоҳ, де болам, – хаста овозда пичирлаган Бодом момо баттар мунғайиб қолди.

Раҳматилла мироб “шап” этказиб хонтахтани урдида, хотинига юзланди:

– Ана сан тарбия берган арзанда! У қулоги билан ҳам, бу қулоги билан ҳам эшитиб қўйсин, биз унақа оти чиққан қизни келин қдолмаймиз.

У ўринидан даст туриб сўридан тушар экан, мункиб кетди. Жабборнинг онаси йигига зўр берди:

– Ўйлаб гапирдингми, болам. Бунақада бизларни шармисор қиласан-ку?

Ховлида сукунат чўқди. Қўнгилсизликларни яшимоқчи бўлгандек қалин тун пардаси борлиқни қоплай бошлади.

* * *

Ўқишилар бошланди. Ёзда ҳувиллаб қолган институт худуди таътилдан қайтган талаба йигит-қизларнинг шўхшодон кулгилари, ҳазил-мутойибаларига тўлди.

Жабборга ҳеч нарса татимайди. Гап-сўзларга ҳуши ўйқ. Машғулотларга ноилождан, ёқар-ёқмас қатнайди. Унинг паришонхотирлиги, қовоғи солиқлигига илк марта дуч келган курсдошлари таажӯкубда. Яқин жўралари хавотирда: “Оиласида тинчликмикин?!“ Бирор кор-ҳол бўлдими ё тоби қочганим?!“ Саволлар жавоб излайди. Айтарли гап топилмайди...

Хаёллар чўлғонган шу кезда касалхонада амалиёт ўташа муддати етиб келди.

Жаббор опдинлари таътилдагина уйига ошиқарди, энди эса дам олиш кунларини мўлжаллаб қишлоққа отланади. Пайт топди дегунча Гуласал билан учрашишга шошилади...

* * *

Гап шамол тезлигига қишлоққа ёйилди: Момохол каштачининг катта қизи қочиби!

– Қаёққа қочиби?! Ким билан қочиби?!

Ҳеч ким анигини айтольмайди.

– Раҳматилла миробнинг дўхтириликка ўқийдиган ўғли олиб қочган бўлса кераг-ов... – дейди кимдир шивирлаб.

– Нега айнан ўшандан гумон қилишашапти?

– Шамол бўлмаса дарахтнинг учи қимирламайди.

Ёзда иккови гаплашиб турганини кўрганлар бор.

Элнинг оғзига элак тутиб бўлмайди. Мехмондорчиликда, сартарошхонада, тегирмонда, чойхонада... Уч-турт киши тўпланди дегунча шу гурунг: “Гуласал қочиби!”.

* * *

Пахта теримидан ҳар куни вақтлироқ уйига қайтишга одатланган Гуласал бугун негадир ҳаяллади. Қоронғу арапаш ҳовлига кирган Роҳила онасининг юзидаги хавотирни сезиб:



— Опам ҳалиям келмадими, ҳаммадан олдин пахтасини топшириб уйга жўнаганди-ку, — дея хоналарни, боф тарафни кўздан кечира бошлади. — Ҳеч қаерда йўқ.

— Тоби қочмаганмиди, ишқилиб. Сан қиз бундоқ опам бор деб ўйламайсанам. Бирга бориб, бирга келсанглар бўлмасмиди, — дея кўйлаги бари билан кўз ёшларини артди Момохол каштаци.

“Ана келар, мана келар” дея она-бала Гуласални кута-кута тонг оттиришди. Роҳила азонда қўни-кўшниларнига, қариндошларнига чиқиб келди. Ҳеч ерда қораси кўринмайди! Роҳиланинг дарвозадан мунгайиб кўзида ёш билан кириб келиши Момохол каштачининг ичига ғулғула солди. Бир жойда ўтиромайди. Олов ичида қолгандек жизғанак бўлади. У кўрпа-тўшак қилиб ётиб қолди.

— Пешонамга бу иснод ҳам ёзилганмиди?! — дея оқ юваб, оқ тараган қизини, уни йўлдан урганларни қарғагани-қарғаган.

— Ундай деманг, эгачи. Ҳозир севгани билан қочиш айб бўлмай қолди. Ҳали ярашиб ҳам оласизлар. Товба денг-да, қизингизга бахт тиланг, — дея Момохол каштанини юпатишади баъзи бир кўнгилчан аёллар.

Момохол каштачининг Гуласалга тоға бўлмиш ака-укалари ғазабга тўлишиди. Наилож! Осмон йироқ, ер қаттиқ. Шайтонга ҳай беришди. Ичдаги гапни тилга чиқаришмади. Жигарларини аяшди.

* * *

Ваъдалашиб, гапни бир жойга қўйган Жаббор Гуласални куттириб қўймади. Келишилган вақтда қишлоқ четидаги кексаларнинг айтишича бир пайтлари тегирмон бўлган нурай-нурай деб турган чор девор ёнида учрашишиди. Режа нақадар қалтис эканлигини хис этишса-да, шундан бўлак ўзга чора икки ёшни бирлаштира олмаслигидан ҳайқишаради. Бундан бошқа имкон излаш кафтингда қўнай-қўнай деб турган бахт қушини учириб юбориш ва умрбод унга дуч келмаслиқдан бошқа нарса эмас...

Жаббор кира қилган енгил машина ўйдим-чуқур ўйлардан чиқиб олгач, кенг асфальтда шамолдек елди.

* * *

— Келганимизга ҳам бир ҳафтадан ошди. Энди ишга чиқсам...

— Мени ҳеч нарсага ақли етмайди, деб ўйлайсизми? Сизни ўқийди десам ўқишига бормаяпсиз, тағин ишга чиқсам дейсиз, — Жабборнинг гапини бўлди Гуласал.

Жуфтининг соддалигидан Жабборнинг кулгиси қистади.

— Ҳозир амалиётдамиз. Вилоят касалхонасида тажриба ошираяпмиз. Устоздан бир ҳафтага рухсат олган эдим.

— Шундай демайсизми? Ўқимаган бўлсам, қаёқданам тушунаман.

Уйқу аралаш кўзларини аранг очган Жаббор эри-нибигина ўрнидан турди. Ювиниб олгач шоша-пиша но-нушта қилишига улгурди-да, ҳовлига чиқиб хонадон бекаси, кўринишидан олтмишлардан ошган, шоҳи рўмоли ўзига ярашиб турган, истараси иссиқ онахонни бошлаб хонасига бошлади.

— Холажон, энди келинингизга кўз-кулоқ бўлиб турасиз. Тағин қочиб кетмасин, — дея гапни ҳазилга бурди Жаббор.

— Майли, ўғлим, ўқишдан қолма. Келиним билан чақчақлашиб ўтирамиз. Қоронғуда қолиб юрма, эртароқ кел, куттириб қўйма.

— Хўп, яхши қолинглар.

Жаббор остона ҳатлади.

Улар ижарада турадиган болаҳонали ҳовли тор бўлса-да, қандайдир файзли, ҳаммаёқ ораста. Дарвозадан кираверишдаги ўнг томондаги кенг хона уларга берилган.

“Шаҳарликларга мазза.. Чироқ ўчмаса, газ балонни ўйлашмаса, ичимлик сувини айтмаса ҳам бўлади” — ўйлади ичиди Гуласал.

— Холажон, бирор юмуш бўлса тортинмасдан айтиверинг.

— Вой келинжон-еј, бу ерда нима ҳам иш бўларди. Жабборжон келадиган пайтда овқатга уннамасак бошқа қиласидаги юмушимиз йўқ ҳисоби.

Гуласал Жаббор уйда бўлмаган пайтларда хоналарни, ҳовлини тартибига келтиради-да, хола билан сұхбатлашишга ўтиради. Бу фариштадеккина онахоннинг ичи тўла гап.

* * *

Кичик чилла ортда қолган бўлса-да, куёв-келин хавотирда.

— Шу ишимиз тўғрими, Жаббор ака.?

— Мени ҳам шу савол қийнайди, — Гуласалнинг сўзини кесди Жаббор, — ўйлаб ўйимга етолмайман. Бундан бошқа чорамиз йўқ эди-да. Энди бу гапларни қўйинг. Ҳаммасини хаёлдан чиқарайлик. Яқинда қишлоққа борамиз. Ота-онамиздан узр сўраймиз. Уларга тушунтирамиз, кўндирамиз.

— Одамларнинг гап-сўзлари-чи?

— Уларга парво қилманг. Буни қисмат дейдилар...

* * *

Жабборнинг қоронғу тушмасданоқ ҳовлиқанча дарвозадан кириб келишига ўрганиб қолган Гуласал хавотирда. Бугун негадир Жаббор ҳаяллаб қолди. Кўча эшикка тикилавериб Гуласалнинг кўзлари толиқди. Холанинг қалбини хавотирлик эгаллаган бўлса-да, Гуласални юпатишга уринади.

— Ҳойнаҳой, бирорта касалнинг аперасиясига қатнашаётгандир Жабборжон. Қўли енгил дўхтири-да, болагинам. Ҳали замон келиб қолади. Телевизор кўриб ўтирайлик, келинжон.

Экранда нима кўринаяпти, нима ҳақида сўз бораяпти, сезилмайди. Юрак ғашлигидан кўзлар кўр, кулоклар кар.

Жабборни кута-кута Гуласалнинг кўзи илинди.

Бу нима, тушми ё...

Уст-боши оппоқ матога ўралган Жаббор ён атрофи шаршара дарё устида замбилга ўхшаш ёғоч қўприк устида турибди. Чеҳраси шундай ёришиб кетганки...

— Мен ўйимга кетама-а-ан! — дея бақиради куличларини ёйиб...

Кўлларини силкитганча ўзи томон юргурган Гуласалга “Яқинлашма” дея имо қиласи ва кўллари билан тўғрини кўрсатади. Гуласал Жаббор кўрсатган тарафга боқади. Не кўз билан кўрсинки, шундоққина оёқлари остида қишлоғи ястаниб ётибди. Қишлоқ четидаги бир пайтлари эски тегирмон ўрнатилган, нурай-нурай деб турган чор деворга суюнганича онаизори — Момохол каштачи қизини имляпти. Гуласал “Онамнинг олдига борайми?” — дегандек Жабборга юзланмоқчи бўлиб



ортга ўгирилади. Жаббор жойида йўқ. Гуласал атрофга боқади. Жаббор оппоқ булутлар оғушида самога сузид борарди...

– А-а-а!! – Гуласал чўчиб уйғонди. Кўрган тушидан кўркиб қалтирай бошлади.

– Келинжон, алаҳсираманг, кўркманг.

Хола Гуласални тинчлантира бошлади.

– Жаббор ака!

Гуласал хўнграб юборди. Тонг отиши шунчалар чўзилдики... “Нега бундай туш кўрдим, ё Жаббор акамни ўйлаб ётганим учунми?”

Хола билан Гуласал мижёка қоқишимади. Машиналарнинг чинқириги шаҳарни уйғотиб юборди. Чошгоҳ бўлди ҳамки Жаббордан дарак йўқ. Гуласалнинг юрагига қил сифмайди. Ёмон хаёллар уни қайларга олиб бормади...

Кўнгироқ овозини эшитиши билан Гуласал кўча эшикка отилди.

– Эшик бекик қолганмиди?

Холанинг гапи оғизда қолди. Остонада мундирли йигитни кўриб оёғидан дармон кетди. Гуласал ҳам ҳангманг, тахтадай қотиб қолди.

– Жаббор Раҳматиллаев шу ерда тураркан, тўғрими, холажон. Ўзингиз тушунасиз, тақдирдан қочиб кутулиб бўлмайди. Умри қисқа экан...

Хола шилқ этиб ўтириб қолди. Кўзлари нурсизлана борди. Мундирли ходим узоқлаша борди.

* * *

Шумхабар тезда тарқалди. Жабборнинг бевақт ўлимини эшитганлар бир қалқиб тушишди. Ишониш қийин!

– Ахир кечагина биз билан операцияга қатнашганди-я ?!

– Яқиндагина диплом ишимни ўқиб маслаҳатларини берган эди-ку?

– Кечқурун чўмилишга борган эмиш...

– Ўзини сувга ташлаганмиш...

Жабборни яқиндан билганлар унинг одамийлиги, самимий ва садоқатли дўст эканлигини бир-бирларига сўзлайдилар.

Ниҳоят, марказий газеталардан бирида чоп этилган “Халоскор” сарлавҳали мақола миш-мишларга якун ясади:

“...Табиатан одамларга эзгулик улашиш ниятида бўлган, шу боис шифокорлик касбини танлаган Жаббор Раҳматиллаев вилоят касалхонасида амалиётни ўтаб, ишдан сўнг анҳор бўйлаб уйига йўл олди. Бехосдан унинг қулогига аёл кишининг “Болам чўқаяпти, ёрдам беринглар!” деган бақириги эшитилди. Жаббор вақтни бой бермасдан ёрдамга юргуди. Сув юзида бир кўриниб, бир кўринмай қалқиб бораётган болакайни кўриб ҳеч иккиланмай уст-боши билан ўзини анҳорга ташлади. Сувга шўнгигиб эпчиллик билан болакайни елкасига олди. Қийинчилик билан бўлса-да, қирғоқча сузид келди. Аёл болакайни қўлларидан тортиб қирғоқча олди. Жон ҳолатда Жабборга ёрдам бермоқчи бўлди. Афсуски, бунинг иложи бўлмади. Жаббор сув остида кўринмай қолди. Аниқланишича Жабборнинг тўпиги сув остида ётган симга илашиб қолган экан. Халоскор инсон Жаббор Раҳматиллаев умрининг сўнгги лаҳзасида ҳам одамларга яхшилик қилиш мақсадида жасорат кўрсатди...”

* * *

Қийин бўлди, Гуласалга қийин бўлди. Бечоранинг бошига осмон куллади.

Мудҳиш хабарни эшитган Гуласалнинг тоғалари

жиянини қидиришга тушишди. Талабалардан сўраб-суриштириб у яшаб турган холага ҳам.

Шундай ҳам ўлимига рози бўлиб турган холага ҳам, соchlари тўзғиб телбавор бўлиб қолган Гуласалга ҳам лом-мим дейишмади.

Гуласал итоаткорона машинага ўтириди. Қишлоққа қайтишди. Момохол каштанинг ҳовлиси зимистонни эслатарди. Ҳеч кимнинг кайфияти йўқ.

– Кун битгандан кейин бир сабаб бўларкан-да. Жабборнинг ўлимига ҳеч ким айбдор эмас...

– Энди ўзингни қўлга ол, онангни ҳам ўйла. Умридан қанча кун бор-йўқлигини Худо билади.

Хешу акраболар ўзаро кенгашиб Момохол каштанинг кўзи очиқлигига Гуласални турмушга бериш учун гапни бир жойга кўйишди. Гуласал қаршилик кўрсатмади. Билади. Энди бу дунёда унинг қалб сўзларига қулок тутадиган мард қолмади.

* * *

Ўн гулидан бир гули очилмаган Гуласалнинг пешонасига ёши ўтинқираган бўлса-да, қишлоқнинг туй-ҳашамларида ҳаммоллик қилиб юрадиган Мардикул билан турмуш куриш қисмати ёзилган экан.

Мардикул деганлари амакисининг молларини боқиб вояга етди. Мактабни ёнидан ҳам ўтмаган саводсиз, одамови, меҳнатдан бўйин товламайдиган, беозор киши. Олдинги турмушидан ажралишига фарзандсизлик сабаб бўлган, дейишади.

Гуласал Мардикулнинг ҳурматини жойига кўйди. Уст-боши вақтида ювуб тозалантган, истаган пайтида чой-овқати мухайё. Мардикул “Борига шукр!” деб қўяди ҳар замонда. Гуласалнинг қистови билан у ҳар кимнинг эшигига юргудаклик қилавермасдан дала қоровуллигига ўтди. Тўриқ қашқани миниб ғаллазорларни айлангани-айланган. Қоровуллик орқасидан рўзгор бирнави ўтиб турибди. Уроқ ҳуржундан тушмайди. Молларнинг емиши даладан.

* * *

– Мардибой ўғилли бўлибди!

Мардибойнинг оғзи қулогида. Хуржунни қанд-курс, мева-чевага тўлдириб, кўлтиғига “оби зам-зам” дан қистириб, таниш бригадирлару, миробларга роса ҳақ берди ўзиям.

Фарзандли бўлса-да, Гуласалнинг кўнгли ёришмади. Мардибойнинг гуурланиб юришини кўриб, унга раҳми келади. “Бечора, қайдан билсин, ҳали ётиғи билан тушунирарман”, ўз-ўзига пичирлади Гуласал.

* * *

Гуласалнинг ўғли Сардор тетапоя бўла бошлагач юз-кўзлари, қошлари Жаббор дўхтирини эслатарди. Унга қараб Гуласал на кувонишни, на ўкинишни биларди. Ичичидан эзилади. Уни ким ҳам тушунарди??!

– Ҳе, энағар! Бола мендан деб юрсам...

Шу пайтгача Гуласалга овозини баландлатиб сўз қотмаган Мардикул узангидан оёғини олар-олмас сўкина бошлади. У оёқда зўрға турарди. Гуласал Мардикулнинг аҳволини тушунади. Урсаям, сўксаям Мардикул ҳақ.

Супадаги кўрпачада ухлаб қолган Мардикул хуррак ота бошлади. Гуласал уни секин ёнбошга ағдарди.

– Тура қолинг, шомда ухласа ёмон бўлади дейишади, ҳали замон овқатни сузаман.



Мардиқул анчагача туришга эринди. Боши ғувиллайди. Чакагига кафтларини босди.

– Башим ларсиллаб оғрияпти.

– Ароқ ўлгурни ичгандан кейин шу-да. Кимнинг шохи чиқибди. Шу савилни ичмайман десангиз оғзингиздан қўйишмас.

– Ҳа, энди жўраларни биласан-ку.

– Жўраларингиз жўра эмас, душман. Сизга ароқ ичиришиб калака қиладиган майнавозлар.

Мардиқул ўйга толди. Хотини ҳақ. Тўғри-да, қачон қарасам ичириб гапга солишади. “Ўғлинг ўзингта тортганми” дея асабига тегишиади.

“Гуласалнинг бир ойга яқин Жаббор билан яшаганини кишлоқда кўпчилик билади-ку. Ўзим ҳам билиб туриб унга уйландим. Сардор туғилгач, кейинроқ Гуласал очигини айтди-ку?! Фарзандимизни бирга вояяга етказамиш. Ким нима деса десин, оғзига кучи етмаганларнинг гапига аччиқланманг. Хоҳламасангиз боламни олиб, бош олиб кетаман, деди-ку?!”

Ўшанда Гуласалнинг йиғламсираб, тўлиб-тошиб айтган сўзлари Мардиқулнинг юрак-бағрини эзид юборганди.

– Майли, хотин, сен айтганча бўла қолсин, фақат кетма. Сардорни ўз боламдек кўраман, ишон.

Улар бу мавзуда бошқа оғиз очмасликка аҳд қилишганди.

Бугун эса...

Кечки овқатдан сўнг Гуласал:

– Дарвозадан сўкиниб кирдингиз, – дея дийдиёга ўтди.

Мардиқул сўкинганини эслаб кўзларини олиб қочди.

– Шунга хафа бўласанми, ҳаммаси ароқнинг гарданида.

– Мен боламни ўкситиб қўймайман дегандим-ку.

– Оббо, яна дийдиёми?

– Дийдиёмас, чин сўзим.

Орага жимлик чўқди.

– Сизни ўша жўраларингиздан кучли деб билардим. Аччиғингизни ароқдан олманг-да. Тотув яшайлик десангиз ичкиликни йигиштиринг. Сардор сизни отам деяпти. Агар отаси йўқлигини билса бола эзилади, билдингизми?! Мен буни асло истамайман. Кези келса эсни танигач, ҳаммасини айтиб берарман...

Мардиқул талмовсираб қолди. Ой ёруғида Сардорнинг кўзларига тикилди,

– Барвақт ухлаб қолибди-ку, тузукроқ овқатланганмиди ишқилиб. Ҳали кўрасан, Сардор полvon бўлади.

Сардор полvon туни билан тўлғониб чиқди. Холасининг ўзи истамаган ҳолда Гуласал опасининг аянчли қисматини ўксиб-ўксиб айтган сўзлари кинотасмалари-дек хаёлидан такрор ва такрор ўтар экан, чап кўкси санчиларди.

У айқаш-уйқаш ўйлар гирдобида қолди:

“Наҳотки никоҳсиз туғилган боламан?! Ахир, бу бир умрлик иснод-ку?! Қулоққа ҳақоратдан-да оғир эши-тилади... Одамзот кўтара олмайди бу тавқи лаънатни! Эҳ, Сардор, Сардор... Пешонанг бунча шўр бўлмаса?! УЛАРнинг айби бошингга маломатлар ёғдирди-я? Аслида УЛАР ҳам айбдор эмасдек... Ўзлари қил устида турганда никоҳ эсларига тушармиди? НИКОҲ... Бунчалар қадрли, бунчалар покликка даъваткор бўлмаса бу калом...”

Хаёлларини чалғитиб нонушта қилмоқчи бўлди. Кайфияти йўқлигидан томогидан сув ҳам ўтмади.

Тунов кунги Челакда бўлган тўйдаги кураш, нотаниш чол ва Ҳошимнинг ҳақорати Сардор полvonга тинчлик бермасди. Вужуди ғазабга тўлган.

Ҳар куни хўроз қичқирап-қичқирмас кўчага чиқиб, минг бир юмуш билан кунни кеч қилиб уйга қайтадиган Сардор полvon бугун остона ҳатламади. Ҳеч ким билан кўришгиси келмасди. Ўз хаёллари билан банд...

Кун пешиндан оққанда дарвоза устма-уст тақиллади. Ёстиқни кучоклаб бир нуқтага тикилганича ўйга ботган полvon истар-истамас ўрнидан кўзғолди.

– Ҳозир.

Полvon дарвоза зулфини туширди. Остонада ёши элликларни қоралаган, яктаги ўзига ярашган, ироқи дўпписи уриниб қолган киши турарди. Кўзларининг ўйкусизлиқдан чарчаганлиги, чехраси маҳзунлиги шундоқкина сезилади.

Салом-алик қисқа бўлди.

– Тинчлики, ака?

Полvonнинг салобати босдими, меҳмон тутила-тутила муддаога ўтди.

– Тинчликка-тинчликку-я. Сизни отам сўрайтилар. Ҳозироқ бормасак бўлмайди, – дея йўл четидаги кўк “Москвич” га ишора қилди.

– Сизни танимайроқ турибман?

– Мен ҳалиги чепаклик мулла Абдурозикнинг ўртанча ўғлиман.

Полvonнинг хаёлидан “Мулла Абдурозик ҳакида эшитганиман, аммо бирор марта гурунглашмаганман. Менда қандай гапи бўлиши мумкин?!” деган гап ўтди.

– Кечадан бери сўрайдилар, – полvonнинг ичида-ги гапни сезгандек сўзида давом этди меҳмон. – Тунда кураш тўйига бориб ҳам суриштиридик. Одамлар бу гал ҳам Сардор полvonлик қилди, деган гапдан нарига ўтишмади. Сизнинг қаердалигинизни аниқ айтишмади. Ҳозир сўраб-суриштириб келаётганим. .

– Боришим зарилми?

– Зарилам гапми? Отам... – меҳмоннинг бўғзига нимадир тиқилди. – Отам... ўлим билан олишайтилар. Ҳар замон ўзларига келганда “Жарлик Сардор полvonни топинглар, унга айтадиган гапим бор” деб ёлворганилари ёлворган.

Сардор полvon “ҳозир” деганича ичкари кирди. Зум ўтмай кийимларини алмаштириб чиқди.

Меҳмон “Москвич”ни ўт олдириди.

Ўн беш-йигирма дақиқалар чамаси вақт ўтгач машина нақшинкор дарвоза олдида тўхтади. Улар узун-қисқа бўлиб ичкарига йўналишиди.

Хона гавжум. Мулла Абдурозикнинг яқинлари бўлса керак, бемор атрофида жимгина ўтиришибди. Эркаклар юзида хавотир, аёллар эса рўмоллари учи билан кўз ёшларини сидиришган...

– Ота, Сардор полvon келди.

Хонадагилар ўринларидан қўзғала бошлишади. Сардор полvon мулла бобо ётган диванга яқинлашди.

– Ассалом алайкум, мулла бобо, тузукмисиз...

– Сардоржон, келдингми, бўтам.

Бемор овоз келган томонга аранг бурилиб Сардор полvonга тикилди. Беморнинг боз тарафида ердан бошини кўтара олмай бужмайиб турган йигит Сардор полvonнинг диққатини тортди. Яхшилаб тикилди, не кўз билан кўрсинки – бу Ҳошим эди.

– Сардоржон, сени кўрдим, энди беармон кетадиган бўлдим! – Беморнинг ҳазин овози полvonни сергак-



лантириди. – Сен... сен... балки биларсан, балки эшитмандирсан. Сен Жаббор дўхтирнинг ўғлисан...

* * *

Мулла Абдурозик ғира-шира кўзларини очди. Кўкимтир осмонми? Йўғ-э, шифт-ку. Нега жимлик. Қаерда ётибман?

– Хайрият-э, отажон, тузукмисиз энди?

– Қаердамиз?

– Касалхонада. Ҳаммамизни қўрқитиб юбордингизку. Яхшиям дўхтирлар боракан.

– Барака топишсин.

Мулла Абдурозикни ўғли ўнг томонга ағдарди. Лабига пиёла тутди. Мулла бобо палатага разм солди. Оқ чойшабли иккита каравот ва тумбочка. Одам бўйи келадиган кийим илгичга ўхшаш қандайдир мосламага шиша идиш уланган. Палата тўридаги кенг деразадан сарғайган барглари сийраклаша бошлаган дараҳтлар кўзга ташланади...

– Мумкинми, ассалому алайкум, мулла бобо. Соғликлар қалай энди?

Оқ халатли, ориққина ёш дўхтир стулга ўтиргач, бобо билан қулоқ сўрашди.

– Дўхтир ўзимиздан экан, ота, – таниширига бошлиди ўғли. – Жарлик. Бу укамнинг хизмати катта бўлди. Жаббор дўхтир деса ҳамма таниркан.

Жаббор мулла Абдурозикнинг кўнглига ўтириди. Навбатчиликда қолган кунлари бобони зериктириб кўймаслик учун у тез-тез палатага кириб ҳол-аҳвол сўрар, шифокорлар ёзиб берган дориларни топиб келарди.

* * *

Палатага кириб келган Жабборнинг безовталигини сезган бобо хавотирланиб секин сўради:

– Бир нима бўлдими, Жабборжон?

Жаббор олдиларида ҳеч ким бўлмаса-да, атрофга олазарак боқди. Мулла бобога энганисиброк ўтириди.

– Бува, бир илтимос билан келдим. Мен учун йўқ деманг, – дея ялингансимон оҳангда сўз бошлади.

Мулла бобо "Тушунтириброк гапиринг" демоқчи бўлиб оғиз жуфтлаган эди, Жаббор ҳаяжонланиб гапини давом эттириди.

– Бир қизни олиб қочдим, бува... Бир-биримизни яхши кўрардик. Мен айдорман. Наилож... Нима бўлса бўлар...

– Қиз олиб қочдим?! Ўлаб иш қилдингизми?! Бирорвинг фарзандини-я!?

– Ҳозир бир бошидан айтиб бераман, – бир муддат хаёлларини жамлаб олган Жаббор ютиниб олди-да,

бошидан ўтказган воқеаларни баён қилди. Жабборнинг хижолатомуз айтаётган гапларини охиригача тинглаган Мулла бобо бармоқлари билан тараган бўлиб соқолларини силади ва салмоқланиб Жаббор кутмаган фикри айтди:

– Баракалла, яхши иш қилибсиз, бўтам. Мардона, тантиласарча иш тутибсиз, бу ҳар кимнинг ҳам қўлидан келавермайди... Энди бўёғига маҳкам бўлинг!

– Энди ортга қайтиш йўқ, – дадилланди Жаббор, – Гуласал билан турмуш қурай десам уйимиздагилар кўнмаса. Унинг онаси ҳам барибир рози бўлмайди. Ўйлай-ўйлай шу қарорга келдик. Сезяпман, шу қиз билан бахти умр кечирамиз...

– Худо хоҳласа, денг, болам, Худо хоҳласа...

Жаббор дўхтир бош ирғаб қўя қолди.

Пешонасидаги ажинлар тиришиб, ўйчан қиёфа акс этган Мулла бобо:

– Бир-бирингизга кўнгил қўйибсизлар, қиз рози экан... Барибир ёшликларингга борибсизлар-да, – дея эшитилар-эшитилмас минғирлади.

– Ҳа, худди шундай, қиз рози, фақат шаръий никоҳдан ўтишимиз зарур. Шунинг учун олдингизга келдим, ўтиниб сўрайман, мулла бобо, гапимни ерда қолдирманг. Бу ҳақда зинҳор-базинҳор ҳеч кимга оғиз очмайман. Кийиниб олинг, пастда машина кутиб турибди...

Жабборнинг ҳолатини англаган, бу қалби пок, самимий йигитнинг суханини рад этишни ўзига эп билмаган мулла Абдурозик ноилож кўнди.

* * *

Мулла бобо нурсиз кўзларини полвонга тикканча бироз сукутга чўмди. Имо-ишора аралаш базўр гапини поёнига етказишига уринди.

– Сардор, Жаббор дўх... тирнинг зур... риёдисан. Адашма... ота-онангнинг никоҳини ўзим ўқиганман.

Беморнинг кўзлари шифта қадалди.

– Мендан рози бўлинглар!

Хонада пик-пик йиғи овози эшитила бошлади. Кимдир Сардор полвонни елкасидан маҳкам кучди. Қараса Ҳошим. У Сардор полвоннинг кўзига тик қарай олмасада, лаби-лабига тегмай бидирларди:

– Мени... мени кечи-иринг. Аҳмоқ эканман. Кеча жаҳл устида... Мен ношуд, бобожоним ўқиган никоҳа лой чаплабман-а!

Сардор полвон Ҳошимни ўзидан нари силтади ва эшикка юзланди. Ўпкаси тўлиб кетди. Шу лаҳзада илк дафъя ота-онасини – Жаббор дўхтир билан онасини кўмсади. Уларни жуда-жуда соғиниб кетди...





Гулноз МҮМИНОВА

Кўзлағинида ишонин мени

СЕВГИ ЎЛИМИ

Сен кечикдинг. Севгимиз ўлди.
Қара, дилда ётибди бежон.
Жуда маъсум эди-да ўзи,
Осонгина таслим этди жон.

Бизлар уни ёмон қийнадик,
Ўртамиизда хўп ҳам толди у.
Гарчи эрта кетди ҳаётдан
Бизларга баҳт берга олди у.


Гар истасанг, совиб борётган,
Пешонага бос сўнгги бор лаб.
Фақат ёлғон демагин уни,
Марҳумларни бўлмас ёмонлаб.

* * *

Ҳозир бунёд бўлди бу лаҳза,
Шошма. Яшаб қолайлик унда.
Ботаётган қуёш сингари,
Ғаниматлик уфурар ундан.

Шу лаҳзага жодир бариси,
Унда мавжуд шодлик ҳам, баҳт ҳам.
Ҳамма соатларни бураб қўй,
Тўхтаб турсин югурек вақт ҳам.

Умримизни шу лаҳзага кўм,
Ғаддор ҳаёт қолсин уятга.



Ахир гоҳи алишимоқ мумкин,
Бир лаҳзани... агадиятга.

МЕХР

Ҳайронман
Шунчалар
Нозик бўлсанг ҳам,
Юракни турасан
Тўлдириб.
Жуда ҳам нафиссан,
Кўшимга олсам,
Кўрқаман қўйшишдан
Ўлдириб.

Кўйгил, инжилмагин,
Ранжитма мени,
Лаҳза ўтмай яна
Фикримдан қайтмай.
Сени ўзинг билган
Ўша одамга
Бериб юбораман
Ҳеч кимга айтмай.

ОЛОМОН

Муҳаммад чорласа “қошимга кел” деб,
Бутун оломонни лол этиб, бирдан.
Дараҳт қаршиисига юриб борганими,
Ҳамма илдизларин суғуриб ердан.



ЖУМЛА

*Мўъжиса сўрамии яна оломон –
Асли ер гуноҳга макон бўлган жой.
Расул амр этса, узоқ куттирмай
Иккига ажралиб кетган эмиш ой.*

*Шубҳада қолармии ганим барибир
Ва бошлиб келармии гувоҳларини.
Тилга кирган жасад сўзлаб берармии
Тирик човидаги гуноҳларини...*

*Асрлар ўтади, бошқа пайгамбар
Энди тугилмагай – ҳақиқат аён.
Буни англаса-да, аммо барибир
Мўъжиса кутади гофил оломон.*

МУВОЗАНАТ

*Отеллонинг рашикин жазавасига
Ҳануз тушунолмай қийналар дунё.
Гўзал Дездемона қисмати учун
Бир кичик рўмолча айбордor гўё.*

*Азалдан Қодири Мутлақ бу ҳисни
Яратмаганмикан кўнгил қонидан.
Бемаъни туюлар, рўмолча учун
Бир инсон ажралиб турса жонидан.*

*Отелло армони чегара билмас,
Унинг умри – мангу ҳижрон кечаси.
Рўмолчалар эса гойиб бўлмоқда,
Йўқолиб-йитади яна қанчаси.*

*Лаънатга лойиқмас асли Яго ҳам,
Шунчаки синалди бир ошиқ юрак.
Рашикин муҳаббатнинг тимсоли учун
Отелло сингари Яго ҳам керак.*

*Орадан ўтса-да неча асрлар,
Алам билан эслаб Қоработирни,
“Севги қотили” деб атайверамиз,
Тоҳир- Зуҳро ёди чулгаб хотирни.*

*Асли Қоработир бўлмаса, Тоҳир
Ҳижрон дарёсидан гофил ўтарди.
Зуҳрога етса ҳам, балки бу севги,
Турмуши бўронида тўзгиб кетарди.*

*Бари ойдинлашар секин, бирма-бир,
Энг буюк файласуф аслида-ку Вақт.*



*Рашк ва муҳаббатга тимсол бўлишида
Уларга халақит берар эди Бахт...*

* * *

*Юрагингга ишонма мени,
Шафқатлидир юрагинг мудом.
Ташлаб кетмоқ истасам сени
Мени қўйиб юборар осон.*

*Нафратингга ишонма мени,
Макрдандир маним бунёдим.
Уни шиққа айлантирмоққа
Кифоядир битта фарёдим.*

*Ҳаётингга ишонма мени,
Мени унга ишонма сира.
Тўзгиб кетар қуриган гулдай
Мендан қолган ҳамма хотира.*

*Кўзларингга ишонгин фақат,
Нигоҳингга дуч келсан бирдан,
Кишинига қўнинкан қулдай
Оёқларим узилмас ердан...*

Кўзларингга ишонгин мени...

ТЕМУР

*Гарчи ёлғончи деб ёзгирадилар,
Шоир ҳам шеърида ҳақ бўлар экан:
Гоҳи бутун ҳалқдан бир одам чиқмай,
Гоҳ битта одам ҳам ҳалқ бўлар экан.*

*Эслаганде Широқ ҳикоясини,
Бу қисматдан этинг жунжисикар ёмон.
У бўлмаса ҳалққа айланармиди
Саҳро кезиб юрган ўша оломон?*

*Чингиз қаҳ- қаҳ отар, кўриб Хоразм
Элининг дарёда оқиб кетганин.
Қайдан билсин, Жалолиддин бу ҳалқни
От билан дарёдан олиб ўтганин.*

*Тақдир кўп синамиши Амир Темурни,
Ахир имтиҳондир асли бандалик.
Ором билмас эди саркарда қалби:
“Ҳалқни ҳалқ қиларми парокандалик?”*

*Ахир токайгача она Ватанни
Душманлар талайди, қилади горат.*



Унинг наърасидан кетди уйғониб,
Миллат қалбидаги қадим жасорат.

*Кўп катта синовдир йўлбошлик ҳам,
У халққа интилди, халқ у томонга.
Муаззам ришиштадан яралган шу ҳис,
Уни айлантириди Соҳибқиронга!*

*То ўша жасорат қонимизда жо,
Шоир ҳақни ёзсин, турсин хақ бўлиб.
Бу миллат то рўзи қиёмат қадар
Халқ бўлиб яшасин, қолсин халқ бўлиб.*

НАВОИЙ ҲАЙКАЛИ ПОЙИДА

*Сочлари ҳурпайган йигитни Мажнун
Десалар, юзимда ловуллар уят:
Гоҳо шакл голиб келиб қолганда
Чеккага чиқармиши шурлик моҳият.*

*Гозалар керакмас кўнгил қонидан,
Ул ошиқ дилларни бўлдик ўлдириб:
Лаблари, ёноги алвон тусдаги
Лайлолар юришар кўча тўлдириб.*

*Ишқининг ул азалий қоидалари
Аллақачон қайта тузилиб бўлган.
Севги билан ҳаё ўртасидаги
Искандар девори бузилиб бўлган.*

*Кўхна табиатнинг кўксидан ҳамон,
Олинмай турибди Баҳром отган ўқ.
Энди муҳаббатдан йиғлаган инсон,
Инсонни йиғлатар, муҳаббат ҳам йўқ.*

*Шаксиз, башиоратдир айтганларингиз,
Бизнинг замонларни қайдан биларсиз?
Балки қайтиб келиб, қуш тилин эмас,
Инсонлар лисонин достон қиласиз...*

*Энди ишқ жаввҳари тошдек беқадр,
Ҳақиқат равшандир мисоли кундай:*



*Бугун Фарҳод тоғни йўниб турса ҳам,
Сув эмас, маъданлар излайди ундан.*

*Беш юзу етмиши йил ўтмиши орадан,
Неча бор эврилиб, тикланмиши мезон.
Сизни ранжитади, аммо айтиши шарт:
Асло дўст бўлолмас шоир ва сulton.*

*Барини бирма-бир айтсан, нуроний
Бошингиз оғритар маним ҳасратим.
Мехр сўраганлар жуда кўп, бироқ
Мехр ноёб бўлиб қолди, Ҳазратим.*

*Ёрқин туслардадир либослар гарчи,
Юраклар қашишоғу, туйгулар – гариб.
Шунинг учун ҳатто ҳайкалингизга,
Қаролмаймиз боини баланд кўтариб.*

* * *

*Ҳижронингдан нидо пайдо,
Хаёлингдан сафо пайдо.*

*Қаҳрингдан юз дард ҳосилу,
Мехрингдан минг шифо пайдо.*

*Амрингдан ибтидо зоҳир,
Лутфингдан интиҳо пайдо.*

*“Шафқатингга насиб ўлсам”,
Дил ичра муддао пайдо.*

*Жамолинг акси васфидин
Тилимда илтижо пайдо.*

*Бу хаста дилга бўлсайди,
Раҳматингдин даво пайдо.*

*Кудратингдан тақдир узра
Ҳам оқу ҳам қаро пайдо.*

*Ишқинг заҳматидан магар
Ер юзинда қазо пайдо?!*



Абдусаид КҮЧИМОВ



САФАР

Эсседан парча

Шундай қилиб филология фанлари доктори, профессор Пирмат Шермуҳаммедовнинг етмиши йиллик юбилеи муносабати билан улуғвор Қорақалпоғистон диёрига ташриф буордик. Юбилей билан боғлиқ барча расмий-нарасмий тадбирлар якунлангач, бу муazzзам ўлка бўйлаб сафаримиз давом этди. Ҳамроҳларим – Ўзбекистон Халқ ёзувчиси Муҳаммад Али, педагогика фанлари доктори, профессор Қозоқбой Йўлдошев, филология фанлари номзоди Адҳамбек Алимбеков, таникли ижодкор, “Ишонч” газетаси Бош мұхаррiriи Абдухолик Абдураззоков, Қорақалпоғистон халқ ёзувчиси Үразбой Абдураҳмонов. Табиийки, устоз Пирмат Шермуҳаммедов ҳаммамиз учун ҳам мезбон, ҳам ўйлбошли. Сафаримиз, сайру саёҳатимиз бир-биридан мароқли кечмоқда эди.

* * *

Амударё устидаги “Жумуртов пантон кўприги”дан ўтиб, ўнгга қайрилдик. Гуар қалъя харобалари кўринди. Қалъя дарёдан юз қадам берида эди. Учбурчак шаклда, дарё ёқалаб шимолдан жанубга чўзилган қалъя атрофи қадимда икки қатор қалин деворлар билан ўралган. Асрлар бўрони тишлаб-кемириб баъзи жойларини ер баробар қилиб харобага айлантириб ташлаган эса-да, шу қолдиқларнинг ўзиёқ бу деворлар ўз замонида нақадар баланд, маҳбобатли ва мустаҳкам бўлганини айтиб тургандек эди. Деворлар сиртидан ҳар 20 қадамда буржлар билан мустаҳкамланган. Девор ва буржлар бўйлаб маҳсус отиш дарчалари кўзга ташланади. Девор тепасида кўрғон ясовуллари ва аскарлари юрадиган очиқ ер бўлиб, унга деворга ёпишириб ишланган зинапоялар ёрдамида чиқилган. Қалъя атрофини ўраган ва бутун бир истеҳкомлар комплексини ташкил қилган бу деворлар душманлардан сақланиш учун хизмат қилган...

– Дастрлабки текширишларда Гуарнинг қурилган вақти милодий 2 – 4 асрларга тўғри келади дейиларди. Аммо сўнгги текширишлар қалъя милоддан аввалги 4 – 3 асрларга тааллуқли эканини исботлади, – деб тушунтириш берди аллақачон нарасмий сафарбошига айланиб бўлган Пирмат ака Шермуҳамедов. – Ил-

гари беҳад катта эди. Деворларининг тупроғи жуда фойдали эканлиги туфайли ўғит ўрнида ташиб кетишиди. Ўтган асрнинг 50-йилларида бу ер қамоқхона ва ҳарбий шаҳарча эди. Баланд вишкаларда қуролли соқчилар турарди. Сиёсий маҳбуслар сақланарди. Археологлар ҳарбий гарнizon турган жойнинг бир чеккасида муқаддас олов ёниб турганини тасдиқловчи безакли ўзоқ, аскарлар ҳайкалчаларининг парчалари ва филнинг кичик ҳайкалчаларини топишган. Олимлар шунингдек, қалъя ичida дренаж-канализация ҳам бўлганини аниқлашди. Қаранг, антик даврда ҳам сув қувурларидан фойдаланишга эътибор берилган экан.

Қалъага чиқишимиз билан тасаввурга сифиши қийин бўлган инжа манзарага юзма-юз бўлдик: бир томон гўзал ва белоён чўл, бир томонда сокин, осойишта оқиб ётган Жайхун, бир томонда адоксиз Бодойтўқай чанглзорлари.

– Бу томонларда қайнар булоқлару зумрад сойлар, яшил арчазорлару кўм-кўк ўтлоқлар камчил. Кўриб турибсиз, чўл тараф пасту баланд барханлар, кўса соқолидек диккайган саксовул поялари, чўкиртаклар. Аммо, баҳорда шундай гўзал бўлиб кетадики, қипқизил қизғалдоқзорлар кўзни қамаштиради. Шамолга кўксини тутиб турган тепаликлар ям-яшил майсалар билан қопланади. Ўсимлик дунёси шу қадар бой, тиз-



зага урадиган ўт-ўланлари шу қадар ранг-барангки, соатлаб томоша қилсанг ҳам тўймайсан.

– Замонлар бўронида тоғлар емирилган, кентлар хоки туроб бўлиб кетган, – деди афсус билан Мұхаммад Али ака. – Бу пахса деворлар эса ҳамон тирик, ҳамон чидаб келяпти ҳаммасига.

– Гуар тўғрисида бир қизиқ афсона бор. Бу афсонани Россикова деган олима ёзиб олган. Унда айтиладики, Гуар исмли келишган йигит Шиш пайғамбарнинг аёлига ошиқ бўлиб қолади. Ва дарёнинг ўнг соҳилига, тоққа яқин жойда ажойиб кўрғон ва сарой қуради. Ер тагидан дарёнинг чап соҳилидаги севиклисининг саройига элтувчи йўл қазади. Шиш пайғамбар хиёнаткорлар алоқаси устидан чиқиб қолади ва ўз рақибига ташланади. Шунда аёл ўз эрига ёрдамлашиб ўрнига унинг оёғи остига тариқ сочади. Шиш пайғамбар оёғи тойиб тиз чўкади. Шу пайт пайғамбарнинг итифодади Гуарни оёғидан тишлиб йиқитади. Рақибини ўлдиргач, пайғамбар аёлига: “Хўжантга қандай хизмат қилишни итимдан ўрган”, дейди. Пайғамбар дунёни тарк этиш олдидан Гуарнинг олдида тиз чўккани учун ўғилларига ўлганимдан кейин оёқларимни кесиб, фақат танамни дафн қилинглар, деб васият қиласи ва унинг васияти бажарилади.

– Тайёр кино экан-ку! – деб юборди ривоятдан таъсирангган Алимбеков.– Нега кино қилмаймиз? Хўп, авваллари тилимиз курмовда, онгимиз тушовда эди. Шўроларга ёқмасди боболаримиз руҳий оламини улуғлаш. Энди-чи? – Алимбеков қизишиб кетди. – Нима тўсқинлик қиласи? Шароитми? Маблағми? Техниками? Ҳаммаси бор-ку! Президентимиз маънавиятни юксалтириш тўғрисида қанчалар куюнляти. Ҳеч нимани аямаяти. Миллион-миллион маблағ эвазига техникалар, асбоб-ускуналар олиб берилляти. Киночилар-чи? Телевизорда турк билан корейсникидан бўлак одам томоша қиласиган нарса бўлмаса.

– Савол бериш осон, – деди гўё уни юпатмоқ оҳангида Пирмат ака. – Сиз киночини, киночи сизу бизни айлагани билан масала ҳал бўлиб қолмайди. Белни икки-уч жойидан маҳкам боғлаб ҳаммамиз бараварига бир ёқадан бош чиқариб ишлашимиз керак. Хўш, мана Мұхаммад Али ака, тарихни билади, кўлидан ёзиш келади. Нима учун ёзмайди? Мисол учун соҳибқиран Амир Темур ҳақида бир неча серияли фильм ёзиб бериши мумкин-ку?

– Ҳозиргина ўзингиз айтдингиз, савол бериш осон, деб. Мен сизга айтмовдимми Соҳибқиран ҳазратлари ҳақида кўп қисмли киносенариј ёзиб, кинокомпанияга топширганимни? Улар “зўр” деб қабул қилишди-ю, нима учундир ушлаб-ушлаб икки йил ўтгач кўлимга қайтариб бериши.

– Консерватория биноси ёнбошида қурилаётган Медиамарказ битай деб туриби, – деб мuloқотга аралашдим бу соҳадан хиёл хабарим борлиги учун. – Марказ ишлай бошлаганидан кейин кино олиш учун жуда кенг имконият очилади. Киночилар йил давомида сира қийналмай съёмка қиласиган бўладилар. Юқорига поясма-поя чиқилади, учиб эмас.

– Қаранглар, – деди Пирмат ака чўл томонда ерга санчилган найза каби қаққайиб турган қатор симёғочларни кўрсатиб. – Буталар орасида бўзрайиб ётган ёлғизоёқ сўқмоқ, дарёнинг у соҳилида қуш

уяларига ўхшаб мўъжаз кўринган иморатлар, қирмиз рангга бўялган томлар, дараҳт учларидаги яккам-дуккем япроқларнинг ажиб жилваланиши... Қани энди бир оператор бўлсаю... Қаерда бор бундай манзара. Эшитишмча, ҳинд киносанъяткорлари мана шундай манзараларни суратга тушириш учун бошқа мамлакатларга бориб, миллионлаб маблағ сарфлар экан. Бизда эса дехқончилик, фақат қадрига етмаймиз, шекилли.

Охирилаб бораётган куннинг ҳозирги кўриниши ҳақиқатан ҳам бетакрор қиёфада эди. Ботаётган қонталаш офтоб дарё бетида аксланади. Енгил шамол, овулда кимдир тандирга ўт ёқаётган бўлса керак, ўша томондан турли гиёҳ ҳидлари аралаш куюк тезак исини ҳам олиб келмоқда.

Кўқисдан тик турганча офтоб ёнбошлиётган тепалик томонга кўзларини қисиб қараб турган Абдухолик Абдураззоқовнинг баланд овози жаранглаб кетди:

Бу юртда ҳар тепа – бир шаҳар ўрни...

Не-не боғлар қолган қумлар тагида,

Кукунларда ухлар не-не саройлар...

Асрлар зарбидан ҳали чўкмаган,

Белин буқмаган –

Миноралар бошлар ҳу олисларга

Кўнгил, жой бўшаттма ғариб ҳисларга.

Сўзларнинг жарангига, тўлқинига завқланиб қулоқ солиб турган Ўразбой суюниб кетди:

– Миртемир домланинг “Қорақалпоқ дафтари” туркумидай чиройли туркум жўқ! Бизни юрт тўғрисида ҳеч ким Миртемир домлачалик содда ва қайноқ шеърлар биттан эмас. Қаранг, манови гўзал сатрларга қаранг:

– Янгажон! – дедим.

– Қайнум-ов! – деди.

– Берроқ кел! – дедим.

– Айнума! – деди.

Давра қуеноқ эди, суҳбат шўх эди,

Кўнгилда зарра ҳам ғубор йўқ эди.

Ана табиийлик, ана ҳазил-хузул! Ана соддалик, ана даҳолик! Сел бўлиб кетасан, сел!

Энди мана бунисини эшитинг:

Бўйларида сухсур учар, ғоз учар,

Қирғовул, оққувлар этиб ноз учар,

Қишини қувиб кўклам учар, ёз учар,

Кўкка тўлар савт-садо, яли-яли.

Сира ақл бовар қилмайди-я! Қанча сербўёқлик, халқишлиқ, самимият, мазмундорлик, нафосат, нағислик, мусиқийлик!.. Оқин дегани, халқ оқини дегани шундай бўлса-да!

– Шунақа нарсани ёзиб қўйиб, бемалол оёқни узатиб кетворсанг арзиди! – деб қўйди орзумандлик билан Музаффар Аҳмад.

– Шунинг учун ҳам домланинг шеърлари алла-қачон кўшиққа айланиб, том маънода ҳалқ мулкига айланиб кетган. Миртемир домланинг шеърлари шундай сеҳрли бир қудратга эгаки, уни айтиб, ёзиб, гапириб бериш қийин.

– Тўғри, Миртемир домла адабиётимиздаги баланд чўкки, жуда баланд!.. Ўқийсан, ўқийсан... ўқиган сайн янанимадир кашф этгандек бўлаверасан. Аммо Абдулла Қодирийдир, Усмон Носирдир, Фағур Ғуломдир, Абдулла Қаҳҳор ёки Ойбек дом-



ладир, улар ҳақида озми-кўпми бир нималар қилинган адабиётшунослика. Миртемир домланинг ижоди эса очилмаган қўриқдай яйдоқ ётибди. Адабиётшуносларнинг катта қарзи бор бу улуғ зот руҳияти олдидা.

Алимбеков гапини тугатар-тугатмас дарё тарафдан:

– Ассалом, Аму! Ассалом, Жайхун! – деган ҳайкириқ келди. Ёппа қарадик: Қозоқбой Иўлдош! Жайхун бўйида бизга қараб қўлларини силкитяпти: – Бу ёққа тушинглар!

Қалъадан қачон дарёга тушиб кетганини сезмай қолибмиз. Завқим тошиб кетди қулочларини кериб туришига қараб. Кечки салқинда совқота бошлаган иликларимга олов оқиб киргандек бўлди ва унга кўшилиб ҳайкириб юборишдан ўзимни зўрга тийиб қолдим.

Қалъанинг энг баланд нуқтасидан қачонлардир болакай Пирматни ўз қучогида кунига ўн марталаб эркалатган меҳрибон дарё бўйига эндиқ. Тушаётганимизда устознинг энтиқиб-энтиқиб нафас олаётганини сездим.

Амударё қадрдон дўсти билан саломла-шаётгандек шўх тўлқинларини қирғоққа чалпиди. Пирмат ака:

– Салом, она дарё! – деб қўлларини кўксига кўйди, эгилиб дарёга салом берди. Кейин қаддини ростлаб, қўлларини кенг ёзиб, ўмганини кериб худди дарёни қучоқламоқчи бўлгандай меҳр ва ички бир нидо билан: – Дунёда Амудан чиройли дарё йўқ! – дея хитоб қилди. Устознинг бу сўзларида ҳеч қандай шиор ё чақириқ тарзидаги чучмал оҳанжамалик йўқ эди. Солиҳ фарзанднинг ота маконга беадоқ муҳаббати гуркираб турарди бу хитобда. Устоз чуқур нафас олдида, қамишлар, чечаклар ўсиб ётган нариги қирғоққа, тепаликларга, дарё ёқалаб кетган беадоқ тўқайга сукланиб қараб қолди.

Дарё ҳам мунгли-маъюс бўлиб қолгандек эди. Тўлқинлар ўша кунлар қиссасини шивирлаб айтиб бермоқчи бўлаётгандек майнин чайқаларди.

– Учта қўйимиз бўларди. Ўтлатиш учун ҳар куни қайиққа миндириб дарёнинг у ёғидан бу ёғига олиб ўтардик. Ўт қалин эди бу қирғоқда. Қўй боқиб юрганимизда қалъа деворлари атрофида Исо пайтамбарга ўхшаган соchlари узун бир чол юарди Гуар қолдиқларини ковлаб-қазиб. Қадимда бу заминда умргузаронлик қилган маҳаллий аҳоли – сак-массагетлар Амуни “Ўкуз” деганини биринчи марта ўша чолдан эшитган эдик. Она дарёмиз юнон адабиётида ОКС ғеркча ОКОС шаклида тилга олиниши, Маҳмуд Қошғарий луғатида “Ўкуз” термини дарё сўзини англатиши, “Авесто”да Ардви, яна бир манбада Амул ҳам дейилиши, Жайхун номи эса Тавротдаги “Гиҳон”нинг арабчалашган шакли бўлиб, дарё 17-асрчача ўғуз деб келингани, туркий тилларда ҳам ўғиз атамаси дарё маъносида қўлланганини кейин-кейин китобларни ўқиб билдик. Билғанларим дарёдан томчи, денгиздан заррадир. Бу заминда не-не сиру синоатлар яшрингани ёлғиз Яратганинг ўзига аён.

– Амул дегани ҳозирги Чоржўй. Амударё атамаси адабиётга анчакеч, IX-X-асрларда кирган. Академиклар Бартольд ва Яхё Гуломовнинг аниқлашича, Амул

шахри Мавороуннаҳр билан Хоразмни боғловчи йўллар чорраҳасида жойлашган бўлган.

Қуёш тоғлар ортига ботиб борар, рўпарадан эса-ётган шамол буталарни чайқатар, Пирмат ака ҳикоя қилаётгандан, куруқ қамиш поялари бир-бирига тегиб шитирлаган овозлар эшитиларди.

– Бу дунё Ўйриқларини англамоқ қийин, – деди бир дақиқалик жимлиқдан кейин Муҳаммад Али ака ўйчан оҳангда. – Юсуф Ҳос Ҳожибининг “Кутадгу билиг”ида бир манзара бор. Ўзғурмиш Ўгдулмушнинг саволига жавоб бера туриб дейди: “Қора ер қаърига бир назар солгин, унга не-не кишилар кирмаган. Аммо унинг ўпқони сира-сира тўлмайди.

Қора ер қаърини очиб кўриш мумкин бўлганда эди, у ерда не-не сара, асл кишилар азоб чекиб ётганларини кўрган бўлар эдинг.

Не-не беклар қора ер билан тенг бўлиб ётибдилар, не-не билағон, донишмандлар ер остида чириб ётибдилар.

Уларнинг бегини қулидан ажратса олмайман, камбағалларини бойларидан фарқлай олмайман.

Мана шундай сара кишилар ер билан яксон бўлганларида, ё сен, ё мен тирик қолармидик...” Фалсафага қаранг...

– Тарихни ковласанг қизиқ, – деди ҳалидан буён индамай эшитиб турган Қозоқбой ака. – Мана тил, ўзимизнинг туркий тилимизнинг бошидан кечиргандарни. Тилшунос олим Басқаков туркий тилларнинг шаклланишини уч даврга: хунлар, қадимги турк, ўрта турк даврларига бўлади. Эрамизнинг в асрингача бўлган биринчи даврда аввал жануб ва шимолда, кейин шарқ ва ғарбда йирик уруғ-қабилавий бирликлар пайдо бўлади. 6-9 асрларни ўз ичига олган қадимги турк даврида илгари шаклланган қабилалар ва уруғлар энди булғорлар, қипчоқлар, ўғузлар, қорлуқлар, қирғиз-қипчоқлар кабиларга бўлиниб кетади. Олим 9-15 асрларни қамровчи учинчи даврни икига: 4-12 асрларни қамровчи мўғулларга ва улардан кейинги 13-15 даврларни ўз ичига олган қораҳонийлар, хоразмийлар ва улардан кейинги Олтин Ўрда давлати, Салжуқийлар иттифоқининг ташкил топиши билан белгилайди. Басқаковнинг фикрича ўғузлардан: ўғуз-туркманлар, ўғуз-салжуқийлар, ўғуз-бўлғорлар, қипчоқлардан эса қипчоқ-бўлғорлар, қипчоқ-половецлар ва ҳоказолар вужудга келади. Аммо унинг тадқиқотида баҳсли ўринлар кўп.

Файзулла Салаев Қозоқбой аканинг мулоҳазаларини давом эттириди:

– Аммо битта ҳақиқат борки, ҳамма даврларда ҳам бу минтақада яшаган аждодларимизнинг обрў-эътибори жаҳон миқёсида салмоқли бўлган. Александр Македонский бостириб кирганди, Хоразм давлатининг чегараси Итил (Волга) ва Ёйик (Урол) бўйларидан тортиб Днепр ва Қора дениз қирғокларигача чўзилган эди. Бу ерларда қипчоқлар, можорлар, хазарлар, ўғузлар, печенеглар каби туркий қавмлар яшар эди. Киев Руси даврида ҳам Хоразм давлатининг кудрати баланд эди. Бу вақтларда ҳатто Киев Руси давлатининг князи Владимир Святославич ислом динини қабул қилиш ниятида ўзининг тўрт кишилик вакилини Хоразмга жўнатган. Рус элчиларини ҳурмат билан кутиб олган Хоразмшоҳ, жавоб тариқасида машҳур имомлардан



бирини Рус давлатига юборган, шундан сўнг айрим руслар ислом динини қабул қилган.

– Яна бир қизик факт, – деди Пирмат ака. – Бундан бир неча минг йиллар олдин Амударё Узбой орқали ўтиб Каспий денгизига қуйилган. Кейинчалик табиий кучларнинг қаршилигига учраб дарё ўз йўлини ғарб томонга бурган ва натижада Орол денгизи ҳосил бўлган. Серунум тоғ жинслари-минерал ўғитлар чўкиб-ўрнашиб қолганидан бўлса керак, туманимиз ерлари серҳосил. Лекин... – Пирмат ака бирдан хаёлга чўмди. – Лекин, бу ҳалқнинг чеккан азобларига... Майли, Искандару мўғул истилоларини кўя турайлик. Фақат рус империясининг ўзи уч маротаба ўюштирган босқини оқибатида озмунча бегуноҳ инсонлар қурбон бўлдими? 1717 йилда келиб чиқиши кавказлик бўлган генерал Бекович-Черкасский, 1839–40-йилларда Оренбург ҳокими Петровский, ундан кейин Фон Кауфман бошлигига амалга оширилган босқинларда шу даражада ваҳшийликлар қилганки, тарихчи Баённининг “Шажараи Хоразмшоҳ” асарида ёзилишича, Мангитни босиб олаётган рус қўшинлари аҳолининг эркагу аёли, ёшу қарисига қарамай бешикдаги боласигача аямай қириб ташлаган. Ўйларни ёндириб кулини кўкка совурган босқинчилар бозор куни бозорга сотиш учун келтирилган чорва молларини ҳам отиб ташлаган. Рус императори қонхўр хизматчиларини улкан увонлар, олтин қуроллар билан тақдирлаган.

Унтиб бўларканми бу фожеаларни. Мангитда “Минг ярим шаҳидлар” қабристони бор. Ўша даҳшатларда қурбон бўлган элдошларимиз тақдирини эслатиб турувчи унсиз хотира бу. Ҳокимият ҳозир у ерда боғ ва музей барпо қиляпти.

* * *

Расмий-норасмий учрашувлар адоклагач, навбат овга келди. Бу жараён ташаббускори Ўразбой Абдураҳмонов эди. У бир неча йиллардан бери ичимни қизитиб кепарди Қорақалпоқ тўқайзорларию чангальзорлари ҳақида гапиравериб. Гап шундаки, биз етти-саккиз йил битта ташкилотда – Ўзбекистон телерадиокомпаниясида ёнма-ён хизмат қилдик. У “Ўзбектелефильм”нинг Қорақалпоқ бўлнимини бошқарди. Қорақалпоғистоннинг табиий бойликлари, қадимий ёдгорликлари, бетакрор табиат оламини тасвирловчи қатор ҳужжатли фильмлар яратди. “Ахборот” теледастурида қўриқхоналардан тайёрлаган қизиқарли лавҳа ва репортажлари берилди. Фақат шу эмас, бу оғам билан жуда узоқ, салкам қирқ йиллик қадрдонлигимиз бор.

Олдинда бизнинг “Газик”, орқада “Нексия” – кетиб боряпмиз чўл оралаб. Мангит орқада қолди. Кегайли каналининг “Кийик кўприк” деган кўпригига яқинлашганда, Ўразбой:

– Манов ёққа бир қаранглар! – деди катта йўлнинг чап томонида катта карвон янглиғ тизилиб турган замонавий иморатлардан иборат кўркам кўргонни кўрсатиб. – Замонавий усуlda қурилган янги посёлка. Янги Ҳалқобод дейилади. Президентимизнинг 2009 йилда қабул қилган “Қишлоқ жойларда уй-жой қурилиши қўламини кенгайтиришига оид қўшимча чоратадбирлар тўғрисида”ги қароридан кейин қурилган. Шаҳардаги ўйлардан кам эмас. Ҳамма шароити бор. Бир вақтлар уй курсак, ҳовлининг ярмини бостирмаю

молхона эгалларди. Бу ўйларда буткул бошқача – айвон, даҳлиз, меҳмонхона, ётоқбўлма, бала-чақа хонаси, ванна, гараж – ҳаммаси муҳайё, жой-жойида.

– Шу ерда бир пас тўхтаб, янги посёлкани бир кўрайлик, – деди қизиқиши ортган Абдухолиқ ака. – Президентимизнинг сиз тилга олган қарори мамлакатда замонавий қишлоқ меъморчилигининг шаклланишига асос солди, қишлоқ ободлиги ва тараққиётига замин яратди. Лекин айрим вилоятларда маҳаллий шароит, ҳалқимизнинг табиати, майл-истаги ва азалий анъ-наларини ҳисобга олишда маълум камчиликларга ҳам йўл кўйилганини Президентимиз Андижон вилоятига боргандарида алоҳида таъкидладилар.

– Бизда ҳаммаси одамлар минг йиллардан буён орзу қилиб келганидай! – деди кўзлари ёниб Ўразбой оға. – Ҳар бир ҳудуд алоҳида алоҳида яратилган намунавий лойиҳалар бўйича қурилган. Мана, ҳозир ўзингиз кўрасиз.

Кўрдик.

Ҳавасимиз келди.

Қани энди, биз шундай бир иморат курсак, дедик бир-бirimizga. Илло, Янги Ҳалқободнинг кўчалари шаҳарнинг равон йўлларидан асло кам эмас, деворлари қизғимтири пишиқ ғиштли, ғоят шинам ва бежирим ўйлар, бу ўйлардаги қулай шароитлар, чиндан-да ҳавас қилса-қилгулик эди. Ётиш-туришдан ташқари 12 сотихли ҳовлида эчки-қўй, товуқ-жўжа боқиш, дарахтлардан мева-чева, томорқадан сабзи-пиёз етишириб, бемалол рўзгори дастурхонини обод қилиш мумкин. Шаҳарча тоза ичимлик суви, табиий газ билан таъминланган. Ўзининг боғчаси, мактаби, спорт майдони, супермаркети, маъррака-мавридлар ўтказувчи маросимлар уйи бор. Икки чақиримча нарироқда янги коллеж биноси битай-битай деб туриди.

– Янги уй-жойлар одамларнинг ҳаётини, орзу-ўйларини ўзгартириб юборяпти, – деб давом этди яна катта йўлга тушганимиздан кейин Ўразбой оға. – Ҳамма ишлайди, тинмай олдинга интилади. Сабаби, бу ўйлар кредитдан пайдо бўлган. Кредитлар имтиёзли – 15 йиллик. Қарздан қутулиш учун ҳам астойдил ишламасанг бўлмайди. Уй қуриш азобларини уй курган билади. Ёғоч топ, тахта топ, цемент қидир, ғишт опке, уста гаплаш, мардикор опке, ҳашарчи изла – жонингни ҳалқумингга келтириб юборади. Қорақалпоғистонда шунинг учун ҳам уй қуриш пашти тўхтаб қолган эди. Ҳозир-чи, меъморларга бориб, кўнглингта ёққан лойиҳани танлаб, буюртма берасан – тамом-вассалом. Ҳаммасини ўзи бажариб, қўлингга калитни туқазади. Мен битта газетанинг закази билан шу соҳада амалга оширилаётган ишларни ўрганиб чиқдим. Бурноғи илии мамлакатда 6800 та, бултур 7400 та мана шундай уй-жойлар қурилган бўлиб, шуларнинг 500 га якини “Қишлоққурилишвест” инжениренг компанияси Қорақалпоғистон филиали буюртмасига асосан Қорақалпоғистонда барпо қилинган. Элликқалъядаги “Қилчиноқ”, Кегайлидаги “Қизил уй”, Хўжайлидаги “Ойбек”, Чимбойдаги “Тазқора”, Нукусдаги “Узунқўл”, Қўнғиротдаги “Гулистан” кўргонларида саф-саф турналар каби тизилишиб турган мана шундай биноларни кўрганда одамнинг севинчи ичига сигмай кетади.

Ўразбой оғанинг ҳикояси тўқайзоргача давом этди. У яна барча турдаги қурилиш материаллари ҳам асосан



Қорақалпоғистоннинг ўзида ишлаб чиқарилаётганини, илгарилари атиги түртта ғишт заводи бўлган ўлкада ҳозир ўнлаб шундай заводлар кечаю кундуз тинимсиз ишлаб турганини ҳам айтиб берди. Йўлнинг икки бетини қоплаб бораётган чангальзор қалинлашиб-куюқлашаверди.

– Ҳозир буриламиз, – деди машинани ҳайдаб бораётган Ўразбойнинг божаси – Абдуқодир Карамиддинов дараҳтлар орасидан оқариб кўринган тор кўчага бурилиш учун уловни йўл ўртасига олар экан. – Бу ёғи ўйдим-чукур.

Англадикки, энди эҳтиётроқ бўлиш керак. Асфалът йўлдан чапга бурилиб чангальзорга кирдик. Тупроқ кўча тўқайзор-ўрмон ичидаги тевараги четан девор билан ўралган ҳаят-ховлига олиб борди. Исми Манабай экан, ёши 25 ларга кирган совуқда ҳам енгил кийинган йигит бизга пешвуз чиқиб қўлимизга сув қуя бошлади.

– У Абдуқаҳҳор акага айрича кўтаринкилик билан: – Балиқшўрваем, балиқжаркопам тахт. Қайсидан бошлайлик, оға? – деди.

– Ўрдакшўрва-чи? Тайёрми уям? – деб кулди Карамиддинов ака. Кейин бизга бурилиб: – Қорақалпоқ дегани тўғри таёқ – айёрликни билмайди, – деб яна йигитга юзланди: – Аввал уйга кирайлик, овмин-повмин қилайлик.

Жанабай шарақлаб кулди:

– Бўладиган ишни жантакқа судраш нима керак, оға?

Пешонаси ярим айланана айвончада пойабзалларни қолдириб, нимёруғ йўлак билан тўрдаги кўндаланг уйга ўтдик. Кент ва ёруғ эди бу хона. Ўртада тузалган узун хонтахта. Хонтахта гирдига янги кўрпачалар тўшалган.

Ҳар ким сийини билиб-билиб ўтиреди.

Ҳасса таянган эса-да, ҳаракатлари тетик қорақалпоқафт бир чол кирди. Кўринишига қараб етмишларга киргандир десак, саксондан ошганига беш йил бўлган экан. Эсенгелди бобо дуони ҳам баъзи чолларга ўхшаб эзиз ўтиради:

– Олганларинг олтин бўлсин. Юртимиз ободлигини, тинчлигимизни сақлаб турган давлатбошимизнинг умри узоқ бўлсин. Кўз тегмасин мамлакатимизга. Омин, облоҳу акбар!

Қорақалпоқ одати бўйича хонадон бекаси чой опкирди.

– Келиним, – деди чол. – Оти Зебогул. Қизим, улуғ меҳмонлар билан сўраш.

Зебогул келинчаклар каби эгилиб сўзсиз саломлашди. “Хуш кўрдик, оға”, деб Абдуқодир акага алоҳида илтифот қилди. Ўй эгаларининг муомаласидан сездикки, Абдуқодир аканинг обрўйи баланд эди бу ёқларда. Ахир, у кимсан – “Нукус балиқ” очик акциядорлик жамияти раисининг ўринбосари-да.

Бир-икки пиёла чойдан кейин, Эсенгелди бобо “Сизлар ёзилишиб бемалол ўтиринглар”, дея узр сўраб чиқиб кетди. Карамиддинов Жанабойни чақириб бундай деди:

– Мана энди шўрванг борми, қовурмангми – опкелавер. Фақат тез бўл. Қоронгу тушиб қолмасидан кўлга чиқиб... а? Милтиқлар мойланганми? Маладес. Чечамга айт, дажкам-дажкам қимиirlасин.

Гап ош-овқатда эмас-у, лекин дастурхон ҳурмати,

меҳмондорчилик ҳурмати – айтишим шарт: умримда емагандим бундай мазали балиқшўрвани – ичган сари ичинг келади.

Балиқшўрлиқдан кейин, уст-бошимизни алмаштириб, овга жўнадик

Олти кишиими, саккиз кишиими, ишқилиб, Пирмат ака билан Муҳаммад Али акадан (улар иккови шу ерда қолишиди. Муҳаммад Али ака яқинда кўзини даволаттан, эҳтиёт қилди. Пирмат ака у кишини ёлғиз қолдириб кетгиси келмади) бўлак ҳаммамиз, ва яна иккита мезбон бола билан машинага жойлашдик. Машина четан девор ёқалаб бироз юргач, чапга – қуюқ бутазор ичига шўнгигб кетган илонизи кўчага бурилди. Олдимизда трамвай ўйлидай ёнма-ён кетган иккита из кўриниб турарди. Изларда ҳалқобланиб қолган лойқа сув пасайиб-гингилилаб бораётган “Газик” фидираги остида буталарга сачрайди. Машина музда кетаётгандек гоҳ олди, гоҳ кети тойғониб кетади, аммо ариқчадан четга чиқолмай, яна билтанглаб-билтанглаб кетаверади. Изларнинг орасида қуриб қолган ўт-ўлан чўкиртаклари диккайи кўринади, кўчанинг икки ёни уват – у ёғи бутазор.

Кўп юрмай чангальзор қалинлашди. Олдинда қорайиб турган дараҳтлар орасида умрингда кўрмаган қанақадир мубҳам бир нималар бордай туюлади. Ихтиёрингни ўғирлаб қўйган ўша “бир нималар” сари зўр ҳафсала билан интилаверасан, ниҳоят сеҳрли бўлиб кўринган бояги жойга етиб борасан, қарасанг – ўзинг билган дараҳтлару буталар, бошқа ҳеч гап йўқ. Надоматли бош чайқаб қўясан. Аммо шу заҳоти олдинда янам мавҳумрок нарсалар бордек бўладио, тағин шиддат билан йўлингда давом этасан. Бизнинг истқболимизда ҳам қандайдир ўзгача бир нарса кўрингандек бўлаверди. Олисда, қалин чангальзор орасида алланарса ялтираб кўринди. Буталар ортидаги бепоён кўл экан бу. Шу экан Довудқўл деганлари.

Бу ердаги манзара ҳайратли эди: ботаётган куёш нурлари кўл бетига қип-қизил гиламдай тўшалган – чўғдек товланади, кечки шамолда қамишлар сирли-сирли шитирлайди, сув чайқалиб келиб соҳилга урилади. Бир муддат кўлдан кўз узолмай қотиб турдик. Турган жойимиз машина олдинга-орқага юриб амалтақал билан бурилиши мумкин бўлган кичик сайҳонлик эди. Оёқ ости лой, шоҳ-шабба ва қуриган ўт-ўланлар устидан эҳтиёт бўлиб юрмасанг оёғинг лойга кириб кетиши мумкин. Жанабой машинадан тушган заҳоти милтиқни елкасига ташлади-ю, одам бўйи қамишлар орасига кириб кетди. Карамиддинов қуриган қамишларни ёнламасига тепиб-босиб жой тайёрлашга киришиди. Ўразбой машина юхонасидан ул-бул олиб “Газик”нинг тумшуғига қўйди:

– Бу жай савуқ, ақсақаллар, баданни қиздириб олмасанғиз шамаллаб қолув мумкин.

Тўғри эди унинг гаплари. Биз – шаҳарлик сояқилар, кўлдан келаётган муздай шамолнинг совуқ заҳрини аллақачон сезиб бўлган эдик. “Баданди қиздириб” олаётганимизда, Жанабой кириб кетган қамишзор ичидан кетма-кет ўқ товуши эшитилди.

– Иккитаси тегди, биттаси... йўқ, – деди ўша тарафга қулогини динг қилиб турган Карамиддинов.

– Қаёқдан билдингиз?

– Тегса “пик” этади, тегмагани варанглаб кетади.



Абдухолик Абдураззақов:

- Биз фақат варанглатар эканмиз-да, – деб машинага суюб қўйилган милтиқиңи қўлига олди.
- Овчи ака, милтиқ стволини одатда бирорга қаратмайдилар, тепага кўтарволинг! – деб яйрабгина кулди Ўразбой.
- Э, дарвоқе, – деб Абдухолик ака милтиғининг учини осмонга ўнглаб, қўфа-қамиш орасида ғойиб бўлди.

Қозоқбой Йўлдош бўлса эски овчи сингари бешотарни обдон текшириб бўлганидан кейин шошилмай, Жанабай кетган томон йўналди. Мен кўлга қараб юрдим. Шоҳ-шаббаларни аста-аста босиб сувга кирдим. Елкамдаги милтиқ совуқ ва оғиргина эди. Эҳтиётлик билан қўнжи бир қулоч резин этикни судраб, тойиб-тойғониб тобора ичкарилаб боряпман. Тиккайиб турган қамишпояларнинг бўйи пасайиб, кўл сатҳи кенгайиб бормоқда. Сув тиззамни кўмди.

Узоқдан яна ўқ товуши келди. Кудалар отди-ёв. Нимадир ўлди. Юрагим шувиллаб кетди. Милтиқни авайлаб туширдим. Елкамга осдим. Ва негадир суюниб кетдим. Резин этикни судраганча тез юришга ҳаракат қилиб, қирғоқча чиқдим.

Соҳилдагилар кула-кула қарши олишди:

- Ўҳ-ҳў! Какликлар камарга сифмай кетибди-ку!
- Э-э! Гозларни қаёқдан топдингиз?
- Айтсам, ишонмайсиз, – дедим Адҳамбек Алимбековга қуролни узатиб.– Мен умримда милтиқ отган эмасман.

– Қойилман! – ошкора ҳайқириб юборди у. – Қўроши, овчиларнинг қўрошисиман демайсизми, тақсир! – Кейин машинанинг капотига қўли билан тарсиллатиб бир урди-да: – Олинг мановини, – деб ниёлани қўлимга тутқазди.

Қамишзорни шитирлатиб, қудалар ва Жанабай билан ўзимизнинг овчилар чиқиб келишиди. Кудаларнинг қўли белида, аммо Жанабайнинг камарида бештacha қирғовул осилиб турарди.

– Отган биз бўламиз, Жанабай кўтариб келяпти! – деб ваҳ-ваҳлаб кулди Қозоқбой ака. – Тўғрими, Жанабай иним?

– Эҳ-хе улар отган күшларнинг қанчаси чакалакзорда қопкетди, тополмай қолдик қоронгида, – деб кулгига қўшилди мезбон. – Овчилик ҳавосини олган, пихини ёрган экан Қозоқбой ағамиз.

Тик турганча “пихини ёрган” овчиларни шарафладик, Кейин Карамиддинов тўшаган дастурхон теварагида давра қурдик. Боягина осмонда эмин-эркин учуб юрган баҳтсиз қирғовуллар бир четда – хашашаклар устида ўюлиб ётарди. Ичим ачишиб кетди:

– Ҳар келган тўда шунчадан отиб ўлдираверса дунёда қуш зоти қолмасак керак. Шундайми?

– Йўқ, гап фақат отища эмас, – деди Карамиддинов. – Хитойда 1,5 миллиард одам бор. Агар улар биттадан қуш отганда ҳам Хитойда парранда қирилиб кетарди. Қушларни кўпайтиришни ҳам эсдан чиқармаслик керак, ҳамма гап ана шунда..

– Нега олов ёқмай ўтирибмиз? Шундай жой, оқшом, сувуқ...

– Манов башлиқ не қилмаятири, – Карамиддиновга ишора қилди Ўразбой оға. – Алов тўқайға ўтса, ўрман жанип кетади, дийдими-е...

– Гулханни эртага, балиқ овида ёқамиз, – деди Карамиддинов юрт эгасига хос салобат билан. – Кечки олов апасний, буталар ҳали қуруқ, тангадай чўғ палакатга айланиб кетиши мумкин. Тўқайда қамиш кўп, юлғун, саксовул кўп, қари толлар кўп. Салга пов этиб кетади.

Карамиддинов энди бизларни чалғитмоқчи бўлиб гап абдавини бу ерларнинг табиатига бурди.

– Қорақалпоғистонда ўрмон-тўқай фонди 1129 минг гектардан зият. Амударё дельтасида етти юз хилга яқин гулли ўсимликлар ўсади. Шуларнинг 364 тури дориворлик хусусиятига эга. Умуртқали ҳайвонларнинг 3500 дан ортиқ тури бор. Чўлда – илон, калтакесак, қумсичқон, қўшоёқ, жайрон, бўри, бургут, тувалоқ; тўқайда – қирғовул, ўрдак, ғоз, лойхўрак, чиябўри, тўқай мушуги, қуён, қабон; кўлда – пилмай, сазан, таран, лақа...

Ўразбой шу ерда божасининг гапини бўлиб, мавзу жиловини қўлига олди:

– Энг катта қўриқхона “Судочье”. 1991 йилнинг декабр ойида Президентимизнинг ташаббуси билан “Судочье” давлат орнитология буюртма қўриқхонаси ташкил этилди. “Бодайтўқай” билан “Сайғок” қўриқхоналариям бепоён. Булардан ташқари, 2000 йилдан буён Оролденгизининг қурилган ўзанида ўрмон барпо этишга оид Ўзбекистон – Германия қўшма лойиҳасини амалга ошириш ишлари давом этмоқда. Ҳар тойча ўзи сув ичган булоқни мақтайди, деган хаёлга борманглар-у, аммо инсон учун тугилган еридан мукаррам манзил бўлмайди. Ҳар қўкатнинг ўзи суйган тупроғи бўлади.

Қорақалпоғистон дегани – бир ёни Қизилқумга, бир ёни Қорақумга уланиб кетган беҳудуд чўлу саҳролар орасидаги бир макон аслида. Аммо шу саҳрою чўллар бир кун келиб юртимизни Қувайт, Дубай деган давлатлар каби дунёдаги энг бадавлат давлатларга айлантириб юбориши мумкин.

Ҳалидан бери божасининг гапи тугашини кутиб турган Карамиддинов аллақандай шишиниб, аллақандай бошқача бўлиб, мавзуни илиб кетди:

– Маладес! Дунёдаги энг катта саҳро Саҳро Кабирдир. Унинг майдони 700 минг квадрат километр. Ундан кейин Марказий Осиёда Гоби, Жунғория, Арабистон ярим оролида Руб ул-Холий, Қизилқум билан Қорақум ана шу саҳролардан кейинги ўринларни эгаллайди. Қорақум 350 минг, Қизилқум 300 минг квадрат километрдан иборат.

Божаси сўзлаётганда чекиб турган Ўразбой яна ундан жиловни тортиб олди:

– Шўролар тузуми ўтган асрда Қорақалпоқ ҳалқини зўрлик билан Оролидан айрди. 5 миллион гектар майдонни ташкил этувчи Оролқум саҳроси пайдо бўлди. Қорақум Устюрт ва Оролқум орқали Қизилқум билан туташиб кетди. Уч саҳро ва бир текисликдан иборат бўлган янги саҳро ер юзининг қанча қисмига эгалик қилаётганини ҳали ҳеч ким ҳисоблаб кўрган эмас. Бу фожеа оқибатида фақат ўсимликлар дунёсининг 220 дан ортиқ тури нобуд бўлди, ҳайвонот олами бошига қирон келди. 1920 йилда Устюртда 1 миллиондан зиёд бўлган сайғоқлар сони 40 баробар камайиб кетди. Ҳали кўп кулфатлар келтириши мумкин инсоният бошига бу даҳшатли фожеа.– Ўразбой оға алланглаб сигарет излади, тўнкарилган пиёлада тутаб



турган қолдиқни олиб, лабига текизган эди, бармоғи күйди, уни оловга отиб, кутини титкилади, кути бүш эди, униям оловга ташлади. Салаев сигарет тутди. Үразбой оға ёнаётган чўпни оловдан сугуриб олиб, тутатди, кўқрагини тўлдириб тутун ютди.– Зўравонлар элимизни Оролиданайирса ҳам, Оллоҳхалқимизнинг насибасини бошқа томондан бераётir, – деб бор аламини чиқариб ташлаётгандек ичдаги тутунни қаттиқ пуллади. – 1995 йилда Ургин газ кони фойдаланишга топширилди. 2005 йилда “Шарқий Бердақ” газ кони очилди. Устюрт билан Орол атрофидаги б та кондан саноатбоп газ олиш йўлга қўйилди. “Қўнғирот” компрессор станциясида ҳар куни 35 миллион кубометр газни қуриладиган қурилма битказилди. Шу йилнинг ўзида Мўйноқ атрофида “Порлитаў” ва “Соҳил” газ конлари очилди. Қораўзак билан Тахтакўпирда Жанубий Корея ва Эрон мамлакатлари компаниялари томонидан газ конларини тадқиқ қилиш ишлари бошланди. Президентимиз Ислом Абдуғаниевич Каримов Жанубий Кореяга борганларида Сургилкон базасида газ-кимё комплексини қуриш ва конни ўзластириш лойиҳасини амалга ошириш бўйича З миллиард 100 миллион АҚШ валютаси ҳажмидағи инвестиция шартномасини имзолади. Россиянинг “Газпром”, “Лукоил” компаниялари эса Устюрт текисликларида янги газ конларини қидириб топмоқда. Эҳ-хе, яна қайсими айтай, айтиб тамомлаб бўладими! Давайти, шундай улуғ ишлар учун бир кўтарайлик!

Одамнинг кимлигини билмоқчи бўлсанг, сафарда сина, деган гап чин. Ҳалироқ жа-а мақтанувдим: Үразбой Абдураҳмонов билан фалон йилдан бери дўстмиз, фалонмиз, писмадонмиз, деб. Умуман, олганда, нима деган бўлсам, бариси рост. Лекин унинг руҳониятини билмаслигим ҳам чин ҳақиқат эканки, сафар давомида буни янаем теранроқ сезяпман. У нафақат иқтидорли адиб, мамлакатда содир бўлаётган ҳар битта ўзгаришни чукур ҳис этадиган, таҳлил қиласидиган, ғалабалардан завқу шавққа тўладиган улкан қалб соҳиби экан. Зеҳн солсанг, Үразбой оға тилга олган фактлар бор гаплар – бўлиб турган ишлар, ҳамма билиши, ғурурланиши лозим бўлган воқеалар. Лекин бу оғамдек юракдан ҳис қиласидими ҳамма, шодникларини ичига сифдиролмай тошадими, кўпирадими? Сифмайлар кетадими замину фалакка? Замон қанчалик тинч, осойишта, тўқ ва фаровон бўлмасин, барibir нолиб юрувчи одамлар бор-ку! Халқимиз ундейларни: “Ношукурда шукур бўлмас, нонкўрда узр” дейди.

Кўчоқлаб, маҳкам бағримга босгиларим келиб кетди ватансевар оғамни, ва янаем жўштиргим келиб:

– Қўнғирот сода заводи, “Тошкент – Бейнов” автомагистрали-чи! – дедим унинг кайфиятига мослаб.

Шашти янада кўпид, чехраси ёришиб кетди:

– Айтдим-ку, айтиб тамамламайсан, деб! – деди кўлларини ҳавода силкитиб. – Марказий Осиёда яккаю ягона завод бу! Каустик, кальцийлаштирилган сода, озиқ-овқат содаси ишлаб чиқариш билан бирга кўп соҳага зарур хомашёлар ҳам тайёрланади бу корхонада. Бу хомашёлар шиша ва шиша идишлар, ювиш ва тозалаш воситалари, қофоз-картон ишлаб чиқариш, рангли металлургия ва енгил саноатда кенг кўлланади.

Яна битта зўр гап бор. Табиий усулда олинган соданинг баҳоси жаҳон бозорида ҳаддан ташқари баланд. Мана шундай табиий хом ашё заҳирасига эга давлатлар дунёда саноқли. Уларнинг орасида авваллари Канада, Мексика, АҚШ, Бразилия, Боливия, Венесуэла, Боствана, Кения, Чад, Эфиопия, Нигерия, Танзания, Уганда, ЖАР, Хитой, Ҳиндистон, Покистон сингари давлатлар бўлган бўлса, эндилиқда бу сафга Ўзбекистон ҳам қўшилди.

Ўзга юртнинг гулидан ўз юртингнинг чўли яхши. Туққан ерда туғинг тик. Менинг туғим шу чўлда тик – ҳилпираиди. Менинг чўлим, менинг жоним! Чўлларингдан, тўқайларингдан айланаман, юртим!

На кеккайиш, на гердайиш, на такаббурликни билмайдиган оғамнинг бўйлари чинор бўлиб кетгандек эди. Бу ғурур оғушида олам-олам сурурни кўрдим.

– Азим Суюн бўл-э! – деди унга қараб завқи тошган Қозоқбай ака.

– Вей, у жўрам-ку! Қарақалпоқнинг күёви. Аяли Тўрткўлдан, – деб дарров Азим Суюнни мақтай кетди. Қорақуму Қизилқум тугул Султон Увайс тогларида ҳам Азим Суюннинг қадами тегмаган жой йўқ эмиш. Балиқ бўлиб сузган эмиш Амударёда. Бадайтўқайда ёввойи ҳиндулар сингари чайлаларда яшаган эмиш ҳафталааб. Кечалари гулхан ёқиб то тонгга қадар “Яққу” айтиб чиқкан эмиш...

Унинг сўзларига диққат билан қулоқ солиб турган Қозоқбай ака, шу ерда жойидан иргиб турди-ю:

– Бўталарим! – деди бир ҳукмдор алпозда. – Бизни Азим Суюндан кам жойимиз борми? Олов ёқиши унга мумкин экан-у, бизга йўқми! Ёқамиз, гулхан ёқамиз. Эрталабгача уйқу йўқ. Қўшиқ айтамиз, шеър айтамиз. Ҳой, Абдуқодир, сен кўпам чимирилаверма, ўрмонингга мен кафил, битта бутанг ёнгудек бўлса, ялонгоч кўқрагим билан босиб ўзим ўчираман. Қани, ҳамма ўтинга!

Ўрмонда ўтин қаҳатми?

Зумда гулхан гуриллади.

– “Яққу” фақат Азим Суюнларники эмас, биз ҳам қадим-қадимдан айтиб келамиз, – деб Қозоқбай Йўлдош бошлади:

Ўчоқда ўт беомон,
Қандай замон бу замон.
Мансаб, пулинг бўлса бас,
Қибла эрур тўрт томон.
Яққу-яққу, яққу-яққу-яқ!
Яққу-яққу, яққу-яққу-яқ!

Абдухолик ака давом этди:

Этиқ ечма – отим йўқ деб,
Томдан кечма – шотим йўқ деб,
Омон бўлса ҳалқинг агар
Ийгламагин зотим йўқ деб.
Яққу-яққу, яққу-яққу-яқ!

Мен ургутча “Бешқарсак”дан олдим:

Нозикдир қор оқ билагинг,
Оғир нарса ушлама!
Ёлғиз сени мен суйған сўнг
Сен ўзингни хушлама.
Ва-ху, ва-ха-ха!



Оловни айланиб ўйинга тушдик. Узун-калта кўланкалар чангальзор устида лопиллаб турди.

Айтимларимиз ўрмонлардан ошди, чўллардан ошди, осмонга тулаши, олис қорақум барханлари ортида ухлаб ётган туркман қардошларимизни уйғотиб юборди... Оёқ тагидаги қамишпоялар, буталарнинг чўкиртаклари тупроққа ботди, зах ер билчиллаб кетди. Аммо, мазанинг энг зўри Жанабойнинг эркаси Жанатойда кетди – қўёнчадай сакраб-сапчиб тоза бити тўкилди. Аммо, бир ёғи олтмишдан ошган, бир ёғи унга етая деб турган одамларнинг диконглаши қаёққа ҳам борарди: ҳарсилладик-ҳалпилладик – бирин-сирин тинчидик.

– Зардустий боболаримиз руҳи шод бўлди. Улар уч минг йиллар бурун худди шундай қилишган – олов теварагида давра қуриб, ўйин тушган, – деди нафас ростлаб, Файзулла Салаев. Айтмоқчи, бу одамни таништирмабман-ку! У Қорақалпогистонда катта нуғузга эга адабиётшунос олим, Қорақалпогистон Давлат Университетининг профессори, адабиётшуносликка доир бир нечта китоблари, шевага доир луғатлари бор. Камгап бўлгани, оғир карвон кўрингани учунми, негадир таништирмабман шу пайтгача. Салаев ичимдан топ қабилидаги писмиқ йигитлардан эмас, кўнгли очиқ экан. Олов атрофида оловга айланиб кетди: бир ўйнади, бир кўшиқлар айтди, ўланлар, термалар айтди. – Қадимда жамоат бўлиб яшаган боболаримизнинг доимо олов ёниб турувчи муқаддас хоналари бўлган, – деб тик турганча тушунтиришлар берди. – “Оловхона” дейилган бу жойлар, “Эркаклар уйи” деб ҳам юритилган. Эркаклар оловхоналарда дам олган, ҳалфанаалар қилган, йиғинлар ўтказган, узоқдан келган сайдёхлар шу ерда тунаб қолишган.

– “Авесто”да, Абу Райхон Берунийда бор сиз айтганлар, – деб унинг фикрини қувватлади Адҳамбек Алимбеков. – Зардустийлар Ер ва олов худоси ҳисобланган Митрага сифинган.

Алимбеков шу тарзда фикрини якунлагач, Салаев яна шошилмай ҳикоя қила бошлади:

– “Авесто” битиклари аждодларимиз ҳаёти, урфодатлари, диний эътиқоди ва ақидалари билан бир қаторда тарих, фалсафа, география, манбашунослик, этнография, тиббиёт соҳаларини ўрганишда муҳим маънавий-маърифий қимматга эга. Бу муқаддас китоб жуда аччиқ азобларни бошидан кечирган. Манбаларга кўра, китобнинг учта нусхаси бўлган. Александр Македонский шуларнинг икитасини оловда ёқиб йўқ қилган. Ўн икки минг буқа терисига олтин суви берилган сиёҳ билан ёзилган биринчи нусхани Эронни босиб олганида зардустийлар ибодатхонасига қўшиб ёқиб юборган. Милоддан аввалги 329 йилда Ўқуздан кечиб ўтиб, Хоразм ерларини истило қилаётганда, китобнинг иккинчи нусхасини ҳам минг-минг оломон кўзи олдида оловга ташлаган. Бир афсонада айтилишича, бу мудҳиш воқеанинг тафсилоти бундай: Ортиқча қон тўкилишини истамаган Хоразмшоҳ Македонский билан битим тузмоқ ниятида унинг ҳузурига боради. Искандар уни катта тайёргарлик билан кутиб олади.

Улкан майдонга минглаб одамларни ва лашкарини тўплаб, катта гулхан ёқади. «Эй, Бақтриёна ҳалқи! – дейди Искандар ҳалойиққа қараб. – Мен сизни тўғри йўлга бошлаш учун дунёга келганман. Сиз эса тўғри йўл фақат “Авесто”да дейсиз. Ахир, ким кўрибди юртнинг ҳукмдори бошқа динга, фуқаролари эса бошқа динга эътиқод қўйганини. Ҳозир сиз муқаддас деб ҳисоблаган китобни оловга ташлаймиз, агар ёнмаса, мен ҳам сизнинг динингизни қабул қиласман, ёнса, сиз менга бўйсунасиз!»

Муқаддас китобнинг иккинчи нусхаси шу тариқа ёқиб юборилади. Энди китобнинг сўнгги – учинчи нусхаси қолган эди. Китоб Зардўшт туғилган ва Ахура Маздадан илк марта ваҳий қабул қилиб олган жой Ходаркатда сақланаётган бўллади. Ходаркат дегани ҳозирги Тўрткўл шаҳридан 19-20 километрлар шимоли-шарқда, кум барханлари орасида қолиб кетган “Қўй қирилган қалъа” харобаларига тўғри келади. Искандар Хоразмшоҳдан шу охирги нусхани талаб қиласми.

Хоразмшоҳ нима қиларини билолмай боши қотади. Мудҳиш хабарни хуфёна йўл билан оташпастларнинг фидойи кишиларига етказади.

Фидойи оташпастлар китобни олиб кетаётган карвонга ҳужум қилиб, 21 жилдли китобнинг 14 тасини қўлга тушириб Эрон тоғ йўллари орқали Ҳиндистонга ўтиб кетишига муваффақ бўладилар. Искандар исёнчилар изидан Ҳиндистонгача боради. Аммо, лашкариям, ўзиям безгакка чалинади ва кўп яшамай вафот этади. Бу хабардан шодланган зардустийлар “Ахура Мазда ғазабини келтирган ҳар қандай нокаснинг жазоси мана шундай бўлади” дея Искандарнинг ўлимини бир ой тантана билан нишонлади. “Авесто”нинг учинчи нусхаси ана шу тариқа омон қолади. Китоб кейинчалик Франция орқали Европага ўтиб, бутун дунёга тарқалиб кетади. 1771 йилда Парижда Анкетил Дюперрон деган олим китобни инглиз тилига таржима қилганидан кейин буюк Зардуст таълимотига, “Авесто”га қизиқиш Оврупода айниқса кучайиб кетади.

Қозоқбой ака Гёте ва зардустлар ҳақида гап бошлади:

– Гёте айтадики, Зардуст шахсининг кашф этилиши европаликларда Шарқ донишмандлигининг қиёфасини янада жозибалироқ, янада кудратлироқ, янада ҳайратомуз қиёфада тасаввур этишига олиб келди. Гёте ижодида, хусусан, “Фарбу Шарқ девони”, “Фауст” драмаси ва кўплаб бошқа асарларида ҳам Зардуст руҳи, Зардуст таълимотининг кучли тасири яқол сизилиб туради.

– Зардуст таъсири Гегелда ҳам, Ницшеда ҳам бор, – деди Абдухолиқ ака. – Фридрих Ницше “Зардуст ўйтлари” деган китоб ёзган.

Аждодларимиздан қолган улуғ мерос, бебаҳо бойлик – муқаддас “Авесто” китоби шу тариқа ўз-ўзидан гулхан теварагидаги тунги гурунгнинг асосий мавзууга айланиб кетди.

Оловни ўчириб, нам кул исини қолдириб, қўноқжойга қайтдик.



оидиннисо

Сипқор түйгүниниңа, мен бир нафасман



* * *


*Бу кечмии
кечмоқда менинг ичимда.
Бир ўзим бебахтман,
бир мен баҳтиёр.
Мени түшүн десам,
Асло түшүнма.
Кел десам, келма, ёр.*

*Туман – ҳарир ридом,
болишим – суҳо.
Шафақ изларингга
күзларим хумор.
Майлига бил буни,
майлига билма,
Сен фақат, келма, ёр.*

*Бир гулу... бир қўркув...
титроқларини
кўтаролмас дилим,
кўтарган бир бор.
Йўқотмаслик учун
топмайин сени,
Кел десам, келма, ёр.*

* * *

*Келди эртак! Келди эртак!
Сибизганни чал шаббода,
Ногорангни ҳам чал тақ-тақ,
Кўқдан ёғилмоқда бода:
Чак-чак-чак.*




*Бу борлиқ маст.
Йўқлик ҳам маст.*

*Гандираклаб юрап йўллар,
Бир-бирига борар улар.
Чирмовуқдай чирмашмоқда
Чип ёпишиб бирлашмоқда
Ўнгу сўллар,
Йўллар, излар...*

*Қандай айриламиз бизлар?
Қандай айриламиз бизлар?!*

* * *

*Мени қўйла, олам,
мен бир қўшиқман –
Ҳар сатридан
юз юрак унган.
Чалгин мени,
мен бир мусиқа –
Томирларга
жон бўлиб инган.*



*Яша мени, олам,
яша, ҳаётман –
жувонмарлар
кўзида қотган.
Сипқор түйгүнингча
мен бир нафасман –
ошиқларнинг
жонини ёқсан.*



Олам, ҳайқир мени,
мен ҳайқириқман –
Ҳақпаратлар
кўзида балқан.
Йиела мени,
шаффоф кўзёшиман –
Магрурларнинг
бўғзига оқкан.

Манглаиларга битилган
сирли
тақдирдирман,
кўн менга, олам.
Мени тингла,
мен бир одамман,
Ҳалиям дунёга келмаган
Одам...

СОЯ


Биз яшаган умр
сенинг умрингdir,
Ҳали яшалмаган
умр меники.
Биз юз бурган йўллар
сенинг йўлингdir,
Излаб топилмаган
йўлдир меники.

Сеники пушаймон
ҳамда тантана.
Шунингдек, табассум ва
йиги саси.
Сенинг гуссанг эрур,
сенинг қувончинг,
Чеккан, тўйганимиз
ҳамма-ҳаммаси.

Бари берганимиз
сенинг дилингdir.
Ҳали сарфланмаган
кўнгил меники.
Биз яшаган умр
сенинг умрингdir.
Яиаб улгурмаган
умр меники.

* * *

Бир сўз топ.
Майли, қалқимасин
замину осмон,
Оёққа турмасин халқ.




Тошиорак кўзига
тепчимасин ёш,
Бир сўз топ ҳақ!

Ҳақ сўз топ
Ва шивирлаб айтгин.
Йўқ, айтмагин,
бўғзингда қотсин.
Бўғзингга сиғмаса,
сиғмаса,
Майли,
майли ичингда ётсин.

Фақат топ,
Ҳақ сўз топ!

* * *

Сенинг бошинг тошдан, одамзод,
Сен чидайсан,
қўрқмай қарайвер.
Қара, осмон қандай ложувард,
Тонг қанчалар мусаффо!
Қара, ишиб қўйсин кўзларинг,
Қандай гўзал рақс тушар сабо!
Қўрқма, қара,
етар бардошинг.
Ахир, тошдан-ку сенинг бошинг.



Фақат...
кўнглинг недан, билмайман...

* * *

Чиқиб кетаяпман ўзимдан, мана.
Ҳамма эшикларни беркитиб қўйдим.
Айниқса,
маҳкамроқ қулфладим кўнгилни.
Калитини топишрдим сенга,
Очмагин уни!



Айтарли ҳеч нима йўқ унда.
На Мажнун саҳроси,
на Тоҳир дарёси.
Бир четида жимгина яшайди
Севиб-севилмаган аёлнинг
умидли дунёси.
Қўй, бу йўлга юзингни бурма...

* * *

Мен келдим!
Узуб оёғимга чирмашган йўлни,
Ўз-ўзимга йўлдай тўшалиб.
Хазондай илиниб, майсадай кўклаб,
Тоғлардай юксалиб, ушалиб...



ЖУМЛА

Дунё бўлиб келдим, дунёдан кечиб,
Сўзга айланганман ютиб сўзимни.
Нима бўлсам бўлдим,
мен келдим, ахир,
Тониб бер ўзингни!
Тониб бер ўзингни!

* * *

Булоқ ўз дардида қайнаётганди,
Бинойидай сайраб турувди қушлар.
Уларни тинчгина тинглаётгандим,
Сиз деб гойиб бўлди товуилар.

Нега гапирмайсиз? Аччиқланмайсиз?
Кулинг! Ажабланиб қаранг камида.
Индармай тинчимни бузяпсиз ахир,
Шовқин кўтаряпсиз ими-жимида.

* * *

Ўшал тонг ҳар бир сас мусиқа эди,
Рақс эди ҳар бир ҳаракат.


Хўроз қичқирмади, қўшиқ қуилади,
Жўр бўлишиди ёмғирлар, йўллар.
Тўпланишиб роса ўйнади
Шамоллар, хазонлар, гуллар...

Кўкрак қафасидан мўралаб туриб
Чапак чалиб юборди юрак.
Ва ҳаммани оғзига қаратиб,
Бошлиди биз ҳақда муродбахи эртак:

“Ўшал тун ҳар бир сас мусиқа эди,
Рақс эди ҳар бир ҳаракат...”

* * *

Мен – эркин қуши,
сен – чексиз осмон,
Қанот қоқсан,
ҳар тараф Сенсан!
Айт,
Жонимиз қолгайми омон,
Кенг бағрингда бир яйраб учсан?



Ёмғир, дўллар,
бўронлар асов,
қизганиб
иши тиндирмайдими?
Мени сенга элтувчи
манов
қанотларим синдирмайдими?

Ё қалбинги
қиздирган қуёш
Мен ўртансам,
куйиб кетмасми?
Танга сизмай
чирпирак учсан,
Жонгинанга зиён етмасми?

Қанот қоқсан,
ҳар тараф Сенсан!
Ерга қўнсан,
қолгаймиз омон.
Лек учмайин
қандай яшайман?
Ахир қуиман, Сен эса осмон...

* * *

Юрагимни юлқиб олиб,
Ўйна, шамол,
ўйна, шамол!
Чертиб кўргин,
отиб кўргин,
Ўйгот! Ўйготиб юбор!



Кўксим узра пуфла, шамол.
Пуфла,
ёнсин учқуни.
Тортқиласин,
юлқиласин,
Тарқаб кетсин тугуни.

Кетма, шамол,
жсоним шамол.
Тумиб бергин бугунни.
Бас қилайин ахир энди
ўттиз йиллик тушимни.





Муҳаммад ҒАФФОР

ШАРҚУ ҒАРБИ “ЖУМАШИРДАҲ” ШОИР

Бугунги кунда ҳалқаро миқёсда танилган ўзбек шоирлари орасида шубҳасиз шоир Баҳром Рӯзимуҳаммад ҳам бор. Ҳумбольд университети профессори Ингборг Балдауф (ГФР) унинг шеърларини аслиятдан олмон тилига ўғирди. Бу тўплам “Давсаман” номи билан 2000 йилда “Ўқитувчи” нашриётида чоп қилиниб, жаҳоннинг кўпгина мамлакатларига тарқатилди.

Б.Рӯзимуҳаммад 2004 йилда Шермурод Субҳон билан ҳамкорликда “Ўзбек модерн шеърияти” антологиясини тузиб эълон қилдирди. Антологияни жаҳон туркологлари зўр иштиёқ билан кутиб олдилар. Бу ҳақда Мичиган университетининг Славян тиллари ва адабиётлари кафедраси ўқитувчиси Рэйчел Харел (АҚШ) шундай ёзди: “Ўзбек модерн шеърияти америкалиқ ўқувчилар учун ҳам қизиқиш туғдириши табиий. Барча “модернизмлар” ва уларнинг давомчилари бўлган олимлар (шу жумладан, Америка постмодернизми ҳам) баъзи умумий импульслардан озиқланади”.

Баҳром оддий бир математик. Математиклар оиласида туғилиб ўсан, вояга етган. У – бир дарвеш. Дарвешлигини шеър ёзib бекитади. Унинг юраги очик: очиқасига кулади, очиқасига йиғлади, очиқасига мақтанади, очиқасига ҳасад қилади. Давраларда “Мен буюкман!” деб мақтаниши бежизга эмас. Зотан, айрим шоирлар буюклика интилишнинг ўзини буюклик деб тушуниши маълум хот.

Б.Рӯзимуҳаммаднинг инглизча “Давсаман” китобида “Қарғалган” деб номланган бир шеъри бор. Бу ҳақда кўпчилик, хусусан, Рэйчел Харел ҳоним ҳам ҳаяжонланиб ёзган. “Қарғалган” шеъри кўп минг йиллик ўзбек шеърияти учун ноанъанавий. Сиртдан қарагандга насрни эслатади. Лекин ичкаридаги мусиқавий куч идрокингизни сира қўйиб юбормайди. Дастробки мисраларни ўқибоқ сеҳрланасиз.

Эй булат кемтигини топиб
ой нури ила ишлов берувчи пардоз қилувчи
шамолга бундай эсма деб қуёшга ва ойга дахли
бўлмаган нурларга бундай тушма деб танбех берувчи
эй майсалар ҳидини гуллар тилидан ажратиб
тафовутини имо-ишора ила тўғри кўрсатувчи
сойлар шилдирашида булбулнинг сахарги нолишига
ўхшайдиган ушоққина нолани топиб берувчи

Йигирма етти мсралик шеърни бир нафасда ўқиб кўйганингизни сезмай ҳам қоласиз. Ҳар ифода ўзаро оҳанрабодек тортишиб боғланади. Ғадир-будир сўз йўқ. Қисқаси, шеърда маъно, ифода, мусиқа математик

шаклда ўзаро уйғулаштирилганки, буни тилни яхши билмаса-да, дилни чуқур билувчи Рэйчелхоним англалан ва эътироф этган.

Баҳромнинг шу кунгача ўзбек тилида еттита, рус, олмон, инглиз, турк тилларида биттадан шеърий тўплами эълон қилинди. Туркум шеърлари Россия, Туркия, Ҳиндистон, Франция, Колумбия, Молдова, Озарбайжон каби мамлакатларда чоп этилган нуфузли антологияларга киритилди. Менимча, унинг энг яхши ишларидан бири “Илонбалиқ” лойиҳасини ўйлаб топгани бўлди. Аъзам Обидов билан ҳамкорликда нашрга тайёрланган, ўзбек ва инглиз тилларида чоп этилган “Илонбалиқ” антологияси тўғрисида АҚШ веб-сайтларида ҳам фикр билдирилган. Бу антологияга Мисрдан Янги Зепландиягача, Гонг-конгдан Америка Кўшма Штатларигача, Польшадан Камерунгача... хуллас, йигирмага яқин давлатларда истиқомат қилувчи шоирларнинг шеърлари киритилгани, энг асосийси, Тошкентда нашр этилган китобнинг дунёнинг тўрт бурчагига тарқалиб кетгани ғаройиб ҳодисадир.

Устоз Матназар Абдулҳаким Баҳромнинг “Икки нур” тўпламига битган сўзбошисида қуйидаги таърифни кептиради: “Биз ворислик ҳақида гапирганимизда ҳам анъанавийликнинг ботиний сифатларига асосий эътиборни қаратмоғимиз керак. Афсуски, ижодий таъсирни фақат шаклий эргашувдангина иборат, деб тушунадиганлар ҳам оз эмас. Падар ҳамда фарзанднинг ўхшашлигини улар кийган либос эмас, балки либос ичидағи вужуд ҳамда бу вужуддаги рух белгилагани каби, шеъриятда устоз ва шогирдлик даражасини маънавий муштаракликлар ифода этиди. Баҳром Рӯзимуҳаммад мумтоз шеъриятимизнинг ана шундай ботиний давомчисидир”.

Баҳром Евropa замонавий шеъриятини ўрганибигина қолмасдан тилбилигчлар билан ҳамкорликда аслиятдан ўзбекчага ўгирган. Жумладан, у Робия Абдуллаева билан ҳамкорликда ўн беш нафар олмон шоирлари шеърларини таржима қилиб, алоҳида тўплам шаклида чоп этириди. Хорват шоираси Марица Баорожич шеърларини Мирзаали Ақбаров билан ҳаммуаллифилиқда таржима қилди. Таржима асарлари “Жаҳон адабиёти”, “Гулистон” журнallарида, “Хуррият” газетасида чоп этилди.

Бир сўз билан айтганда Баҳром Шарқ ва Ғарбни ўзаро “туташтирган” ижодкорлардан бирига айланди. Иккى кутб орасига қурилган кўприкнинг янада мустаҳкамланишига ўз ҳиссасини қўшди. Истагимиз шуки, бу кўприк тобора мустаҳкамланиб бораверсин.



Асад АСИЛ

ЁЛГИЗ УЧАЁТГАН КАБУТАР



Ҳикоя



Лайлакқор эринибгина ёғар, Ортиғали иккимиз катта-катта одим ташлаб, бир маромда кетиб борардик. Баланд бўйли, чайир ва кўркам гавдали бу йигитнинг ота-бобоси мерган ўтган, ўзи ҳам табиатнинг танти ўғли эди. Милтиқ қўтариб далагами ё тоққа чиқса, унинг

ови ўнгидан келмаган кун йўқ. Ҳатто кекса овчилар ҳам Ортиғалини омади юришган йигит, деб мақташади. У кўпдан бери мени овга чорлар, бирга чиқсак, қуруқ қайтмаймиз, деб ишонтирас эди.

Кузнинг оёғи, қишининг боши. Биз ов қилишни мўлжаллаб жўнаган тоғлар сафида энг баланд ва салобатли бўлмиш Қорақия чўққиларини одатдагидек қалин туман ўраб олган. Шипшийдам далалардан, ташландик боғлардан ўтиб бормоқдамиз. Яланғоч дараҳтларда ҳаёт нишонаси қолмаган, бошларини эгиб, тумтайиб туришибди.

Ортиғали: «Енгил, қуруқ қор ёққандан кейин ов яхши бўлади», дер эди. Кечча шундай қор ёғди, мен катта овдан умид қилиб, дўстимга эргашгандим.

Қор ҳамон учқунлаб турибди, ҳаво анча совуқ. Шунга қарамай, бирпасда қора терга тушиб кетдим. Ҳар қандай кибр-андишани йигиштириб қўйдим-да, Ортиғалининг изидан одимлай бошладим. Энди оёқ босишлиарим бир оз енгиллашгандек бўлди-ю, бари бир ўқтин-ўқтин гандиралаб кетаман. Бир баҳона топиб, ортимга жўнаб қолмоқчиман, бироқ орият йўл бермайди.

Буни сезган Ортиғали ўтмиш воқеалари, ота-бобосидан эшитган ов хотираларидан гап бошлади. Аввал локайдлик билан эшитдим, бора-бора қизиқиб кетибман. Баданимдаги тер қотиб, юрак уришим ҳам бир текис изга тушди. Шундай қилиб, тоғ этагига етиб келганимизни билмай қолдик.

Ортиғали тўхтади, милтиқни елкасидан олиб, камаридаги ўқлардан иккитасини жойлади. Сўнг бақувват кафтини елкамга кўйиб, менга бошдан-оёқ разм солгач, салмоқлаб деди:

— Мана,совитилган отдек бўлибсан, дўстим. Буёғига чарчамайсан. Овимизнинг барори ўзимизга боғлиқ...



Шундан кейин Ортиғали бугун бўладиган ов режаларини эринмай тушунтириди. Унинг уқтиришича, мен Қоратошнинг чап бикини бўйлаб ов қилиб, Қатортошга ўтар эканман, Ортиғалининг ўзи эса Қоратошнинг ўнг ёнбағридан бориб, Тешиктошга кўтарилааркан.

– Шундагина бирор ўлжадан умид қилишимиз мумкин. Чunksи мендан учган ёки қочган ов сенга, сендан қайтганлари менга тўқнаш келади, – деди овчи дўстим жўнаш учун чоғланиб.

Ортиғалининг ўзича «фол очиши» кулгимни қисратди. Илжайганимни сезиб қолиб, ўртогимнинг жаҳли чиқмасин, деб тескари қараб олдим. Иккимиз икки тарафга қараб кетдик.

Мен катта-қичик тошлар орасидан эҳтиёткорлик билан ўта бошладим. Сал юрмай, какликларга йўлиқдим. Чўуб тушиб, тепкини беихтиёр босиб юборибман. Какликлар осмонда-ю, ўқим беш метрча нарига – қорга санчилди. Эҳ, аттанг, ўқим бекор кетди-ю! Какликларнинг гўзал парвозига маҳлиё бўлиб, уларнинг ортидан узоқ қараб қолдим. Улар Қоратошнинг ўнг томонига учиб ўтишган ҳам эдики, у ёқдан кўштиғ милтиқнинг кетма-кет гумбурлаган овози эшитилди. Юрагим ҳапқириб кетди. Сўнг оёқларимни оҳиста босиб, йўлимда давом этдим. Қийнала-қийнала ниҳоят айтилган мэррага яқинлашдим. Шу пайт Тешиктош томонда кўштиғнинг яна гумбурлаган овози тоғларни янгратиб юборди. Сал ўтмай, ўша ёқдан бир гала каклик мен томон учиб кела бошлади. Мен уларнинг «гийт-гийт» овоз чиқаришларига, қанот қоқмай парвоз қилишларига тикилганча қаққайиб турверибман. Какликлар мени қуриб қолдилар-да, дарҳол чап бериб, нариги тоққа ўтиб кетдилар. Мундоқ қарасам, кўлимда милтиғим отиш учун шай туриби. «Ношудлигим курсин, – дедим ўзимга дашном бериб, – менинг ўрнимда Ортиғалидек овчи бўлганда борми, камида учтўртласини тушириб оларди...»

Ортиғалининг режасига аввал кулган эдим, энди чинакамига тан бердим.

Бу пайтга келиб булатлар тарам-тарам тусга кирди, қуёш ҳам мўралай бошлади. Қатортош шамол тегмайдиган, ҳовончадай дим ва иссиқ жой экан. Шунинг учун бўлса керак, бу тоғнинг қори ҳам доим аввал эриб кетади. Күёш қўриниши билан димоғимга баҳор иси урилгандек бўлди. Тошлар орасидан қулай жой танладим-да, икки кафтимни бошимга ёстиқ қилиб чалқанча ётганча атрофни кузата бошладим. Нақадар гўзал! Тошлар орасидан турли кўкатлар дадил бosh кўтармоқдалар. Қуёш тафтидан зрий бошлаган қор суви тошлардан «чак-чак» томиб, кўкатлар остига сингиб кетмоқда. Аллақаердан учиб келиб, бехосдан ёнимга қўниб олай деган тоғ чумчуғи қаттиқ чириллади-да, нарироқдаги тошга тушиб, панароқ жойга беркинди. Кейин бошини секин чиқариб, менга қаради, чўзиб-чўзиб сайдири...

Тешиктош томондан ҳар замон-ҳар замонда ўқ отиласди: «Гум-ум, гум-ум!» Тоғлар ларзага келиб, акс садо беради. Гумбурлаш овозларини эшитганимда юрагим яна орзиқиб тушади, мендан тузук овчи чиқмас экан, деган нохуш фикр юрагимга соя солиб ўтади.

«Э, ов қилмай, табиятдан роҳатлансанг-чи, но-дон!» Шу фикр кўнглимга келиб, юзимни қуёшга тутганча кўзларимни юмиб, хузур қилаётган эдим, қандайдир

кушларнинг майингина қанот қоқишлиари кулоғимга чалинди. Секин кўзимни очдим. Бироқ ҳеч нарса кўринмасди. Шундан сўнг, ўрнимдан қўзғалиб, тошлар орасидан мўраладим. Ана менга ов! Эллик-олтмиш метр чамаси наридаги катта керага устида бир гала ёввойи капитар ўтиради. Юрагим қаттикроқ тепа бошлади. Мен изламасам ҳам ўзлари келиб қолганини қаранг! Ишқилиб, энди булардан қуруқ қолмай...

Хаяжонимни боса олмай, кўлларим титраганча милтиқни ердан кўтاردим. Қўндоқни ўнг елкамга кўйиб, чап кўзимни юмдим-да, галанинг қоқ ўртасини мўлжалладим. Ўзларига қаратилган ажалдан тамоман бехабар бу қушлар ороланиб таранишар, бир-бirlарини ялаб-юлқашарди. Юрагим «жиз» этгандек бўлди. Сал турсам, ўқ узолмай қоладиганга ўхшайман!

Кўзимни чирт юмдиму тепкини босиб юбордим! Гумбурлаш билан бирга, кучли зарб мени орқага силтаб ташлади. Каптарлар гуриллаб ҳавога кўтарилиди. «Наҳотки ўқим яна бекор кетди?!» Шу пайт тошдан-тошга урилиб, пастга қулаги тушаётган каптарни кўриб қолдим! Қувончдан энтиkkанимча, сакраб туриб, ўлжам томон югурдим. Жон талвасасида типирчилаетган каптар ёнига етиб келиб, кўлимни чўздим-у, бўшашиб туриб қолдим. Менинг айбим билан бир беозор қуш жон бераётган эди. Бунинг устига, шу зумда юз берган антиқа синоат мени баттарроқ лол қолдириб, қалбимни зирқратиб юборди. Не кўз билан кўрайки, узоқлашиб бораётган каптарлар орасидан биттаси ажралди-да, тўппа-тўғри мен томон шиддат билан учиб кела бошлади. У бор-йўғи ўн метрлар чамаси нарига, бояги каптарлар ўтирган жойга келиб кўнди. Боёқиши бетоқатланар, чиройли бўйини чўзиб тўрт томонга аланглар, ҳар қандай хавф-хатарни унутиб, йўқотиб қўйган жуфтини ахтарарди.

Кўнглимдаги хурсандчилик ўрнини ўз-ўзимга нафрат ва қандайдир азоб ҳисси қоплади. Бироқ, начора, эндиғи афсусдан фойда йўқ. Назаримда ҳам тош устида мунғайиб ўтирган каптар аҳволига тушиб қолгандим.

Шу пайт тошдан-тошга сакраб Ортиғали етиб келди. У ёнига ўнтача каклик осиб олганди.

– Э, ҳа... овлар чакки эмас-ку, дўстим, – ҳазиллашди у ўлиб ётган каптарга имо қилиб. – Энди қайтамизми?

Мен маъюс бош иргадим. Кўнглимга ҳеч нарса сиғмас эди. Катта йўлга тушиб олганимиздан кейингина қўлимда ҳеч нарса йўқлигини Ортиғали пайқаб қолди.

– Ие, ўлжанг қани? – деди у ажабланиб.

– Мендан овчи чиқмас экан, тушибириб қўйибман...

– Зарари йўқ, – деди Ортиғали. – Хафа бўлма, бу сафар дуруст ов қилолмаган бўлсанг, мана кўрасан, кейинги гал ишинг албатта юришиб кетади. Томнинг бошига бирдан чиқиб бўлмайди-да, ошна! Манави какликларнинг ярми сеники, энди қовогингни оч, келишдикми?

«Майли», дегандай бўлдим. Негадир бу ҳақда сұхбатлашгим келмасди. Ортиғали бугунги чиройли ови тафсилотларини сўзлар, мен бўлсам, ўқтин-ўқтин қанот қоқиб, олис уфқлар сари учиб кетаётган ёлғиз каптарни ўйлардим.





Муҳаммаджон ХОЛБЕКОВ,
филология фанлари доктори, профессор



БАДИЙ АДАБИЁТДА МОДЕРНИЗМ ТАВСИФИ

Сўнгги йиллар ўзбек адабий танқидчилигига модернизм ва модерн адабиёти ҳақида кўп ёзишаяпти, баҳс-мунозаралар билдирилмоқда. Аслида, ўтган аср Фарбий Европа ва Америка адабиёти ва санъатида етакчи оқим саналган модернизм танқидий реализм, хусусан социалистик реализм ақидаларига қарама-қарши позицияда турган адабий оқим бўлиб, асрнинг олтмишинчи йилларида ўз умрини яшаб бўлди ва ўрнини постмодернизм деб аталувчи янги оқимга бўшатиб берди. XX асрнинг охирига келиб постмодернизм ҳам инқирозга юз тутди. Эндиликда жаҳон адабиётидаги авангард доиралар яна янгича услубларни кашф этишга уринмоқдалар.

Модернизм XX аср фарб адабиёти ва санъатининг умумий тавсифи тарзида бир неча ўлчовларда мавжуд бўлиб, бизнингча уларни қуидаги мазмунда хulosалаш мумкин.

Биринчидан, модернизм – бу замонлар оралиғидаги тафовутни, «эскилиқ» ва «янгилик» ўртасидаги ихтилофларни ўз гоявий қарашлари бош мезони қилиб олган юз йилликнинг маънавий қиёфасидир. Унинг ортида Ф.Ницшенинг «худолар ўлими» фалсафаси, Европа харитасини қайта тузган сиёсий инқилоблар ва илмий кашфиётлар, тоталитар тузумга асосланган диктатуралар, хунрезлик урушлари, информацион портлашлар, цивилизациянинг коинотга чиқиши каби глобал ўзгаришлар ётиби. Янада аникроқ қилиб айтадиган бўлсак, унинг ортида «марказсиз дунё» (У.Б.Йейтс)-нинг юзага келишига сабаб бўлган объектив борлиқ қонуниятларининг инсоният тарихида чукур илдиз отолмаганлиги, мустаҳкам ўрнашиб ололмагани, эпистемологик дудмоллиги ҳамда муайян шаклга келти-

рилган утопик (илмга асосланмаган, амалга ошмайдиган, хомхаёл) орзу-умидлар билан шаклсиз, ноаниқ антиутопик воқелик ўртасидаги ҳал қилиб бўлмайдиган зиддиятларнинг мавжуд эканлигига эди.

Даставвал башариятни очарчилик ва қашшоқликини енгишга даъват қилган йигирманчи аср вақт ўтиб ўзининг инсонпарварлик, юксалишга интилиш, жамоатчиликка таяниш, илмий-техника тараққиётининг чексиз ривожланишига хайриҳоҳ бўлиш каби тамойилларига қарши турди, амалда «эскирган» бўлиб чиқди. Айни пайтда, умуминсоний тамойилларнинг ғайриинсоний тузум қонунлари олдида эрксизлиги, воқеликнинг ҳардамхаёллиги, сиёсий ёлғон сафсалалар, жамиятнинг ҳаддан ташқари ҳимоясизлиги ва ҳаттоқи беъманлилиги рўпарасида тизилган одамларнинг фожеавий ёлғизлиги замони бўлиб қолди.

XX асрнинг ҳалокатга юз тутиши муаллифнинг «метафизикага иштиёқини» кучайтирган, якка тартибда ижод қилишга унданаган бўлса, ушбу идеализмнинг дарду ғамини ҳам шу алфозда белгилаб берди. Бундай мухитда «шеъриятга ўрин йўқлиги»(Г.Адамович)ни жаҳон урушларида ҳалок бўлган, тоталитар тузум тарафидан отиб юборилган ёки сурғун этилган, ақлдан озиб ўз ҳаётига сунқасд қилган, аламзода ҳолатда ижоддан воз кечган қатор қаламкашларнинг фожиали қисматидан, деб тушунмоқ лозим бўлади. Асрнинг шу каби руҳини немис файласуфи Т.Адорно қуйидагича таърифланганди: «Освенцимдан кейин шеър ёзиш – бу бадавийлик (варварлик) ҳисобланади...» (Minima Moralia. Мажруҳ ҳаёт ҳақида ўйлар, 1951).

Иккинчидан, ўтган йигирманчи юз йилликда кечган адабий жараён кўпгина раддияларга қарамасдан



модернизмни инкор этиб, бир четга суриб ташлаганийд, аксинча, уни инкор қилиш орқали янада давом этишига ёрдам берди ва ўз доирасига «модернизмдан ташқаридағи модернистлар» дея ҳисоблаган муаллифлар. С.Къеркегор, Х.Ибсен, Г.Мелвилл, Ш.Бодлер, А.Рембо, С.Малларме, Ф.Ницше, Ф.Достоевский, Г.Жеймс, А.Стриндберг, Ж.Конрад ва бошқаларнинг асарларини оғдириб олди. Аксинча, айрим буюк номлар (В.Скотт, В. Гюго, А.де Виньи, Ч.Диккенс, А.Теннисон, Г.Лонгфелло)нинг бадиий ижоддаги қадр-қиммати пасайтирилди, бошқалари (Г.Флобер, Э.Золя, Ж.Эллиот, У.Уитмен, П.Верлен) эса асос-исботсиз жаҳон адабиёти пешсаҳнасига чиқарип кўйилди. Энг муҳими, модернизм XX асрнинг асосий ижодий кашфиёти – субъективликни тадқиқ қилишда давом этди ва тезисантитетис, «модернизм»-«контрмодернизм» воситасида индивидуал услубнинг стилистик имкониятларини амалга тадбиқ қилди. Постмодернизм даврига келип у услубдан кўра кўпроқ сифат кўринишига эга бўлди.

Учинчидан, модернизм – аслида бу бир-бири билан кураш олиб борган, ўзича мустакил ҳаракат қилган алоҳида модернистик уюшмалар, манифестлар, дастурлар (масалан Лотин Америкасида символизм ўзича модернизм номини олганди) мажмуасидир. Модернизмнинг бир жабхаси авангардизмга, яъни лингвистика нуқтаи назаридан илмий тажрибалар ўтказишга, санъатлар ва дискурслар синтезига, полистилистика (футуризм, дадаизм, сюрреализм, имажинизм, вортицизм, француз «антромани», Лотин Америкаси «сехрли реализм»)га мойиллик билдириган бўлса, бошқа бир кўриниши экспрессионизм тарафдорларини барокко ва романтизм анъаналари билан, инглиз-америка модернизмини (Ж. Жойс, В.Вулф, Э.Паунд, Т.С.Эллиот, У.Стивенс) символизм билан, Ж.-П.Сартр ва А.Камю прозасини экзистенциализм фалсафаси билан яқинлаштиришга интилди. Бизнингча, фақат модернизм ва унинг тараққиёти контекстида у инкор этган «реализм», «социалистик реализм» (А.Барбюс, Л.Арагон, И.Р.Бехер, М.Андерсен-Нексье, А.Зегерс) ва постмодернизм феноменлари адекват баҳоланиши мумкин, халос. Айни пайтда шуни ҳам таъкидлаш жоизки, модернизм адабиёти матни ўзининг стилистикаси жиҳатдан ҳам кўп қиёфалидир. Бир жиҳатдан, у XIX аср адабий оқимлари (романтизм, натурализм, символизм ва ҳоказо) дан узоклашган бўлса, иккинчидан уларга янги ургу ва оҳанглар (Ж.Ромен, Ж.Дюамель) олиб кирди, натуралистик, яъни воқеаликни тасвирилашда маиший тафсилотлар, икир-чикирлар билан чекланиб, умумлашмалардан қочадиган тасвирий услуг (Ж.-П.Сартр)ни сингдирди, зарурат туғилганда эса, бироз тўғрилаб натурализмни (Р.Мартен дю Гар, Ж.Стейнбек) янада сайқаллаштириди. Шу тахлит традиционализм (анъанавийлик)нинг турли кўринишлари модернизм билан олиб борган баҳсида модернизмга зарардан кўра кўпроқ фойда келтириди, шунингдек ундаги структуравий ўлчовлар: «классика» ва «романтика», «реализм» ва «абстракция», «миллий» ва «байнам-милал», «шимолий» ва «жанубий» каби тамоийилларнинг мавжудлигига дикқат-эътиборни қаратди.

Тўртингидан, модернизм – бу Ж.Жойс ва Г.Стайн, Ф.Кафка ва Г.Кайзер, Л.Пиранделло ва Ю.О'Нил, Т.Манн ва У.Фолкнер, А.Дёблин ва Ж.Дос Посос,

Б.Брехт ва Э.Ионеско, Х.Л.Борхес ва Г.Г.Маркес, А.Мёрдок ва Г.Грассларнинг модернизм руҳидаги матнларидан иборатдир. Уларнинг барчаси модернизм нуқтаи назаридан ўзига хос, бошқаларга ўхшамайдиган, уларнинг ҳар бири алоҳида ёндашишни, модернизмнинг бутун типологиясига, терминологик ва стилистик тавсифларига аниқлик киритишини тақозо этади. Ж.Жойс қаламига мансуб «Улисс» романи ҳам символизм, ҳам авангард, ҳам «юксак модерн», ҳам «постмодерн» қолипидаги асардек ўқилиши мумкин. Шунга яраша мазкур романнинг адабий жараёндаги мавқеи ва тутган ўрни унга ҳамоҳанг ўзгариб бориши ҳам муқаррардир.

Алҳосил, бешинчидан, модернизм – бу параллел равишда мавжуд бўлган матнларнинг полифонияси (кўповозлилиги)дир. Ушбу инкор этишлар ва тасдиқларнинг ўта мураккабли майдони ноклассик бўлган масофани ҳосил қиласди, ўз маконига оид чегараларини доим аниқлаб турувчи қандайдир бир ўзига хос адабий жараёнга ўхшайди. Уни шартли равишда субъективликдан узил-кесил озод этувчи, марказдан қочирадиган куч, яъни гирдибод билан қиёслаш мумкин. Жамиятнинг барқарор мувозанатдан чиқсанлиги, ундаги субъект ва обьектнинг бир-бирига мос келмаслиги, ҳис-туйғулар таъсирида яшаётган шундай рамзий фаолликнинг дастлабки кўтарилиб тушиши француз адабиётининг XIX аср охирига тўғри келади. Аслида миллий адабиётлар наздига мавжуд бўла туриб, маълум маънода уларнинг ҳал қилувчи, муҳим воқеа ва ҳодисаларини ўзаро қоришириб юборадиган ушбу «тўлқин» ўзини гоҳ XX аср бошларидаги немис экспрессионизми, гоҳ 20-йиллар инглиз-америка модернизми, гоҳ 1930-1940-йиллар француз экзистенциализми андозасидаги проза, гоҳ 1950-йиллар «абсурд театри» орқали намойиш қилиб, 1960-йилларда Лотин Америкасигача етиб борди-да, ўша ерда инқирозга юз тутиб, ўз кучини ўйқотди. Модернизм йўриклиарининг «кўтарилиши» ва «пасайиши» каби ҳолатларни ўзида жамлаган бу каби инқилобий ҳаракатнинг даврларга бўлиниши ўта даражада шартлидир. Қолаверса, модернизм тахминан уч ижодий муҳит билан вобаста кечди. Булар: постсимволизм ва авангардизм (1910-1940 й.); экзистенциализм (1940-1960 й.) ва постмодернизм (1980-2000 й.)дир. Уларнинг ҳар бирида ўз типологик белгиларининг ўзаро уйғун бирикмасини, ўз фаоллари ва мушоҳада қилувчиларини, ошкор ва ноошкор «модернист»ларини, «модернизм» замондошлари ва «контрмодернист»ларини алоҳида ажратиб кўрсатиш мумкин.

XX аср адабиётида модернизмдан устун турувчи яна бирор ижодий оқим мавжудиди, деган савоннинг бўлиши табиий. Бу саволга ижобий ёки салбий маънода жавоб топиш осондек туюлса-да, фикримизча, модернизм адабиётни ўрганиш доирасидан чиқиб кетди. Аслида модернизмнинг ўзи ва унинг қонун-қоидалари аниқ кашф қилинмаган бир ҳолатда XX аср қаламкашларининг қарийб барчаси у ёки бу тақлидда «модерн касали»га мубтало бўлдилар.

Нафсиалар, бадиий адабиёт 1930-йилларда инсон интеллектуал ҳаётидаги бўш вақт устидан юз йиллаб давом қилган ўз ҳукмронлигини кинематографияга бўшатиб бера бошлади. Иккинчи жаҳон урушидан сўнг



китоб эгаллаб келган ижтимоий ўринга техник санъат турлари: телевидение, масс-медиалярнинг турли шакллари даъвогар бўлиб чиқди. Аср охирига келиб эса бунга компьютер ҳам қўшилди. Эндиликда гап жиддий мафкуравий давлат танглиги ҳақида эмас, ўз манфаатлари йўлида бадиий қадриятлар билан ҳийла ва найранг қилаётган мафкуралар танглиги ҳақида эмас, борган сари эклектизмга асосланадиган, мутахассисларга, университет профессор-ўқитувчиларига, гуманитар факультет талабаларига мўлжалланган жиддий мазмунли адабиёт ҳақида эмас, балки адресат танглиги, китоб билан шахсий муносабат тажрибасини йўқотаётган китобхон инқизози хусусида бормоқда. Шунингдек, адабий жараёнда чинакам информацион босим, яъни мажбурий плюрализм ва релятивизм (лот. relativus - нисбийлик) ўтакетган замонавийлик оқибатида пайдо бўлаётган хирахондон ҳиссиётлар остида қолиб бораётган китобхон танқислиги юзага келмоқда.

Ахборот коммуникацияларининг қудратли кучи хусусида 1960-йиллардаёқ американлик танқидчилар қайд қилганидек, эндиликда энг топқир ёзувчининг ҳам газетада босилган, телевидениеда берилган, интернет орқали узатилган ахборот билан беллашишга қурби етмайди, бу унинг кўлидан ҳам келмайди. Газета, телевидение ва интернет хабарлари исталган тўқима ва уйдирмадан иборат бўлса-да «шубҳасиз тўғри», «моҳирона ишланган», одамларда «кучли таассурот қолдирадиган» янгилик бўлиб бормоқда.

Дарвоқе, XX аср охирлашиб қолган бир пайтда унинг яна ўз бошига қайтганидан дарак берувчи аломатлар сезила бошлаганди. Яъни юз йил бурун айтилган «Фарб цивилизациясининг поёнига ет-

ганлиги» мавзусига яна қайтилди. Француз шоири Шарль Бодлернинг «Биз ҳаммамиз гўёки абадий дафн маросимида қатнашётгандекмиз» мазмунидаги ҳикматли сўзларини англаб олишга, мағзини чақиша қайтганлигимиз билиниб қолди. Айримлари, Ж.Папини қаламига мансуб «Охирги одам», О.Шпенглернинг «Европа заволи», А.Блокнинг «Гуманизм ҳалокати», П.Валерининг «Руҳ танглиги», Э.Гуссерлнинг «Европа одами ва фалсафасининг танглиги» бошқа номлар, яъни Романо Гвардини қаламига мансуб «Янги замон охири», Даниэл Беллнинг «Мафкура интиҳоси», Ролан Бартнинг «Муаллиф ўлими», Ихаб Хасаннинг «Орфей ҳалокати», Ф.Фукуяманинг «Тарих хотимаси ва охирги одам», Сэмюел Хантингтоннинг «Цивилизациялар тўқнашуви» билан алмашди. Барibir ҳам, Зигмунд Фрейд айтганидек, шартли равишда «маданият қаноатланганлиги» деб ном олган тамойил ўзгармасдан эскича ҳолида қолаверди. Гап шундаки, илфор ғарб маданияти ўзининг либерализм руҳидаги идеалларига содик қолиб, келажак лойиҳаларини тузиши, тарихнинг у ёки бу «хато»ларини тузатишни давом эттиргани билан, айни вақтнинг ўзида, инсон эркинлиги муаммоси билан боғлиқ зиддиятлар ҳал қилинмаганлиги туфайли, барibir орқага қайтишга мажбур бўлди.

Шундай қилиб, XX аср модернизм адабиёти ҳам худди XIX аср романтизм адабиёти сингари маданий маъно доирасига айланди, унинг ичida ғарб дунёси қадриятлари танқидий жиҳатдан текширувдан ўтказилди. Улар жаҳон адабиёти тарихида яшаб қолишига, XX аср адабиётида яловбардор бўлишга лойикми ёки йўқми – буни келажак кўрсатади.



*Ашурали БОЙМУРОД*

Мехристан

Достондан парча

*Бир ўлқаки, тупроғида олтин гуллайди
Ойбек*

* * *

*Мехр оқ рўмолдир қаро тунларга,
Кўқдан ёғилгандек гўё ойдиним.
Тонг – етиб келганим ёргу кунларга,
Истиқлол меҳридан ёришиди дилим.*

*Хаста кўнгилларни ёритди бир нур,
Чақмоққа айланди тоғлар садоси,
Эй бобо қуёшим, мангу ёниб тур,
Сен учун Мехримнинг бўлмас адоси.*

*Она сути билан сингади Мехр,
Покиза туйгулар жо бўлур танга,
Шу Замин эркалаб, суйгандир, ахир,
Энг аввал меҳримни бергум Ватанга.*

*Қадр нелигини англади буқун,
Дунёга баралла кўйлаб юборди.
Рұҳлар озод бўлди, қолмади тутқун,
Юрак ўз эркини сўйлаб юборди.*

*Она ҳайкалида Мехр сиймоси,
Үнга сажеда қилур пари-малаклар.
Кўксимга ёғилди осмон зиёси,
Мехр элчисидир оппоқ лайлаклар.*

*Ростга айланди-ку азалий ҳикмат –
Оламни муҳаббат безаб турибди.*

*Кўнгилни тарқ этди зил-зил бир зулмат,
Илҳақ дил Мехрни эслаб турибди.*

*Меҳржон, Меҳржон, хуш келдинг яна,
Қайта тилга кирди минг йил, минг аср,
Сенгадир ушибу уй, ушибу кошона –
Сенгадир кўнглимда олий бир қаср.*

* * *

*«Дил ба ёру даст ба кор»ни ёд этсанг,
Толе сенга ёр бўлгуси, илоҳим.
Бир гарубнинг кўнглин агар шод этсанг,
Мехрин сендан дариғ тутмас Аллоҳим.*

*Аллоҳ ўзи меҳрибондир инсонга,
Яратгувчи ёрлақаган ҳар дилни.
Мехр керак аввал замин-жсаҳонга,
Сен беҳуда янчиб ўтма ҳар гулни.*

*Ҳар гиёҳи кўнглимизга азиздир,
Бинафшаси ранг улашган осмонга,
Бу Ватанга жонни бермоқ жоиздир,
Ҳар лаҳзаси тенгдир минг бир достонга.*

*Аввал жонни тикмоқ одат Ватанга,
Меҳрдандир асли ҳаёт қўргони.
Гўё қайта тугилармиз ҳар тонгда,
Бир жон етмас дилга меҳр қургани.*

*Мехринг учун мингта жон ҳам кам эрур,
Юз пардан тортдим ҳусни холингга.*



ЖУЛДУС

*Ватан, сени асрамоқлик шон, гуурүр,
Шояд, мен ҳам ярасам бир корингга.*

* * *

*Истиқтолим, меҳр юзин очдинг сен,
Қайта тилга кирди Наврӯз, Меҳржон.
Қадр деган бир шуъланы сочдинг сен,
Эл кўнглида шодлик бўлди бир жаҳон.*

*Сайқал топар буқун қадим шаҳарлар,
Жилва айлар Самарқанду Бухоро.
Ўзгачадир гўё юртда баҳорлар,
Меҳр кезиб юргани рост боғ аро.*

*Қизгалдоғу бойчечаклар ўлкаси,
Хандон кулар бинафшаю раъногул.
Лола – ҳайрон қолди – тозлар эркаси,
Меҳр истаб ўсаркан бир дона гул.*

*Мурувватга йўл бошлади Наврӯзим,
Ҳар кунимиз Наврӯз бўлди қадрдан.
Энди қотмас бўғзимдаги дил сўзим,
Яхшиликлар йўлдоши – менга қадрдан.*

*Меҳржонни құтлар ҳар йил олтин куз,
Она замин саҳоватин куйлагай.
Табиат ҳам гўзалликка тутиб юз,
Бир онадек эртамизни ўйлагай.*

*Шунданмикин, сокинликка интилиб
Қўлин очиб дуо қулар фалака.
Гоҳо бийрон, гоҳо тили тутилиб,
Ўз уйини берар оппоқ малакка.*


*Оқшиомда қотганча ухлайди Замин,
Оқ кўрпа ичинда очилиб кетар.
Қўкламда бир гўзал меҳрини сезиб,
Сатрлар бодроқдек сочилиб кетар.*

* * *

*Яссавийдан топдик төгдек ҳикматни,
Нақибандий тариқати қўллагай.
Бухорийдан олганмиз кўп ибратни,
Мудроқ қалбни эзгуликка йўллагай.*

*Меҳр қўнгган Навоийнинг илкига,
«Яхшилиг» деб ўтди Бобур бобомиз.
Жон ҳам басе бўлди Меҳр мулкига,
Яхшиликтан сайқал топди навомиз.*

*Энди кўнгил гариб эмас, шод бўлгай,
Сен юракнинг тафтин олган юраксан.
Меҳр деган наво мудом ёд бўлгай,
Ўз юртингга, ватанингга кераксан.*



*Меҳр деган марваридлар осилди
Дунё билган улуғларим бўйнига.
Меҳмон келса, дастурхонлар ёзилди,
Меҳр сингиб кетди элнинг кўнглига.*

*Обод этдик азизларнинг қабрини,
Лойқаланган булоқлар ҳам тин олди.
Буқун англаб улуғ миллат сабрини,
Ислом аҳли азим Шошини тан олди.*

*Улугни асраса асрайди Худо,
Эргашиб юрмагин ёлғон сеҳрга.
Фақат бор маводан этмагин жудо,
Ташна қолдирмагин қалбни меҳрга!*

* * *

*Хиваю Бухоро – боқий чинорлар,
Аждододлар қолдирган улуғ маъводир.
Меҳр ҳайкалидир қадим минорлар,
Меҳр ҳақиндаги гўзал наводир.*

*Юрак тафти, қалб қўридан яралган,
Қадим шаҳар, кўхна кентлар барчаси.
Бу ўлкага Аллоҳ нури ёғилган,
Ўзбек ери – Күёшининг бир парчаси.*

*Сойлар жўшиб, дарёлари қалқийди,
Бир ўлқаки, тошлиари ҳам тиллашар.
Осмонида мангу бир ой балқийди,
Кўк тозидан унга меҳр улашар.*

*Шундай ўлка озод бўлди, ҳур бўлди,
Хурлик ичиб ташна дил ҳам тўқ экан.
Дунё – чаман, ўзбек ери гул бўлди,
Халқ меҳридан ортиқ бойлик йўқ экан.*



*Тоғларга ҳам киритгансан гўё жон,
Тош бағрини ёриб чиқди лолагул.
Садаф ичра топилгандир бир маржон,
Сенинг ишқинг билан бағрим ёнадур.*

*Ўз она тилимда айтаман қўшиқ,
Юрак меҳри ила битурман байтлар.
Шул Ватан ҳақида куйлайман жўшиб,
Сени қорашибда асраган пайтлар.*

*Ўзингни асрайман мунисум, онам,
Аёзлар ичинда қолмас баҳорим.
Меҳрни кўзда деб билгайдир одам,
Меҳр – қорачигим, меҳр – гавҳарим!*



Асрор АЛЛАЁРОВ

УЧ ҲИКОЯ

БИР ЯРИМ ДАҚИҚА

Фарбдан эсган шамол уйи сари келаётган аёл исини олиб келар, бу ҳид эса пешвоз чиқишга шай эркакка жудаям таниш, шунингдек, уйнинг шундоққина рўпарасида лойдан ясалган ўйинчогини завқ билан ўйнаётган болакайга ҳам ниманидир эслатади.

“Барibir қайтишингни билардим”, ўйларди эркак.

У аёлнинг бу ерга қачон етиб келишини ўртадаги масофани чамалаб, хаёлидан ўтказди.

“Яна бир ярим дақиқа ичida қаршимда пайдо бўлади. Табиийки, у мендан нафрatinи яшириб ҳам ўтирумайди. Мен албатта сиполик билан жавоб қайтараман. Ахир, ҳаммасига ўзим айборман. Ўтган тўрт йил кимни қандай ўзгартиргани ҳам ана шунда ойдинлашади”.

У бир қадам олдга юрди. Эркак бу ишни беихтиёр амалга ошириди, бор-йўқ журъати шунга етди, холос. Дарвоқе, тобора яқинлашиб келаётган аёл анча йиллар илгари унинг хиёнатини кечирган хотини эди.

Эркакнинг танасидан отилиб чиқиши мұқаррардай туюлаётган азоблар бундай пайтда ўз-ўзидан яраладиган ниманидир ўзгартира олиш истагини вужудга келтираётганди. Ҳолбуки, у ҳётида йўл кўйган энг катта хатосидан кўп бор азият чеккан бўлса-да, ҳеч қачон ҳозиргидек қаттиқ ҳаяжонга тушмаганди. Эркак яна бир ярим дақиқадан сўнг бир-бiri билан аёвсиз жангга киришадиган кўзлар ҳақида ҳам ўйларди.

Ўйига яқинлаша бошлагач, аёл қадамини яна-да тезлатди. У ўзидан анча нарида турган эрининг бутун изтиробларини, гарчи унга бирор марта кўз қирини ташламаган бўлса-да, аёлларга хос сезгирилик билан пайқади. Ҳолбуки, у ўтган тўрт йил ичida бу хислатни мукаммал эгаллаган, тўғрироғи, шунга мажбур бўлганди.

Аёл эри ёнидан тез-тез ўтиб кетди ва ўзига унсиз тикилиб турган ўғлини бағрига босди. Бу ердан кетганидан буён ўтган ҳар бир дақиқада хаёлини буткул банд этган бу болакайнинг усиз улғайгани аёлга алам қилди. Аёл ўйига қайтар экан, узоқ вақт ном-нишонсиз ғойиб бўлган кулгунинг илк шульалари жуда кўп кўргуликлар аломати бўлган ажинлар орқали бу дунёдаги ҳақиқий инсон қиёфасини унинг юзида чизиб кўрсатар эди.

Бола лой кўплари билан аёлни итара бошлади. У хотирасидан бутунлай ўчиб кетган хотининг бағридан юлқиниб чиқаркан, отасининг ёнига югурди ва яна бепарво ўз ўйинчогини ўйнашда давом этди...

ҚИЗИЛ ТОШ

Шириналк олиб келишга кетаётган ота, қизил тош ва баҳтли одамлар. Ўн олти ёшли қизнинг қўлида гир айланадаётган думалоқ тош унга узоқ вақтдан буён тикилиб турган кўзлар ана шу азалий маънони қайта-қайта идрок этишига имкон туғдиради. Нурияning маҳзун ва тантанавор кулгуси қизил тошнинг бежирим қирраларига урилганча қотиб қолди. У отаси билан илк бор бу ерга келганини яхши эслайди. Ўшанда тўқиз ёшда эди.

– Сен шу ерда ўтириб тур, мен сенга шириналк олиб келаман, – деганди отаси.

Шундан сўнг ҳовлидаги болаларни тартибга чақираётган пешонаси бўртиб чиқсан аллақандай аёл билан отаси узоқ гаплашганини кузатиб турди. Қизалоқ кун ботгунча кутди. Кейин ҳаммасини тушунди.

Нурия меҳрибонлик уйининг ҳовлисида Стендалнинг қалин жилдли китобларидан бирини ўқиркан, беихтиёр қўлидаги тош унинг ичига юмалаб тушиб



кетди. Қизалоқ ҳозиргина ўзини ҳайратга соглан ёрқин бир фикрни таҳлил этиш мақсадида бироз тин олишга қарор қилди тошни кафтига кўйди. Гир айлананаётган тош энг кичик бармоғининг бошланиш ерига келиб тұхтади. У кафтидаги чизиқларни дикқат билан кузатар экан, Стендал қаҳрамони томонидан айтилган ғоят қизиқарли фикрни эсдан чиқарди. Ногоҳ тошнинг кафтдаги охирги чизиққа туташган нуқтасида сирли алантар учқунларини кўрди. Қизалоқ умри бино бўлиб бунақа кучли алантага дуч келмаганди. У миясига урилган дастлабки фикрдан сесканиб кетди. Унинг наздида бу чинакамига даҳшат эди.

Нурия дарвозадан ташқарига чиқди ва тўғри кўча бўйлаб кета бошлади. Кўча тугар-тугамасдан у чап томонга кетган бир кичик йўлни кўрди. Кафтига қаради ва худди шундай кичикчизиқни кўрди. У биринчи чизиққа келиб туташганди. Бу йўл бошқа бир кўчага олиб ўтиши лозим эди. Шундай бўлди ҳам. Кейин у тўғрига юрди. Бироқ кўп ўтмай ушбу кўчага туташган бутунлай бошқа бир йирик кўчага дуч келди. У яна кафтига қаради. Ҳаммаси чизилганидек давом этарди. Нурия ўйлаб ўтирасдан туташ кўча бўйлаб кета бошлади. Унинг кўнглида пайдо бўлган ишонч ҳозир содир бўлиши мумкин бўлган аллақандай буюк ўзгаришни олдиндан башорат қиларди. Бундай башоратлар одатда тўғри чиқади ва инсон ҳаётида кутилмаган янгиликларни вужудга келтиради. Нурия кўчанинг охирига етиб келганида яна икки томонга кетган йўлни кўрди. Шу ерда тұхтади. Унинг қалби фақат тўғрига юришни амр этәётганди.

“Шошилиш керак, – хаёлидан ўтқазарди у. – Бундай ғаройиб онларни сезмай, ҳис этмай яшаётгандар қанча...” Бу йўлнинг энг сўнгги нуқтасида улкан бир бино жойлашганэкан. Кўчашуердатугарди. Ажабо. Ҳечнарса ўзгармади. Ҳаммаси хомхаёл экан. Нурия лақмалиги учун ўзидан нафратлана бошлади. Бинобарин бу унинг ҳаётидаги илк янгилиши эмасди. Нурия энди ортига қайтаман деб турганида шундоқнина кўчанинг ўнг ёнида сұхбатлашиб турган кишилардан бири унга қаради. У бу одамларга умуман эътибор бермаганди. Қиз ҳаяжонга туша бошлади. Унга тикилиб турган одам отаси эди. Нурияning кўзлари алдамаётганди. У бехосдан қўлидаги дастрўмолни тушириб юборди. Қизалоқ нима қилишни билмай жойида қотиб турарди. У ўтган сониялар ичиде фикрлашга, аниқ бир қарорга келишга улгурди.

«Отам мени таниди. Аммо у мендан воз кечганига етти йилдан ошди».

Қизалоқ ўтгай онаси ҳақида ҳам ўйларди. У ўтган йиллар ичиде ёлғиз инсон иложисизликдан ўз истакларини хәёлан бажариши мумкинлигини ўрганган эди. Ҳозир ҳам шундай қилди. Отасини бағрига босиб, тўйиб-тўйиб ҳидлади. Унга айтмоқчи бўлиб юрган ҳамма гапларини айтди. «Мен сиздан хафа эмасман», – деди охирида. Ҳеч қандай жавоб эшитилмади. Нурия ҳар доимигидек фикрларини бир жойга жамлади. Отаси узоқдан ҳамон унга тикилиб турарди.

«Эҳтимол бу бир умр излаб яшаган, ўзим учун муҳим бўлган ўша лаҳзадир, – хаёл сурарди қиз. – Аммо мен кутганимдай бўлиб чиқмади.»

Нурия шиддат билан ортига бурилди. У тезда ўзини кўлга олди ва келган йўли бўйлаб юргу бошлади. Айни

пайтда қизнинг қалласидаги фикрларнинг ҳеч бири отасининг ёнига боришга ундамаётганди. Аниқроғи, унинг вужудида исён кўтараётган ғазаб ва ҳаяжон бунга имкон бермасди. У қанчалик тез юргани сайн ўзини шунча енгил ҳис қиласди.

Қизнинг оёғи бир тошга урилиб йиқилди. Кимдир кўлидан тортиб ўрнидан турғизди. Бу унинг отаси эди.

ИМКОН

Бир неча дақиқа жимжитлик ҳукмронлик қилган шаҳидлар хиёбонининг катта йўл ёқасидаги пиёдалар йўлакчасида тўсатдан қаттиқ ғичирлаган овознинг пайдо бўлишию, бу ерга энг яқин ўриндиқда ўтирган аёл кишининг сапчиб ўрнидан туриши ва алам билан қичқириб юборишини бундан саноқли сониялар олдин ким ҳам хаёлига келтирибди дейсиз.

– Вой, тўғноғичим кўлимдан тушиб кетди, – деди аёл ўрнидан туришига ҳамоҳанг янграган овоз билан.

– Энди эса у йўқ.

Аёл кейинги гапини пи chirlab айтди. Бироқ унинг қаршисида хижолатомуз турган, кўринишидан қирқ ёшлардаги эркак тўғноғичининг ҳар томонга сочилиб кетган бўлакларидан бирини ердан олди.

– Минг бор узр, хоним. Мен буни билмасдан босиб юбордим. Ҳатто ўзимни тўхтатиб қололмадим. Илтимос, айтинг, тўғноғичингизнинг нархи қанча?

У чўнтағидан ҳамёнини оларкан, дарҳол етти минг сўм санаб аёлга узатди.

– Бунга янгисини сотиб олинг.

Аёл ҳеч нарса демай, жойига ўтиреди. Эркак бу лобар чөхрада ҳаддан ортиқ қатъийлик аломатларини кўрди.

– Ўн учинчи ой тунида рўй берадиган бунақа ғалати воқеаларни кўпинча тасодиф дейишга тилинг бормайди, – аёл икки дона марварид бўллагидек кўзларини эркакка тиқди.

– Сиз япон адабиётини ёқтирасизми?

– Ҳа. Бағоят. Ҳатто севишимни ҳам инкор этмайман. Бамбукнинг ичидан топиб олинган митти қизалоқ мени ҳамон ҳайратга солиб келади. Шундай воқеа бўлганига ишонасизми?

– Кекса Такэтори (бамбукесар) кейинчалик уни қиз қилиб олганини эшитганман. Қизча жуда гўзал ва кичкина бўлган. У саватчада яшаган экан.

Бобур исмли бу эркак университетда ўн икки йилдан бўён фалсафа фанидан дарс беради. Унинг табиатига хосбўлган синчковлик ҳозир ўзисуҳбатлашиб турган аёлнинг бундан уч йил илгари янги уйга кўчиб келганида бир-икки кун жиҳозларни жойлаштириша ёллаганини илғашга ожизлик қилаётганди. Қарилек аломатларининг илк белгиларини қовоқлари остидан сезиш мумкин бўлган аёлнинг исми эса Садоқат эди. У кичик бир фермада сут соғувчи бўлиб ишлайди. Аёл бугун тонгда уч йилдан бўён йигиб қўйган пулларига қимматбаҳо кийимлар сотиб олди. Атир-упаларини янгисига алмаштириди. Унинг болаларнига ўхшаш содда юз қиёфаси ва ишонувчанлиги тезда ҳар қандай кишига маъқул тушарди.



Эркак соатига қаради. Яна ўн дақиқа вақти бор. У аёл билан яқиндан танишиш учун стулнинг бир четига ўтириди. Эркак аёл зотидан бениҳоя жирканишига қарамай ҳозир негадир нотаниш ҳамсұхбатига яқинроқ сурилди. Буни ўзи ҳам тушунолмади.

“Ахир бунақа зиёли аёллар шаҳарда күп эмас-ку!”, ўйларди у.

“Илик баҳор ҳавоси танадаги қонга сингиб кетади. Бундай пайтда инсон қалбіда ҳали ном топилмаган қозлаб ҳиссиётлар борлигига ҳеч шубҳанг қолмайды”, – ўйларди аёл.

– Мен маърузага кеч қолаяпман, – эркак ўрнидан қўзгаларкан, норози бир оҳангда деди. – Аксига олиб ҳали ўйга қайтмайман. Аммо бугун кечки овқатни биргалиқда, меникіда тановвул қиласақ, нима дейсиз? Мана уй адресим. Сизни кутаман.

Аёл хотиржамлик билан қофозга қўл узатди. У шу қадар чиройли жилмайдики, бу кулгунинг ўзида ҳам хайрлашиш, ҳам юракка узоқ вақт азоб берувчи эркалик аломуатлари бор эди.

Аёл соат кечки еттига яқинлашганда эгнидаги эски кийимларини ечиб, шкафдан бугун сотиб олингандарини кийди. Сўнгра ойнага қаради. Оддий ферманинг сут соғувчиси энди бутунлай бошқа аёлга

айланди. У уйдан чиқиб кетаётганида юзлаб жўна-тилмаган мактублар солинган қутини оловга ташлашни унутмади.

Кечки овқат алоқаларни янада мустаҳкамлади. Эркак аёлни ўзи тайёрлаган таомлар билан меҳмон қилди.

«Ахир мен бу кунни уч йил кутдим, – ўйларди аёл.

– Уйингга фаррошликка келганимда мени нақадар ёмон кўрардинг. Сен бутун аёл зотини ёқтирамасдинг. Мен эса биргина эътиборинг учун ҳамма нарсага тайёр эдим.»

Садоқат уйку аралаш кўйлагини излаб топди. У уйнинг иккинчи қаватидаги ётоқхонада ухлаётган эркак учун ёзилган сўнгги мактубни йўқ қилишни унуганди. Бир парча қофознинг сариқ ҳалқа исканжасида емирилиб боришини кузатиб тураркан, майда-майда бўлакларга бўлениб ерга сочилиб кетаётган қоп-кора қофоз парчаларида сўнгги бор имкон қидириб ўз уйига отланаётган аёлнинг маъюс қиёфасини кўрди. Энди ҳеч бир одам ўқий олмайдиган сатрлар эса унинг миясига муҳрланиб қолган эди: «Бугун шаҳидлар хиёбонида ғоят таҳликали умидсизлик таъсирида жон бераман ёки мени қутқарасан!».





Дилобар САЙДАХМЕТОВА,
Низомий номидаги ТДПУ аспиранти

Бадиӣ тафаккурдаш янгиланиш ва эврилишишлар

Истиқлол даври қиссачилиги XX аср ўзбек насли өришган ютуқлар таъсирида, айни ҷоғда замонавий жаҳон адабиётининг энг яхши намуналари билан туташ ҳолда ривожланмоқда. Натижада жаҳон адабиётининг илғор тамойиллари ўзбек адабиётида, хусусан, қиссачиликда ҳам намоён бўлмоқда. Ўтган асрнинг саксоничи йилларида ёқ ижтимоий-сиёсий ва маданий ҳаётда юз бера бошлаган демократик янгиланишлар бадиий тафаккурда ҳам ўз акс-садосини бера бошлади. Бу даврда шўро давридан фарқ қилувчи янгича бадиий-эстетик идеални акс эттирувчи асарлар яратила бошланди. “Ойдинда юрган одамлар”, “От кишнаган оқшом”, “Шўродан қолган одамлар”, “Момо ер кўшиги”, “Қора китоб”, “Эски арава” сингари қатор қиссаларда ана шундай янгиланиш тамойилларини ҳис қиласмиш. Айни хусусиятлар XX асрнинг сўнгги чорагидан бошланган миллий тафаккур ривожидаги янгиланиш жараёнлари билан чамбарчас боғлиқ ҳолда содир бўлди.

Айтиш жоизки, қиссачиликда поэтик изланишлар истиқлол даврида янада кенгроқ намоён бўла бошлади. Инсонни ижтимоий ҳаётнинг бир намояндаси сифатида эмас, балки ўзига хос бўлган маънавий олам эгаси сифатида кашф этишга эътибор кучайди. Бунда реалистик тасвир билан бирга янги янги тасвир усусларига, жумладан тасвирда шартлилика, рамзийликка катта эътибор берила бошланди. Истеъоддли ёзувчи Собир Ўнарнинг “Чамбилбелнинг ойдаласи” қиссаси ҳам ана шу жиҳатдан характеристерлидир.

Қиссада ўз эътиқодида сабитлик, ўқтамлик, орият туйғуси билан яшаш умрининг мазмунига айланган Отакул Қирғий образи бош қаҳрамон. Асар воқеалари қишлоқда рўй беради. Ёзувчи Қирғий образига хос етакчи хусусиятларни китобхонга қисса бошиданоқ танитади.

Асарда чўрткесар, Қирғий лақабига монанд тиниб-

тинчимас, от устида қирғиймисол тик ўтириб, елдириб, не-не манзилларни зумда кезиб чиқувчи, ўзига хос феъл-атвор эгаси сифатида тасвирланган бу чонни эл ҳам ўзига яраша суръ эди. Айтганини қилдирадиган, сўзи – сўз, ғирромлиги йўқ, нафс учун бадном бўладиганлардан эмаслигини эл яхши биларди. Яхши билганидан унинг сўзини икки қилмасди. Элга оқсоқол бўлиш ҳазилакам иш эмас. Ана шундай одам бир кечада дом-дараксиз йўқолади. Сирли воқеалар силсиласи илмий тадқиқот институти ходими “мен”нинг аварияга учрабўлиши, хотиралари, қайтатирилиши билан боғлиқ ходисаларга уланиб кетади. Унинг “дўсти” Адбумалик қиёфаси, институт директори Ваққосовичнинг риёкор чехраси ортидаги тубан “олами” “мен”нинг хаёллари орқали очиб берилади. Дўстининг сотқинлиги туфайли бошига тушган мусибатлар Қирғий бованикига шаклан ўхшаш эди. Уни ҳам ишонган ҳамсояси алдаб, тунда қишлоқ четига чорлаб, қул қилиб сотиб юборган. Қирғий тирик мурдага айланган, қафасда қолган. Воқеалар оқимига энди “Гўрўғли” достонида келтирилган воқеалар кириб келади. Айни шу ўриндан бошлиб қиссада реалистик тасвир билан ҳаёлий, фольклор асарларида учрайдиган, ҳалқ қаҳрамонлари тасвирланган асарларга хос сирли, сеҳрли тасвирлар, саргузашт жанрига хос бўлган воқеа-ходисалар силсиласи уйғунлашиб кетади. Гарчи қиссанинг етакчи мавзуси реал воқелик билан, ҳаёт ҳақиқати билан чамбарчас боғланган бўлса-да, унинг ифодасидаги турли-туман тасвир усусларидан фойдаланиш унинг ўқилишилигини, поэтик янгилигини таъминлашга хизмат қилган. Гўрўғлининг туғилиши, Равшанбекнинг кўр бўлиб, Шайхлар хонақосида қолиши, Ҳилопой ётган қабрдан чиқиб, эчкини эмиб, яна гўрга кириб ғойиб бўлган болакайни тоғаси Ҳасанбой ушлаб, уйига олиб бориши... Бу воқеаларнинг барчаси бир нуқтада кесишиади, яъни бир концепция атрофига йигилади. Инсон боласи одамлар билан тирик. Унинг ҳаётда



орттирадиган обрўси ҳам одамлар, яъни жамоа туфайлидир. Ёлғизлиқда, тутқунликда Қирғий бовадай одам кулга айланди, қадди букилди, ҳаётга бўлган ишончи синди. “Мен” эса ҳаёт синовларидан ўтиб, “қайта тирилади”, одамларни суйганидан, уларга ёмонлик қилолмаганидан, ҳатто, “рақиблари”дан ўч олишга қасд қилолмаганидан, Чамбилбел далаларидан рух-куч олганидан, она заминга, одамларга, яқинларига қаттиқ боғланганидан, ҳатто “у дунёдан” қайтиб келади.

Асада ифодаланган синкетик тасвир — реал ҳаётий воқеалар билан хаёлий олам, халқ достонлари мотивларининг бу тарзда уйғунлашиб кетиши шунчаки асар шаклини, ифода усулини янгилаш ниятида қилинган эмас. Ушбу тасвирлар фонида асарнинг маънозмазмуни қатида яширган гоявий-эстетик мақсад, ижодкор идеали мужассам. Қиссада инсоннинг ботиний олами, унинг нафақат ижтимоий, балки рухий олами, тириклик моҳияти ўз ифодасини топган. Асадаги поэтик янгиланишлар шу жиҳати билан ҳам қимматлидир.

Тоғай Муроднинг “Момо ер қўшиғи” қиссада эса бунинг акси, қайсики, ўзлигидан, ўз она еридан, қондошларидан руҳан узоқлашиб, бегонага айланган инсон тақдири-фожеаси тасвирланган.

Ушбу қисса адабнинг бошқа асарларидан бир мунча фарқ қиласди. Унда реал ҳаёт ҳодисалари, Денов қишлоқларидаги ўзбекона турмуш тарзи, урф-одатлар, миллый ўзига хослик самимият или чизиб берилган. Асада шўро даври фожеалари ўзига хос характерли ҳодисалар тасвири орқали фош этилади.

Ёзувчи шўро армиясида хизмат қилиб келган сержант Орзиқулов образи орқали миллый заминдан, миллати, ўзлиги, тили, эътиқодидан узоқлашиб, ётлашган инсон қиёфасини гавдалантиради. Ўзиникилар ичida “бегона-ёт”га айланган, ўз оиласи, яқинлари, қишлоғи, юртига бегона бўлиб қолган йигит фожеаси изтиробли тарзда ифода қилинган бўлиб, дардли кўйдай вужудимизни забт этади. Бу фожеа сабаблари ўтган асрнинг истибодд исканжасидаги муҳитига бориб тақалганлигини тушуниб етамиз. Миллатларни тилидан, динидан, ўзлигидан айришига хизмат қилган сиёсатнинг мудҳиш оқибатлари қандай даҳшатли кечишини дилдан англаб етамиз. Асада аскарликдан “Сержант Орзиқулов” бўлиб қайтган ўғилни ота қандай қайта тарбиялашига гувоҳ бўламиз.

Асарнинг кейинги қисмларида ана шу сержантнинг ўғли, яъни авлоди тасвирланади. Турсунқулнинг шаҳарга ўқишига кетиши, у ердан ажабтовур қиёфада: ғалати кийимларда, сочини ўстириб, оғзида папирос

тишлаб, паловни қошиқда ейдиган бўлиб қайтиши тасвирланади. У ўз исми-шарифидан, ўзлигидан ор қиласди. Исмини ўзгартириб Паҳлавон Даҳо деб атайди. Барчадан ўзини олиб қочади, ўзини даҳо деб билади.

Қиссада шўро даври фожеалари “Даҳо”нинг барчадан ўзиникатта олиб, бегонасираб, иккифарзанди билан аёлини, ота-онасини ташлаб қишлоғидан кетиб қолиши, йиллар давомида ижарада яшаб, гўё “зўр шеърлар” битиши, истеъдодларга ҳасад кўзи билан қараб, иғволар тўқиши, ҳатто кўз очиб кўргани, покиза аёлига ҳам тухмат қилиши, бора-бора қариндошуруғларидан узоқлашиб бегоналашиб бориши зўр маҳорат билан ифода этилган.


Халқимиз ҳаётининг фожиали манзараларини миллат фожеаси тарзида бадиий ифодалаш тенденцияси 80-90 йиллар ўзбек насрода униб ўсади. Чинакам истеъдод соҳиблари мафкуравий кишан қобигини ёриб чиқишига қодир асарлар яратдиларки, айни тенденция мустақиллик даври насрода давом этди. Ижодкорлар қулликка, унинг асоратига қарши исён руҳидаги асарлари билан тафаккурга янгиланиш руҳини олиб кирдилар. Тоғай Мурод асарларини ана шундай намуналар сараси дейиш мумкин.

Демак, юқоридаги кузатишлардан хулоса қилиш мумкинки, миллий тафаккурдаги янгиланишлар таъсирида ўзбек қиссачилигига ҳаёт ҳодисалари ва инсон шахсига ёндашув тамойиллари ҳам ўзгарди, янги шаклларда намоён бўла бошлади. Қатор қиссаларда турли даврлар оша ўзлигидан, имон-эътиқодидан айрилмаган, маслагига содик, мард инсонлар образларини учратамиз. Айни чоғда мафкуравий тазииклар остида “замонасозлик”ка ружу қўйган, эътиқодидан юз ўтирган, алдамчи ва зўравон мафкура маддохига, хизматкорига айланган кимсаларга дуч келамиз. Бундай образларга хос риёкорлик бутун даҳшати билан тасвирланганлигига гувоҳ бўламиз. Ўзбек қиссаларида миллатнинг ўзига хос табиати, бетакрор олами, кўнгил кечмишларию туйғуларини акс эттиришга интилиш муайян эстетик тамойилга айланганлигини, бундай ижобий изланишлар эса қиссачиликка ҳам сезиларли ўсиш-ўзгаришлар олиб кираётганлигига замин бўлиб хизмат қилаётганлигини кузатиш мумкин. Биз таҳлилга тортган асарлар нафақат эпик тафаккурни у ёки бу жиҳатдан янгиламоқда, балки адабий ҳаётда янги тенденциялар, оқимлар ва йўналишларнинг вужудга келишига ҳам негиз бўлиб хизмат қилмоқда. Натижада, ижтимоий-маънавий ва бадиий эстетик тафаккур тараққиётига таъсир кўрсатмоқда.





Абдумурод ТИЛАВОВ,
филология фанлари номзоди



ИНСОНИЙЛИК МЕЗОНИ НИМА

Бу саволнинг жавобини бундан салкам олти аср олдин буюк мутафаккир Алишер Навоий ҳазратлари айтиб кетган эдилар:

*Одамий эрсанг демагил одамий,
Оники йўқ халқ ғамидин ғами.*

Инсонийликнинг мезони шу! Ҳар бир киши мөдомики, инсон деган буюк рутбага муносаб бўлишни истар экан, унда ўзгалар дардига шерик, ҳамдard ва ҳаммаслак бўлишга маҳкумдир.

Инсонийликка хос хусусиятлардан яна бири ақллар. Инсон бошқа яралмишлардан ақли биланги-на мукаррам ҳисобланади. Баъзи китобларда инсондаги олий туйғулар: меҳр-муҳаббат, садоқат ва адолат сингари хусусиятлар инсонийликнинг юксак фазилати сифатида тараннум этилади. Ваҳоланки, инсон билан бошқа жонзорларнинг тафовути ақлидадир. Бизнинг наздимиздаги бундай олий туйғулар ўзга жонзорларда ҳам бор. Мисол учун, итдаги садоқат билан отдаги вафони инсонлардан ҳам топиш маҳолдир.

Инсонийликнинг яна бир мезони илмидir. Инсонийлик таълимоти ҳисобланмиш Қуръони каримда “Билувчилар билан билмайдиганлар бир бўлурму?”, “Илим зулматда нур” мазмунида ўnlаб оятлар бор. Бу муборак каломлар илмнинг фазилатини ифодаламоқда.

Инсоннинг мақомини белгилаб берувчи хусусиятлардан яна бири унинг қалбидағи дард ва ғамдир. Ҳазрат Навоий айтадилар: “Кўнгилда ғам йўқлиғи дағи бир ғамдир”. Бир инсон бўлсаки, унда тириклиқ ғами, охират қайғуси, эл-юрт дарди бўлмаса, бу энди қандай одам бўлди? Шунинг учун ҳам Ҳазрат бошқа мисраларида лутф этадиларки:

*Ҳар кимгаки улум бўлса восил,
Гар дарди-ю ҳоли йўқ – не ҳосил?!*

Инсон бир неча илмларга эга бўлса-ю, унда дард, ҳол бўлмаса бундай илмдан не фойда? Муборак манбаларда илмига ихлос билан амал қилганларгина најотга эришишлари таъкидланган. Эҳтимол, Навоий назарда туваётган дард, ҳол шудир?

Инсонийлик мезони ҳақидаги кўнгилга яқин жавобни яна шоирлар султонидан топгандай бўлдим:

*Бўлмаса ишқ икки жаҳон бўлмасин,
Икки жаҳон демаки, жон бўлмасин.
Ишқиз ул танки, анинг жони йўқ,
Хуснни нетсун кишиким, они йўқ.*

Демак, ишқ улуғ туйғу, ганжина, ошиқлик улуғ мартаба. Зулайҳони Юсуфга, аниқроғи юқасак мақомга етказган ишқ эмасми? Онани болага боғлаб турган ишқ – севги туйғуси эмасми? Мумтоз шоирни диёр-диёр кездирган ишқ-муҳаббат эмасми?

*Мен юрарман ёна-ёна,
Ишқ бўяди мени қона.
На оқилас, на девона –
Кел, кўр мени ишқ найлади.*

*Гоҳ эсарман еллар каби,
Гоҳ оқарман селлар каби,
Гоҳ тўзарман ўйллар каби –
Кел, кўр мени ишқ найлади.*

Ишқни бир сўз билан таърифлаш мушкул. Яхши таърифни яна Ҳазрат Навоийдан эшитинг: “Ишқ – порлоқ юлдуздир, башарият кўзининг нуру зиёси шундан. Ишқ – товланиб турувчи гавҳардир, инсоният тоғининг зийнати ва баҳоси шундан. Ишқ – толеъ қуёшидир, қайғули диллар тиканзори ундан гулшан. Ишқ – балқиб турган тўлин ойдир, қоронги кўнгиллар кечаси ундан равшан...” (“Махбуб-ул қулуб”дан)



Инсон қалбини ойнага менгзатишади. Улуғлар ҳар содир этган қабоҳати туфайли киши қалбига бир доғ тушишини, бу ҳолат давом этаверса, қалб қорайиб, “коинот гултожи” дея шарафланган инсоннинг “тубанлик ичра танҳо” яратиқка айланишини айтадилар. Бу ҳалокатдан-да нажот соҳилига чиқишининг йўли бор. Қалбни ишқ-муҳаббат-ла тўлдирмоқ, бегона туйғуларни бу уйдан чиқармоқ:

Эй Навоий, бода бирла хуррам эт кўнглунг уйин,
Не учунким бода келган уйга қайғу келмади.

Ишқ-муҳаббатнинг фақат дунёгагина йўналгани қораланади. Шунинг учун улуғ алломалардан бири

дейди: “Дуёни кўр, сайр қил, ичига кир, аммо эҳтиёт бўл – дунё сенинг ичиннга кирмасин”.

Инсон дунё аталмиш денгизда сайру сафар қилишга – Ибтидо бандаргоҳидан Интиҳо бандаргоҳига ўтишга маҳкум. Аммо у сафар давомида қайиқ ичиға сув киргизиб қўйса, ҳалокатга юз тутади – қайиқ чўқади. Сув қайиқ ташида қолса, кеманинг сузишига ёрдам беради.

Хуллас, “менинг жайдари фалсафам” шу – ИНСОН номига лойик бўла олмоқнинг асосий шарти, инсонийликнинг тамали – ИШҚ. Ҳар кўнгилга ишқ туйғуси ошно бўлсин. Ишқ-муҳаббат нури қалбингизни, йўлингизни, уйингизни ва ўйингизни ёритиб юрсин.



БИРИНЧИ УЧРАШУВ

Ҳасан ШОҲ МАЪСУД

Бизни тарқ этмасин асло муҳаббат

ҚУЁШ

Қуёши уйготади, борлиқни кулиб,
Тонгга салом беринг, азиз одамлар.
Бизни эзгуликка, йўллаб туради,
Манзилга отланган шахдам қадамлар.

Қуёши саховатни ўргатар бизга,
Нурлари озорсиз болакай мисол.
Фақат яхшиликка қиёсdir асли,
Фақат муҳаббатга эгизак, тимсол.

Ассалом, қуёшжон, сахий беминнат,
Нурларинг сочавер йўлларимизга.
Бизни тарқ этмасин асло муҳаббат,
Сен эшик очасан дилларимизга.

* * *

Ҳар куни нимадир излайман,
Сарлавҳа мисоли шеъримга.
Наҳотки қаламим сизлайман,
Илҳомни кутгандай ўзимга.

Хайратим тошади, бепоён,
Самолар тип-тиниқ — оқ қозоғоз.

Дил хира этмоқча ҳаққим иўқ,
Ҳар битта манзара сарафroz.

Гоҳида ўтқинчи хотира,
Тортқилаб кетади оромим.
Қўйингиз дейман ўз ҳолимга,
Балки у мен кутган илҳомим.

ВАТАН

Ўзинг – ўзгачасан, азиз қўргоним,
Гуллаган боғимсан, гўзал маконим.
Сендан сал олисда ҳаяллаб қолсан,
Юрагим тафтида Ўзбекистоним.

Боғ ўзинг, тароват ифорларинг бор,
Куйчи ўғлонингман, куй торларинг бор.
Настарин мавжини суртай кўзимга,
Навоий, Бобурдай аждодларим бор.

Сенда орзуларим ушалсин, дейман,
Пойингга лолалар тўшалсин, дейман.
Дунё лол боқсанда тошар суурим,
Сен билан баралла ашъорман, қуйман.



Иброҳим ФОЙИБНАЗАРОВ

Ой нур билан кенгликини чайди



ИККИ ҚУТБ

Кўл узатсам етади сенга,
Киприк орасидай оралиқ.
Кўл узатсам етмайди сенга,
Олис сарҳад – баҳтқоралик.

Азалдан шу биз икки қутб,
Бир-бирига қарама-қарши,
Яшаптимиз ёнма-ён, эвоҳ,
Жуда ийроқ масофа... гарчи.

ХОЛАТ

Ой нур билан кенгликини чайди,
Зеболанди қорақоши боғлар.
Масъум гуллар атрини ёйди,
Зарҳалланди шабранг дудоқлар.

Тоғлар юздан рўмолин олди,
Келинчакдек нозу ибо-ла.
Бул сувратга термилиб қолди,
Ҳайрат отлиғ ўйчан бир бола.

Қандай афиф эрур бу кечава,
Нигоҳларда эрийди қайгу.
Ой ёнида сибизга чалар,
Юрагимга сизмаган туйғу.

* * *

Шафтolinинг гунчаси кулди,
Ифор сепди “пуштиранг шаҳар”.
Гул рангида ҳислар ювилди,
Туз кўтарди ям-яшил зафар.

Тунлар буткул шоҳона ҳисда,
Тонглар эса балқиган таълат.
Сукунатни қитиқлаб аста,
Жаранглайди кумуш салтанат.

Минг хил рангга қоришиб бунда,
Кулиб турар кўзи баҳорнинг.
Боқий умри солланиб турар,
Ўзбекистон – суюкли ёрнинг.

ТОҒ ОВУЛИ

Бунда уйлар туташ қурилган,
Бунда осмон жуда ҳам яқин.
Бунда тупроқ нурга йўғрилган,
Меҳмон бунда доимо чақин.

Бунда кекса ёшга тиргакдир,
Ёшлар эса хизматда холис.
Бундан гийбат жуда ийроқдир,
Бевафолик ундан ҳам олис.

ТУН

Тун – қоши қорайгандан то саҳар,
Тебратади умр бешигин.
Тун – гийбатнинг ёпиб қопқасин,
Хур севгининг очар эшигин.

Муҳаббатдек қайноқ кечада,
Рұхим гўзалликни ичади.

* * *

Бор дунёмни бердим сенга,
Умрим бўйи қуийб-ёниб.
Кетавердинг ўз йўлингда,
Ўзга шиққа бағринг қониб.

Оппоқ қогоз бўялди-ку,
Ишқдай тоза қоним билан.
Қалб тувида ҳайкал қўйдим,
Олов рангли жоним билан.

Бир кун дерсан “мен ҳам сизни,
Севган эдим эҳ-ҳе, менгиз”.
Ўша пайтда етадирман,
Бир кийимда – ёқа, енгиз.

МУҲАББАТ

(ҳазил)

Хушбўй ҳидлар уфуради –
Муҳаббатнинг эпкини.
Юрак эса гупуради,
Босгим келар тепкини.

Кўкрагингни мўлжал қилиб,
Ўқлар учар сен томон.
Ўтар улар бағринг тилиб,
Қолармикансан омон?

Хато бўлиб нишонга гар,
Тегмаса ҳеч бирор ўқ.
Яшаш бекор бу дунёда –
Унда сен ҳам, мен ҳам йўқ.



Комил АҲМЕДОВ,
ЎзМУ тадқиқотчиси

БАҒИШЛОВ АСАРЛАР МОҲИЯМИ

Бадий ижоднинг гўзал намуналари муайян бир муносабат билан туғилади. Хусусан, шоирлар жўшқин хис-туйғуларини тасаввурнида, бадий тафаккури майдонида, кўзи ўнгидаги пайдо бўлган шахсларга қарата баён этганда ўзига хос бадий образлар яратадилар. Таникли шоир Усмон Азим ижоди назардан ўтказилганда унинг ижоди-да турли шахсларга бағишилаб ёзилган шеърлар туркуми кўзга ташланади.

Одатда бағишилов шеърларнинг ўзига хос қиралари сарлавҳадан ёки сарлавҳа билан шеърий матн оралиғида келган аниқловчи тагсарлавҳадан маълум бўлади. Усмон Азим бир шеърига “Бойсун ҳақида ғамгин баллада ёки қайтмайдиган хотиралар ҳақида шеър” деган сарлавҳа кўйғандан сўнг “Шукур акага” аниқловчи ёзувини битган. Шеърнинг умумматнида юрт соғинчи, туғилган гўша билан ғуурланиш ҳислари мужассам. Одатда Бойсун дегандан кўпинча улкан адид Шукур Холмирзаев ва унинг кўплаб асарларида акс этган табиат манзаралари кўз олдимида намоён бўлади. Қизиқ, нега шоир туғилган юрт тўғрисидаги шеърини “ғамгин баллада” деб атади. Бойсунни эслашининг нимаси ғамгин? Ёхуд “қайтмайдиган хотиралар ҳақида шеър” деган иловани қандай тушуниш мумкин? Демак, бу шеър моҳиятида армон ҳам мужассамdir. Шеърда шоир диологик-поэтик нутқдан унумли фойдаланган.

Бу мўъжаз асар аввалида ўз дилбандини шаҳарга кузатётган Она ёки Ватанинг ўтинчи баён этилади: “Болам, сингиб кетма шаҳарга, Юрак билан кўксинг безадим, Эслаб тургин олис сафарда”. Бунда сен агар чин инсон бўладиган бўлсанг, она Ватанини, Онани унутма, чунки бу юрт сенинг кўксингга Юракни жойлаб кўйди. Энди лирик қаҳрамон ўз юртнинг эртакларда бўладиган гўзал, афсонавий ва ажойиб бир юрт эканини “Бор экан-да, йўқ экан” тарзидаги халқ оғзаки ижодига хос бошлами билан хотирлайди. “Бойсундай жой бу оламда йўқ”. Лирик қаҳрамоннинг ўз Бойсуни

хусусидаги болалик хотиралари ана шундай теран ва тенгиз. Аммо унинг дўсту ёронлари ўз юртни мақтаётган лирик қаҳрамон устидан кулиб, уни девонага чиқаради, бундай юрт сенинг тушларингда бўлса керак, деган таъналар қилишади. Лирик қаҳрамон эса, тинимсиз, ҳар қадамда, ҳар онда кўйлайди: «Бойсун! Бойсун! Бойсунжон...». Унинг адоқсиз куйи шундай. Бу чексизликни уч нуқталар билан ифодалайди шоир. Дўсту ёронлар ниҳоят ўша Бойсунни бир кўрайлик, деган таклифни айтишади.

“– Қани кетдик!
Шаҳри шовқинзор
Бошингишни кўймиш гангитиб.
Ҳали кўрасизлар, Бойсун бор!
Пешвоз чиқар меҳр анқитиб”.

Лирик қаҳрамоннинг тасаввурнида юрт – ниҳоятда гўзал. Бу юрт “шаҳри шовқинзор”дан фарқли. Эътибор берилса, “– зор” кўшимчаси билан, одатда, “гулзор”, “дараҳтзор”, “пахтазор” каби бевосита табиат ҳодисалари билан боғлиқ отлар ясалади. “Шовқинзор” – бу янги сўз ясалиши. Шаҳар шовқинли майдон, дегани. Шаҳарнинг шовқин-суронларини ортиқча сифатлашлар кўлламасдан биргина “–зор” сўз ясовчи кўшимча воситасида ифода этади шоир. Демак, тасаввурдаги Бойсун шовқинли шаҳардан фарқли жой. Устига устак “Пешвоз чиқар меҳр анқитиб!” Шоирнинг бу мисрасида ҳам ўзига хос жонлантириши мавжуд. “Пешвоз чиқиш” – ажаб бир жонлантириш, “меҳр анқитиш” – бунда ҳам метафорик хусусият сезилиб турибди.

Ниҳоят лирик қаҳрамон ўз дўсту ёронлари билан Бойсунни излаб йўлга чиқади. У ўз туғилган ерига етиб келганидан шодланади. Бу шеър воқеийлик, сюжетлилик асосига курилган. Шу боис қаҳрамон кечинмаларини баён этиш, унга эргашиш мумкин. Ўз яқинларини эргаштириб лирик қаҳрамон она юртига етиб келади.



Дўстлари уни табриклай бошлайди. Шунда мутлақо кутилмаган бир ҳол содир бўлади. “Мен турибман беун, бағрим хун” – шоирнинг эътирофи шундай. Чунки, “Оғайнилар, қаерга келдик. Кетиб қопти Бойсундан Бойсун...”. Бойсун аввалги ҳолатида эмас, унинг нималаридир ўзгарган. Шу боис лирик қаҳрамон жим туришга, лабини тишлаб сукут сақлашга мажбур.

*“Мен Бойсунни излайман ҳамон,
Баъзан пинҳон йиғлайман шеърга,
Қаерларга кетдинг, Бойсунжон,
Бизнинг Бойсун қани, қаерда?”*

Шоир шеърини ана шундай улкан бир изтиробли савол билан якунлайди. Шеърнинг умумматидаги воқеликни шу тарзда таҳлил қилиш ўзини тўла оқлади. Бунда Ватан хусусида қайфуринш, ўзлик устида бош қотириш ва шунга яқин оҳанглар сезилиб турди. Шоир нега бу шеърни “Шукур акага” бағишилади? Шукур Холмирзаевнинг ушбу ҳодисага ўхшаш бирор гапни Усмон Азимга сўзлаб бергани тўғрисида аниқ маълумот йўқ. Аммо бир нарсани англаш мумкинки, ёзувчи Шукур aka юртпарвар, ватанпарвар ижодкор сифатида Бойсуннинг тогу тошларини, дараю далаларини ўз ҳикояларида кўп бора реалистик тасвирлайди. Бу ҳол бевосита шоир Усмон Азимнинг ўзи билан юз берган бўлиши ҳам мумкин. Чунки у ҳам Бойсун фарзанди. Кўнгил дардлари бир-бирига яқин икки ижодкор ана шу шеър воситасида пинҳоний бир мулоқотга киришган, дардлашган бўлиши табиийdir.

Одатда бағишлиов шеърлар қайсиdir қирраси билан асарнинг умумматнига ҳам, бағишиланган шахсга ҳам алоқадор бўлади. Юқоридаги шеърда бағишиланмиш шахс – “Шукур aka” асар матнидаги воқеий ҳисларга ҳам, шоирнинг ўзига ҳам Бойсун, агар бунинг кўламини кенгайтирсақ, Ватан деган улкан бир тушунча воситасида боғланади.

Дарвоқе, Усмон Азимнинг бундай тоифа шеърлари битта эмас. Шоир “Дашт ҳақида баллада” номли яна бир шеърига “Эркин Аъзамовга бағишиладим” деб ёзиб кўйган. Ўн уч банддан таркиб топган бу шеърда дашт образи жонлантирилади. Дашт – беғуборлик, кенглик, улуғворлик рамзи. Ютидан чиққан лирик қаҳрамон ортидан Бойсуннинг дашти эргашади. Дашт ва Лирик қаҳрамон руҳан яқин бўлган икки образ. Шоир тасвирича уларни алоҳида-алоҳида тасвирлаб, уларни бир-биридан ажратиб бўлмайди. Дашт ўз фарзандини ардоклади, севади. Фарзанд Дашт қучоғида туғилган, тетапоя бўлган, ўсан. Энди эса Уни ташлаб кетмоқчи.

*“Мени ишонмади уфқларга у,
Дош бериб тезликнинг шамолларига
Ортимдан югурди, югурди ёху,
Қоқилиб темир йўл шпалларига”.*

Шоир “шамоллар” билан “шпаллар” ниқоғиялайди. Бир томондан “айбинаси бор” қофиянинг. Иккинчи томондан бировнинг ҳаёлига келмайдиган, фақатгина шоир нигоҳи топа оладиган оригинал топилма сифатида изоҳлаш лозим бу поэтик ҳодисани.

Агар Даштнинг Лирик қаҳрамонга эргашув жараёни тафсилотларига берилсак, у анча узун ҳодиса: Вагонга бирга чиқади. Тела қаватдан “билетсиз йўловчи”га ўхшаб жойлашиб олади. Ниҳоятда ҳаётӣ, табиий ва кўпчилик йўловчилар ўз ҳаётида бошидан кечирган бир манзара. Шоир ўша манзарани Даштга раво кўради. Шахар кўчаларида сарсон кезади, ижа-рахоналарда бирга юради. Бу Дашт образини Лирик қаҳрамон ичкарисида кезиб юрган психологияк ҳолат тарзида баҳолаш ўринли бўлади. Бир мисрасида шоир “жойлаб дилимга уни”, дейди. Бошқа бир сатрида “Даштимни кучоқлаб беун йиғладим”, деб ёзди. Дашт ва Лирик қаҳрамон бир-биридан гоҳ ташқари чиқади, баъзан руҳан бирлашади. Бу икки образ орқали шоир инсон табиатидаги индивидуал бир хусусиятни – кенгликини тасвирламоқчи бўлади.

Шеър ярмидан кейин контраст тасвир бошланади. Дашт ва Лирик қаҳрамон орасида улкан бир “АММО” – жарлик пайдо бўлади. Йиллар уларни ажратган, бегонасиратган. Лирик қаҳрамон ёнига энди Дашт сифмайди. Лирик қаҳрамон уни Бойсунга ҳайдайди.

*“– Бор, Бойсунга бор!
Шаҳарга ярашмас саҳрои сўхтанг.
Борсанг – шамол тайёр, ёмғир ҳам тайёр,
Тоғлар орасида яшайсан кўркам”.*

Дашт эса ажаралиши истамайди. Шунда Даштга насиҳатлар қиласи, ҳатто баҳор чоғларида уни алдаб, Бойсунга ташлаб келишга уринади. Аммо Дашт унинг ортидан “ҳаллослаб, шошиб” югуряди. Дашт учун энди уйда жой йўқ. Дашт бегона, дашт энди охир-оқибат “Вокзал майдонида” ёлғиз кезади. Шеър ана шундай этни суяқдан ажаратгандек маҳзун бир кайфият билан якун топади.

Шукур Холмирзаевга бағишиланган шеърда ҳам, Эркин Аъзамга бағишиланган баллада ҳам Лирик қаҳрамон билан воқелик, тасвирланаётган образ орасида психологик конфликт мавжуд. Зотан инсон ҳаёти зиддиятларга тўла. Қолаверса, ижодкор бу ҳаёт тўқнашувлари, қарама-қаршиликлари устида ўйламаслиги, мушоҳада юритмаслиги, бу зиддиятларни асарларида тасвирламаслиги мумкин эмас.

Бойсун – Сурхон – Ўзбекистон. Усмон Азимнинг Ватан тасвирига доир шеърларида турли йўсинга қўлланадиган тушунчалардир. Демак, Усмон Азим бағишлиов шеърларида ҳам она Ватанга бўлган муҳаббатини, ҳар бир инсонга хос юрт соғинчи туйғуларини, одам фарзанди табиатида учрайдиган ноёб ҳолатларни юксак поэтик образларда ифода этади. Табиийки, бу ҳис-туйғулар ўкувчи қалбига кўчиб ўтади; қалбни, руҳиятни юксалтиради.






Шаҳло ҲОШИМОВА

КУТИШ

Ҳикоя



Ўттиз йиллик қадрдони билан учрашиш мақсадида Комил Н. шаҳрига бир кун олдин учиб келди. Аэропортдан такси тутиб дўсти таъкидлаган меҳмонхона номини айтганида, такси тезгина олиб келиб қўйди.

Меҳмонхона кўп қаватли бўлиб, шаҳарнинг қоқ марказида жойлашган экан. Комил юқори қаватнинг

хоналаридан бирига жойлашиб, чиройли ва қўркам шаҳарни узоқ томоша қилди.

Июн ойи эмасми, ҳаво эрталабдан иссиқ ва дим.

Комил шаҳарни айланиш мақсадида меҳмонхонадан чиқди. Тирбанд тор йўлаклардан ўтиб, кенг, серқатнов йўлда узоқ юрди. Яна қайсиdir йўлларга



үтиб, келган йўлини унутди. Аммо таксига ўтириб меҳмонхонага қайтиш имконияти борлиги уни ҳеч нарсадан чўчитмасди. Бир маҳал худди ўзининг маҳалласига ўшаган маҳаллага кириб қолди. Тартиб билан қурилган уйлар, кенг, равон, тоза ва озода кўчалар, унинг бу шаҳарда мусоғир эканлигини ҳам бироз бўлса-да хотирасидан кўтарди.

“Одамзод ҳамма жойда гарчи тили, ирқи, замони бошқа бўлса-да, бир хил тириклик қилади. Қуёш нуридан баҳра олиб, табиат манзараларидан завқланади. Севади, севилади, хиёнат қилади, алданади... кичкинагина юрагига ҳамма ҳис-туйғуни жойлаштириб, қисқагина умрида барчасини бошидан кечиради. Аммо ҳаётни англаган вақтда ўлим унга юзмаз юз келган бўлади...” Комил шундай уйлар гирдобида борар экан, ортидаги қайсиdir темир эшик қаттиқ шарақлаб очилди. Ундан аёл кишининг юракка оғир ботадиган нолага ўхшаш аламли қичқириғи эшитилди. Нима бўлди экан-а, деб Комил ортига қайрилганида, унга томон шу эшикдан чиқиб келаётган баланд бўйли, қора шим, кул ранг кўйлак, кул ранг шляпа кийиб бошини ҳам қилиб келаётган кишини кўриб, йўлини давом эттиришга мажбур бўлди.

“Танимаган, билмаган одамни эшиги олдида тўхатиш ноқулай... аммо нимадир бўлди шу хонадонда”, дега қошларини чимирганча ўйланиб бораверди Комил.

Ҳали соат эрталабки ўндан ошмаган бўлса-да, кун жуда исиб кетган. Саратон қуёши атроф-муҳитни ўз ҳукмига буйсундириб олганди. Офтоб тифидан ҳеч ким қаршисига тик қарай олмасди. Комил ичкари кўчаларни анча айланиб чиқди. Энди катта кўчага амаллаб чиқиб олса, такси тўхтатиб тўғри меҳмонхонага боради. Шу алфозда уни бир нарса ўйлантириб турарди. Ҳалиги эшикдан чиқкан нотаниш кимса унинг ортидан соядек эргашиб келарди. Вазиятни аниқлаш мақсадида Комил меҳмонхонага қайтиш фикрини ўзгартиб, яна ихтиёрини йўлнинг йўналишига топширди. У катта йўлни кесиб ўтиб, икки қаватли иморатлар орасидаги кичкина йўлакчага кириб олди. Ҳалиги нотаниш ҳамроҳ ҳам унинг ҳаракатини тақрорлаб, бошини ҳам қилганча ортидан эргашиб кела бошлади. “Бу ёғи қизиқ бўлди-ю, бегона юртда танимаган одам ҳамроҳ бўлиб олса. Йўқ, буни ҳамроҳ деб ҳам бўлмайди... У мени ортимдан кузатиб келмоқда. Аммо нима учун бу тарзда ошкора... ахир кўр ҳам сезади-ку унинг бу тарздаги эргашишини. Ҳозир тўхтаб, мендан нима исташини сўрайман”, дега Комил турган жойда тўхтаб ортига қайрилди. Кутилмаганда ҳалиги кимса ҳам беорларча тўхтаб ортига қайрилди. Комил унга томон бир-икки қадам ташлаган эди, у ҳам олдинга интилди. Қизиқ, жуда ҳам қизиқ.

Баланд бўйли бу кимса жуда ҳам озгин бўлиб, шляпани бостириб кийганидан унинг юзи қўринмасди. Ҳалиги киши секин олдинга юра бошлади. Комил бироз эргашган киши бўлди-да, “Ортимдан эргашса эргашибди. Нима, мен фавқулодда бир одаммидимки, юрган йўлимни кимгадир берсам ёки бир миллионермидимки, ўзимнинг соямдан ўзим қўрқиб яшасам”, деб кўйди. Комил ортига қайрилиб йўлида давом этар экан, “аслида ҳеч нарсаси йўқ ва ҳеч нарсага қодир бўлмаган киши жуда кўрқоқ ва ҳаммага ҳисобот бериб яшайди”, дега мийигида кулиб кўйди.

Комил чамаси бир соатча янги-янги кўчалардан юриб чарчади.

“Сен ҳам чарчадингми?” деда ўзича ичиди “ҳамроҳ”дан сўраб қўйди. Нотаниш ҳамроҳ эса ҳамон боши эгилганча унинг ортидан эргашиб келарди. Комил бинолар орасидан юриб болалар майдончасидан чиқиб қолди.

Вақт тушга яқинлашганлиги сабабли майдончада ҳеч ким қўринмайди. Атроф жимжит. Қуёш ерни қиздиргандан қиздирмоқда.

Комил ўзидағи чарчоқни ҳис қилиб, майдонча четида, дараҳт соясида жойлашган ўриндиқлардан бирига бориб ўтириди. Нотаниш ҳамроҳ ҳам бошини олдингидан ҳам баттарроқ эгиг ўриндиқнинг бир чеккасига омонатгина ўрнашиб олди.

“Қизиқ, ҳеч бўлмаса қилаётган ишидан озгина нокулайлик ҳам сезмайди-я... Ҳа, бу ҳаётда одамзод онги ҳазм қила олмайдиган жумбоқлар жуда кўп”, деда ўйлади у баланд чинорга тикилганча.

– Чанқадим, эрталаб нонушта қилмаганлигим учун қорним ҳам очиб кетди. Сен ҳам қорнинг очиб, чанқадингми? – деда яна одатдагидек ичиди ҳамроҳидан сўради Комил. – Ёки менинг сабрим қай даражада эканлигини билишни истайсанми... Мен жуда сабрли одамман. Ҳаётда ҳеч нарсани биринчи бўлиб бошламайман. Ҳамиша кутаман. Гоҳида юрагим тўхтаб қолишини ҳам кутаман. Тўғрисини айтсан, менда бу ҳолат жуда кўп бўлади. Баъзида ҳамма нарсалардан тўйиб кетаман, одамларни умуман кўргим келмай қолади. Чунки кўпинча уларни кўз қарашларидан нимани ўлаши, нима ҳакида гапиришларини биламан. Аммо уларни ҳамиша жимгина эшишишга мажбурман. Айниқса аҳмоқ бошлиқни – сиз ақллisisiz, – деда у билан биргалиқда ишлаш ёки унинг бир чақага арзимайдиган ҳаёт фалсафасини маъқуллаб ўтириш қанчалик оғирлигини билсайдинг?.. Баъзида ҳаммасини башарасига айтиб, савияси паст одам эканлигини исботлаб, креслосидан иргитиб, ишхонадан чиқиб кетгинг келади. Аммо нима ўзгаради? Аянчлиси, ҳеч ким, ҳатто дўстларинг ҳам сени тушунмайди. Балки тушунар... бунинг қандай аҳамияти бор. Бироқ ёмон томони – тириклик учун ундан ҳам баттарроқ бошлиқ билан ишлашга мажбур бўласан.

– Бирда, унда ҳали энди олийгоҳни тугаллаб келган эдим. Кутилмаганда яхши иш таклиф қилиб қолишиди. Хурсанд бўлиб иш бошладим. Адашмасам бир ойлар ишлаганимдан сўнг бошлиқ хонасига чақириб қўлингдаги ҳужжатларингни шундай қилгинки, тўртни тўртга кўшса беш бўлсин, деб қолди, мен унга ҳайрон бўлиб қараган эдим: «Мен сенга мана шу қалам осмонда учади десам сен ҳам уни учади, деб айтсан, тушунарлими?» деди менга қисиқ кўзларини баттарроқ қисиб. Олдинига анча вақт ўйланиб юрдим, ҳисобкитоб аниқлик талағ қилади. Ахир бу сиёsat эмас-ку бир нарсани ўн хил йўл билан ечимини топсанг.

Шу воқеадан бир оз вақт бошлиқ ўринбосари билан суҳбатлашиб турганимизда мен унга “мана шу қалам осмонда учади”, дедим. У эса кўзларини каттакатта қилиб “иссиғинг йўқми?” – деда савол берди. Мен ҳам бўш келмасдан буни менга бошлиқ айтди, дедим. У бўлса ҳеч иккимасдан бошлиқ айтган бўлса учади, фақат пастроқ учади деди жиддий оҳангда.



Ана шунаقا, дўстим. Бу ҳаётда ҳар тоифа бошлиқларга ҳисобчи бўлиб, кутишни ўргандим. Чунки ўзим учун бундан ўзга чорани қидириб тополмадим.

Бу сафар кутишни истамадим. Дўстим билан учрашишни ўзим таклиф қилдим. Сабаби биринчидан у аёл киши, иккинчидан эса бу аёл мени неча йиллардан бери ўзига оҳанрабодек тортиб келмоқда. Аммо мен бу аёлни аёллиги учун эмас, уни ич-ичимга яширган, ҳатто ўзимга ҳам сирли равишда кўринадиган номаълум бир қиёфамга ўхшатаман. Эртага учрашганимдан сўнг, балким, унинг ташқи кўриниши шу кунгача бўлган хаёлларимни тарқатиб юборар... Тўғрироғи, ана шундан кўрқиб шу вақтгача учрашишни орта ташлаб келдим. Аммо шу вақт давомида унинг ўзи ҳам мен билан учрашишга интилгани йўқ.

– Мана энди ёнингда нима учун ўтирганигимни тушунгандирсан. Сен бўлсанг бемақсад оптимдан эргашиб юрибсан.

Мен оддий бир идора ҳисобчисиман, умрим бировларнинг пулини санаш билан ўтди. Гоҳида ўйланаб қоламан, арзимаган мана шу қоғозлар одамзодни турли қиёфага киритиб, ҳаётининг асосий мазмунига айланиб қолади.

– Сенинг касбинг нима? – Комил одатдагидек ҳамроҳига овоз чиқармасдан савол берди-да, уни ошкора кузата бошлади. Озғиндан келган бу киши, қирра бурун, киприкли қалин ва қоп-қора бўлиб, қирқ бешларда эди. У бошини бир оз кўтариб, рўпарасида нимагадир бургут қараш қилиб, ниманидир ўйлаб ўтиради. – Ахир мен бир оддий мусофири бўлсан, бу ерда ҳеч кимни танимасам, ҳатто ҳозир қайси манзилда ўтирганигимни ҳам билмасам, нега менга бунчалик ёпишиб олдинг? Мендан нима истайсан? Очик айтсанг, ўзинг ҳам бироз енгиллашасан... – дея Комил ичida ўзига ўзи гапириб, хўрсиниб қўйди. Атроф жимжит, қуёш тикка кўтарилиган, кун қизигандан қизиб борарди.

Майдончада ҳеч ким кўринмайди. Ҳамма иссиқдан уйига беркиниб олганди.

Улардан бир оз нарида болалар ўйнаб-ўйнаб ташлаб кетган тешик чарм тўп иссиқнинг зўридан ҳид чиқармоқда эди. Комил ўрнидан туриб тўпни бир тепди. Тўп думалаб сувсиз ариқчага тушиб кетди. Унинг бу ҳаракатини кузатиб ўтирган ҳамроҳининг юзи қилт этмади. Уларнинг нигоҳлари бир-бирига тўқнаш келган бўлса-да, нотаниш киши кўзларини ҳаттоқи пир-пиратмасдан ўша-ўша Комилга бургут қараш қилиб ўтираверди.

– Тавба, одам ҳам шунчалик сурбет бўладими? – дея Комил ундан кўзини олиб қочди. – Жуда ғалати одам экан. Агар ҳозир кетсан оптимдан эргашармикин? ... аниқ оптимдан эргашади. Қарашидаги сурбетлигидан мендан айрилгиси йўқ.

Комил жойига ўтирап экан, уни сұхбатга тортмоқчи бўлди. Нима деб гап бошласам экан, дея ўйланаб турганида, нотаниш ҳамрохи гўё сен билан гаплашадиган гапим йўқ дегандек, ўзига шляпасини бостирганча бошини ўриндиқнинг орқа суюнчиғига ташлади. Бу ҳолатдан Комилнинг жаҳли чиқсан бўлса-да, сўнг ўзини кўлга олиб, меҳмонхонада нима ҳам қиласман, учрашувим эртага бўлса, у ерда ўтиридим нимаю бу ерда ўтиридим нима. Тўғри, у ер салқин, сув ичиш,

бирон нарса еб олиш ҳам мумкин. Умуман олганда бу ер ҳам унчалик ёмон жой эмас. Нима, саҳронинг ўртасими迪ки, иссиқдан, сувсилизикдан нолисам. Қолаверса ёлғиз эмасман. Ҳамроҳим ҳам чанқаган, яна иссиқдан юзини ҳам беркитиб олди.

– Бу ҳаётни сабр билан енгиш керак, майлига сабр юракни, умрни эговласин. Барibir нима бўлганда ҳам энг тўғри йўл – кутиш, – дея Комил оғир хўрсинди. Сўнгра ҳамроҳига қараб шу ердан биринчи бўлиб кетишингни кутаман, дея пичирлади. Бу вақтда қуёш ғарбга олдингидан бироз ёнбошлаган бўлса-да, аммо унинг тафти ҳали қайтмаган, айниқса шаҳарда ҳамма жой бетон эмасми, кун қизигандан қизирди.

Комилни иссиқ илитиб кўзи илинди. Тушида катта бир шаҳарга меҳмонга борган эмиш. У ерда уни бир қадрдони кутиб олибди. Улар узок сұхбатлашганларидан сўнг, унинг қандайдир бир бедаво дарди хусусида маслаҳат қила бошлабди. Қадрдони уни шаҳардаги энг зўр руҳий касалларни даволайдиган табибга олиб боришини айтибди. Улар йўлга тушишибди. Йўл балчиқ эмиш. Йўлнинг икки четида ҳар хил машиналар лойга ботиб ётган эмиш. Комил дунёдаги энг катта шаҳарнинг йўллари шунақанги балчиқлигидан ҳайрон бўлиб бораётса: – Нима бўлса ҳам бу ерда адашиб қолма, – дея, ўртоғи унинг қўлидан маҳкам ушлаб олибди. – Агар адашиб қолсан нима бўлади? – деб сўрабди Комил ўртоғидан. Ўртоғи унга шунақанги совуқ нигоҳ ташлабдики, бундан Комилнинг эти увишиб кетибди. – Бу ерда адашсанг тўғри қабристонга кириб қоласан. Сўнгра мен сенга ҳеч қачон ёрдам бера олмайман. Шунинг учун атрофга эътибор бермасдан мени маҳкам ушлаб ол, – дебди. Шу вақт қаттиқ шамол кўтарилиб атрофдаги яланғоч чинорларни илдизи билан кўпориб ташлабди.

Комилнинг кўзига нимадир кирди. Бир қули билан олиб ташлайман, дея ҳаракатланган вақтда нимагадир бориб урилиб, йиқилиб, ўртоғининг қўли қўлидан чиқиб кетибди. Унинг ортидан қарай деса, кўзларига нимадир кирган, қўллари эса балчиқка ботган ҳолда узок ўтирибди.

– Барibir улар эдим-ку, нима қилардим ўзимга шунчалик азоб бериб. Ким бу дунё билан хайрлашгиси келарди, қолаверса ҳали ёш бўлсан. Кўзгуга бир кўз ташлагин, ёшлигинги биласан. Вақт қушдек учади. Ҳеч нарсага улгура олмай қоласан. Ултурган вақтингда ҳам ҳаммаси тамом бўлгани алам қиласми кишига.

Кўнгил эса қаримайди. Ҳаётдан ниманидир излашни бас қилмайди. Тинчинни, ҳаловатингни ўғирлайди. Унга қулоқ солмаслик лозим, аммо ҳидоят йўлини ҳам угина билади, холос, дея ўзига ўзи қарама-қарши фикр билдириб турса, кўзлари ёшланиб, сўнгра кўра бошлади. Бу ҳам Худонинг каромати, агар ҳар томонлама Комилга нур етишмаганда у тушкун кайфиятда бўлиши мумкин эди. Мана, унинг кўзлари кўрмоқда, унга яна нима керак? Агар шу вазиятда ҳам пессимист бўлса бу унинг енгилтабиат эканлигини билдиради. Нима бўлганда ҳам яшаш керак... факатгина олдинга интилиш лозим. Шу сўзларини ўзига-ўзи таъкидлаб Комил ўрнидан даст турди ёнида, оғзи-кулоқларигача балчиқка ботган, икки-уч ёшлар чамасидаги йиғлаётган болакайни кўриб эти жунжикиб кетди. У болани балчиқдан кўтариб олиб, ифлос



кўллари билан унинг кўзлари атрофини тозалади. Болачанинг катта-катта, қоп-қора кўзларидан тинимсиз ёш оқарди.

Комил уни бағрига маҳкам босганча онасини ахтара бошлади.

Шовқин-сурон авжиди, атрофда ташландиқ болалар жуда кўп бўлиб, баъзилар оғзига балчиқ қопланиб қачонлардир жон таслим қилган, қолганлари эса жон талвасасида эди. Катталар эса бир-бирларини туртклиб болаларни босиб-янчиб олдинга қараб югуришарди. Болаларнинг аянчли, кўркувдан йиғлаётган овози, эркакларнинг сўкиниши, аёлларнинг шанғиллаши, атрофнинг балчиқлиги, яна қаердадир сувнинг шилдираши, бағридаги боланинг йиғлаб ундан нон сўраши Комилнинг юрагини ич-ичидан эзиз юборди. У болачани яна ҳам маҳкамроқ бағрига босиб балчиқка буланиб олдинга интилар экан, Комил бу шаҳарга нимага келганини ҳам унугиб, атрофидаги гўдакларнинг бирини елкасига, бирини бўйнига, бирини бағрига босганича бир жойда чўқкалаганча, қоп-қора балчиқка буланиб, овози борича уларга кўшилиб йиғлади. Бу унинг эркак бўлиб биринчи уввос тортиб йиғлаши эди.

* * *

Комил ўзига келганида, қуёш тафти олдингидан анча қайтган, майдончада болалар шовқин солиб ўйнашмоқда эди. Уларнинг ёнидаги ўриндиқларда эса, шу атрофдаги кўп қаватли уйларда яшовчи аёллар ўрнашиб олиб кимнидир гийбат қилишмоқда. Қаердадир унга номаълум бўлган бир қуш чўзиб-чўзиб сайраб, қотиб қолган бўғиқ ҳавони тўзғитмоқда эди.

Комил кўзини очиши билан рўпарасида сочи узун елим кўғирчоқни ўйнаб ўтирган чамаси уч ёшлар болага кўзи тушди. У шундай ҳайрат билан Комилга термулиб ўтирадики, бундан у тушида йиғлаганлигини бола ҳам сезганлигини билди. Бола бироз Комилга қараб ўйланиб тургач, қўлидаги кўғирчоқни унинг олдига келиб, қовоғини уйғанча Комилга узатди. У ҳайрон бўлиб, кўғирчоқни қўлига олди. Бола эса шундай қилиши керақдек аёллар олдига югуриб кетди. Комил нима қиласини билмасдан малла соч елим кўғирчоқка термулиб ўтириб, сўнг ҳамроҳига қаради. У ҳам одатдагидек киприги пир-пирамасдан сурбетларча қараб турарди.

– Бу нима қилиқ, нега у менга бунчалик ёпишиб олди. Тавба, одам ҳам одамга шунақанги ёмон қарайдими? – кўрган тушидан юраги эзилиб ўтирган Комил ҳамроҳининг совуқ нигоҳидан фигони фалакка чиқиб кетди. – Мендан нима истайсан, гапир?

Нотаниш киши эса ҳеч нарсани эшитмагандек юзини Комилга тескари қилди. Комил шарт ўрнидан турди. Ҳамроҳи ҳам ўрнидан туриб Комилга гўё нима қилас дегандек, бақрайиб тикилиб турди. Комил ниманидир ўйлаб яна жойига ўтириди. Нотаниш киши ҳам индамасдан ўриндиққа чўқди. У рўпарасидаги майдончада икки жамоа бўлиб олишиб тўп сураётган турли ёшдаги болаларнинг ўйинини томоша қила бошлади.

Болалар турли ёшда бўлиб, гавдалари ҳам турлича: бири озғин, бири новча, яна бирлари бақалоқ эди. Икки жамоа дарвазасини ҳам кўринишдан нимжон, ёши ҳам жамоадошларига нисбатан анча кичикроқ болалар кўриклаб туришарди. Тўп дарвоздан ўтиб кетса жа-

моадаги болалар уларга овозлари борича бақиришар, сўкишар, баъзизда тепкилаб ҳам олишарди. Дарвазабон эса бу сафар сезгирроқ бўлишга ҳаракат килар, аммо фойдасиз эди. Ажабланарлиси шундаки, дарвазабонлар шунча ҳақоратга ҳам индамасдан бардош бериб, ўйинни давом эттирас, уларга фақат футболдан чиқариб юборишмасалар бас эди.

Комил болаларнинг ўйинини кузатиб ўтириб, ўзининг ҳам болалиги ёдига тушди. Бир вақтлар ўзи ҳам катта болалар билан футбол ўйнашини ёқтиарди. Аммо улар Комилни фақат дарвозага кўйишарди. Комил ҳам худди шу болалар сингари қанчалик хушёр бўлса-да, тўпни дарвоздадан ўтказиб юборар, жамоадошларидан сўкиш эшитар, баъзизда ўйиндан чиқариб ҳам юборишарди. Шуларни ўйлаб мийифида кулиб кўйди.

Нотаниш ҳамроҳ юзига шляпасини бостириб, бoshини ўриндиқ суюнчигига ташлаганча ухламоқда эди. Комил ёнидаги одам ухлаётганини сезиб, ўрнидан туриб кетиб қолгиси келди, аммо, нимагадир ҳамроҳининг ухлаб ётганидан фойдаланиб қочиб кетгиси келмади. – Бирон-бир мақсади бордирки, эрталабдан буён ортимдан эргашиб юрибди. Агар ҳозир кетиб қолсам унинг ҳаракати жумбоқлигига қолиб кетади, – дея Комил сабр қилиб ўтириди.

Ҳаво жуда ёқимли, майин шабада эсмоқда. Кимлардир шошилиб ишдан қайтмоқда, яна кимлардир пардоз-андоз қилиб, қаергадир кетмоқда. Майдонча эса болалар билан банд. Атрофдаги ўриндиқларга эркаклар-аёллар ўрнашиб олиб, кимдир баҳслашмоқда, кимдир шахмат ўйнамоқда, яна кимлардир ҳаммани кузатиб хаёл суруб ўтирибди. Комил одамларнинг кўплигидан вақт алламаҳал бўлиб қолганлигини ҳам сезмай қолди. Ёнидаги ҳамроҳи эса юзига шляпасини ташлаганча ҳамон ухламоқда эди. «Хой дўстим, кечаси ким ухлайди? Кўзингни оч, одамларга эътибор бер, ҳамма ўз ташвиши билан банд. Фақат сен нима қилаётганингни билмасдан, бемақсад, ўзингни ҳам, мени ҳам қийнамоқдасан. Кел, ундан кўра мана шу хузурбахш ҳавода самимий сухбатлашайлик, бир-биримизни яқиндан билиб оламиз. Сен ҳам ўзингни қийнаб юрган дардларингни айт, мен ҳам ўйланиб ўтирган жавобсиз саволларимни айтай...» Шу вақтгача ҳамроҳининг ёнига калта бўйли, тўлачадан келган кўзлари бесаранжом киши келиб жойни торлигига қарамасдан тикилиб ўтириди. Комил у кишининг бу ҳаракатидан бир оз таажужбланди. Чунки бу пайтда одамлар ўй-ўйларига тарқаган, ўриндиқлар эса бўшаб қолганди.

Комил билан ҳамроҳининг орасида яна бир киши ўтираса бўладиган жой бор эди. У бу кишининг мақсади ёмонлигини сезгач, ҳеч нарсадан бехабар ҳамроҳига яқинроқ сурилиб, уни ўйғотмоқчи бўлди-ю, нимагадир бу иши ўзига маъқул келмади. Авваламбор, Комил ҳамроҳининг ҳатто исмини ҳам билмайди, қолаверса, улар орасидаги жой уларнинг бир-бирига мутлақо бегона эканлигини яқол кўрсатиб турарди. Нотаниш киши Комилга шундай ерқараш қилиб тикиларди, у бoshини кўтариб ҳамроҳига қарай олмасди. Комил ўзини бу шаҳарда мутлақо мусоғир эканлигини, мусоғирлик эса қанчалар начорлик эканлигини ич-ичидан ҳис қилиб турарди. Бегона киши ҳеч нарсадан чўчимасдан, хотиржам ҳамроҳининг чўнтакларини кавлаштириб ни-



маларнидир олди. Сўнгра унга ошкора менсимасдан тикилиб, ўрнидан туриб майдончани кесиб ўтганча кўпқаватли уйлар орасига кириб кўздан йўқолди.

Комил қисқа вақт оралиғида бўлиб ўтган воқеадан караҳт бўлиб бир муддат ўтириб, ўзига келиб олгач ҳамроҳига назар ташлади. У эса дунё бехабар юзига шляпасини ёпиб, бошини ўриндиқ орқа суюнчиғига ташлаганча ухлаб ётарди. Тавба, шунақангি ҳам ғалати одам бўладими, бор будини кимдир шилиб кетса-ю, ҳеч нарсани сезмаса. Ёки сезиб турса-да индамадимикан? Йўқ, сезиб индамаслиги мумкин эмас. Аммо киссавурнинг ҳаракатини ҳам билмаслиги мумкин эмас.

Вақт алламаҳал бўлиб одамлар уй-уйларига тарқалишган, ҳаммаёқ жим-жит, улардан озроқ наридаги ўриндиқда икки ёш бир-бирларига чирмашиб ўтириб олган. Комил кутишни бас қилиб ўрнидан турди. Уни уйига кузатиб қўяман-да, ўзим меҳмонхонага қайтаман. Йўлда бир-биримиз билан танишиб олармиз, ўшанда, киссавур ҳақида айтарман.

Комил ҳамроҳини ташлаб кета олмаслигини сезиб: – Ҳой ўртоқ, тур ўрнингдан, уйингга кузатиб қўймоқчиман, кўзингни оч, вақт ҳам анча кеч бўлиб қолди. Атрофингга бир қара, ҳеч ким қолмади. Ҳамма уйкуга кирди. Уйингдагилар ҳам кутиб қолгандир, – деди. Комил ҳамроҳининг қимирламасдан ўтиришини кўриб: – Ўзи ҳам ўликка ўхшаб ухлайди шекилли, – дея, унинг ёнига ўтириб секин билагидан турткиламоқчи бўлганида, билагининг муздеклигидан сакраб ўрнидан турди. Турган жойида юзини беркитиб турган шляпасига қараб бироз ўйланиб тургач, шляпасини кўтарди. Нотаниш ҳамроҳининг кўзлари юмуқ, оғзи эса қийшайиб очилиб қолганди. Кундузи эътибор берганида ҳамроҳининг қош-кўзлари тим қора эди, ҳозир эса сарғайган, ҳатто териси ҳам сарғайиб кетгандек эди.

Комил нима қиласини билмасдан қўлида шляпа билан бироз унга термулиб турди. Сўнгра унинг юзини қайтадан ёпиб, “қачон улгура қолдинг?” – дея секингина пичирлади ўзига-ўзи.

Бир оз паришонликдан сўнг нарида бир-бирига чирмашиб ётган ёшлар олдига бориб томоқ қириб йўталди. Йигит бошини кўтариб “нима истайсан” дегандек бақрайди. Йигит негадир унга ачиниш билан қаради:

– Ҳой бобой, ўзинг бир келгинди бўлсанг, қолаверса уни мутлақо танимасанг, нима қиласан бошингни ачитиб? Ҳозир милицияга бориб бўлган воқеани айтиб берсанг, улар сенга раҳмат айтишмайди. Биринчи бўлиб ўзингни тергов қила бошлайди. Нима, сенга шу керакми? Қолаверса, ҳозир замон ўзгармоқда, ҳамма сенга ўхшаб кўчадаги ўликларга ҳайратланиб ўтиrsa дунёда ривожланиш бўладими? Нима қилибди, ўлса ўлибди... Ҳов ана нариги ўриндиқда ҳам биттаси ўлиб ётибди, билмадим, балки мастдир. Аммо бу ер сенга катта шаҳар. Улар билан шуғулланадиган маҳсус одамлар бор. Қўй, бошингни ачитма, бор, йўлингдан қолма.

Йигит юзини терс буриб сочи тўзиб ётган “қўғирчоғ”ини кучоқлаб ҳиринглай бошлади.

Комил нима қиласини билмасдан негадир яна ҳамроҳи ёнига бориб узоқ ўтиреди. Сўнгра юрагида нимадир илдиз-пилдизи билан гурсиллаб қулаганини сезиб ўрнидан турди. Мана, бемақсад кутиш ниҳоят, тугади, дея секин ўзига-ўзи пичирлади. Вақт эса алламаҳал бўлса-да, кўп қаватли уйларнинг ортидаги катта йўлдан битта-битта машина қатнамоқда. Комил ўша томонга қараб борар экан, йўлида учраган ҳайвон, куш, одам мурдаларига қараб, булар билан шуғулланадиган маҳсус одамлар бор, дунё ривожланмоқда, дея ўйлади.



**Аркадий АВЕРЧЕНКО**

Соҳибжамол аёл

Ҳажвия

Ўрмонда сайр қилиб юрган амалдор Плюмажёв дарё бўйига чиқиб келди ва тўхтаб, ойнадек тиниқ сув бетига бемақсад тикилиб қолди.

Узокни яхши кўролмайдиган амалдор нариги қирғоқни кўздан кечира бошлади. Ихчам сариқ чўмилishi кийимидағи қандайдир бир гавда сувга келди ва тизза бўйи жойда тўхтаб, бошидаги яшил чепчик устидан ҳовучлаб сув куя бошлади.

“Аёл! – ўйлади Плюмажёв. Кўзларини қисиброқ қараган эди, у иккита ингичка чизиқчага ўхшаб кўринди. – Худо ҳаққи, аёл! Ёшгина шекилли!”

Унинг кексаларга хос озғин тиззалари титраб, баданини совуқ қалтироқ босди.

– Аҳ, – инграб кўйди Плюмажёв. – Лаънати кўролмаслик... Қандай аҳмоқона одат-а бу дурбин олиб юрмаслик.

У хўрсиниб қўйди ва кўзларини ишқади:

– Оқ ва йўл-йўл нималарнидир кўряпман. Ўлдирсанг ҳам шундай зўр томошадан воз кечмайман. А-ҳа! Ана у ерда кимдир сув ўртасидан чиқиб келяпти. Панароқда ўтириб кутиб турай-чи, балки яқинроққа сузиб келар. Аттанг!

У қуюқ бутазордаги яққолроқ кўринадиган тепалитика қалтироқ кўллари билан бир амаллаб тиришиб-тармашиб эндиғина чиқиб олганда қоқилиб кетди. Яшил бутоқлар орасида гимназиячилар фуражкаси, қайсиdir хизмат пайтида кийиладиган мoshранг блуза ва кулранг шим кийган йигитча ҳаракатсиз қадалиб ётарди. Йигитча унинг ийқилганини кўриб нима деб ўйладийкин.

– Оббо олғир-э... Жойлашиб олганини-чи! – ҳасад билан уф тортиди Плюмажёв.

У ётиб олган гимназиячининг кўлида нариги қирғоққа қаратилган қора дурбинни кўриб қолди.

Гимназиячи ўгирилди ва Плюмажёвга илжайганча дўстона кўз қисиб деди:

– Э, сиз ҳамми?

“Ярамас! Яна бетакаллуфлигини-чи”, – ўйлади Плюмажёв, гимназиячини юлиб ташлагиси келди, бироқ дурбин эсига тушиб, ўтлар устига – унинг ёнига чўқди ва тилёғламалик билан ҳингиллади:

–Хи-ҳи! Ажойиб-а?

– Чиройликкина! – деди йигитча.

Плюмажёв тилининг учини қуруқшаган лаби устидан юргизиб, сабрсизларча деди:

– Бир дақиқага... бериб туролмайсизми... дурбинни! Гимназиячи бош чайқади:

– Э, йўқ, амакијон! Бунақаси кетмайди! Акангизнинг ўзига керак.

Плюмажёв қалтироқ қўлларини чўзди:

– Бериб туринг! Бир дақиқага.

– Ҳечам-да! Текингами, мен уни холамнинг кийим жавонидан сўрамай олиб келганман! Агар сизда дурбин бўлганида менга ўзингизнини бермаган бўлардингиз, албатта!

– Берсангиз-чи!

– Халақит берманг! Оҳо-ҳо.

Йигитча ўрнидан туриб, дурбинни кўзига босиброқ олдинга шунақангি қарай бошладики, оқибатда миясига каттагина хатар таҳдид солаётганидан бехабар қолди.

– Оҳо-ҳо-ҳо! Орқасини ўғирди... Аммо мен унинг энсасини шунақа гўзал деб ўйламагандим.

Ёнида ётган Плюмажёв эса ясама беларволик билан тескари ўгирилиб олди, бироқ унинг лаблари дилсиёхлиқдан ва қаттиқ ғазабдан титрар эди.

– Тўғрисини айтганда, – аламини ола бошлади у қараган овозда, – чўмилаётган аёлни яширинча кузатишга ҳаққингиз йўқ. Ахлоқсизлик бу.

– Сиз мендан дурбинни сўрадингиз! Ўзингиз ҳам!.. Үзларига бемалол-у, менга мумкин эмас экан-да.

Плюмажёв индамади.

– Хоҳласам, дурбинни тортиб олардим. Мушт ҳам туширадим. Кучлиман-ку ахир...



– Ўҳ-хў! Тортиб олиб кўринг-чи... Шундай қичқираманки, бутун чорбоғдагилар югуриб келишади. Менга-ку фарқи йўқ, ёш боламан, аммо сизнинг жуда бўлмагандагу кулогингизни чўзиб, таъзирингизни беришса, бу шармандалиқдан ёз бўйи уялиб юрасиз. Сиз ёши улуғекса киши бўла туриб шунаقا аҳмоқона ишлар билан шуғулланиб ўтирибсиз. Энди у яна олдинга ўгирилди. Хоҳлайсизми, мен сизга нима кўринса, барини айтиб турман?

– Йўқолиб кет!
– Ўзинг йўқол! – совуқонлик билан гап қайтарди йигитча.
– Кўпол...
– Шунақдан эшитдим.

Плюмажёв тишларини ғижирлатганча болакайнинг гарданига мушт тушириб, ҳозироқ уйга кетишни мўлжаллади, бироқ бунинг ўрнига тупугини ичига ютиб, ясама мулойим оҳангда йигитчага мурожаат қилди:

– Тили ўткир экансиз, йигитча... Гап бундай, дўстим, агар вақтинча бериб туришни хоҳламасангиз, унда... сотинг!

– Нима... сотинг... Кейин холам менга бироннинг дурбинини сотиш қанақа бўлишини кўрсатиб қўяди!

– Ишонаманки, яхши йигит, – хушомад қиларди Плюмажёв, – холангиз сиздалигини сезмайдиям. Ундан кейин хизматкор ўғри хотин ўтиб кетди... Мен сизга тўлиқ ҳақини ҳозирок бераверайми?

Гимназиячининг юзида қарама-қарши икки ҳиссиёт акс этар, у ўйлаётганди.

– Ҳм... Менга қанча бермоқчисиз ўзи?
– Уч сўм.
– Уч сўм? Сиз менга ярмини таклиф қиласпизми? У магазинда саккиз сўм туради.

Йигитча нописандлик билан елка қисиб қўйди ва яна нариги қирғоққа қарай бошлади.

– Хўп, бўлмаса, беш сўмга розимисиз?
– Ўн сўм беринг!
– Буниси энди разиллик. Ўзингиз, янгиси саккиз сўм туради, дедингиз, тағин ўн сўм ундиromoқчисиз. Юлғич.
– Камми дейман! Керак бўлса баъзан йигирмани ҳам бағишлиб юборишга тўғри келади... Мана... Саёз жойга чиқди, оёқлариям кўринди. Болдиrlари, тўпиқлари жуда ажойиб, сизга айтсан!

Аввалига гимназиячи шунчаки завқ олаётганди. Энди бўлса у олди-сотди ҳам қила бошлагач, завқ-шавқи икки ҳисса ошиб кетди.

– Ие! Буниси нима экан? Елкасидаги чукурчалар... Чиндан ҳам! Қўллари эса оппоқ... Тирсаклариям нафис!! Белидаги чукурчалар...

– Яхши йигит, – хириллаб унинг гапини бўлди Плюмажёв, – хоҳласангиз... мен сизга саккиз сўм бераман...

– Ўн!
– Бошқа йўқ... менда... мана ҳамёним... ўн тийинлик билан саккиз сўм. Ҳамённи ҳам қўшиб олинг, майли. Ҳамён янги, уч сўм туради.

– Шу янгими! Эски-ку, ярим баҳосига арзиса ҳам катта гап.

Плюмажёв йигитчанинг эски дурбин учун осмондан келиб ҳақ сўраётганига эътироz билдиromoқчи эди, бироқ ич-иҷидан чўчиб турарди: қандай бўлмасин, болакай аразлаб қолмаслиги керак.

– Ўҳ-хў! Орқасига эгилди! Бу нимаси! Ҳа, албатта! Чўмилиш кийимининг боғичини ечди ва...

– Қулоқ солинг! – қаттиқ ҳаяжондан овози бўғриқиб хитоб қилди Плюмажёв. – Мен сизга саккиз сўмдан ташқари ҳамёнимни, яна пишиққина пичноқчам ва ана-винақа суратларни ҳам бераман!

– Ўткорми?

– Ўткир, ўткир! Кечагина сотиб олдим.

– Тамакингиз ҳам борми?

– Бор, бор. Маъқул бўлса, тақдим этаман.

– Йўқ, сиз менга ҳаммасини беринг. О-о! Чарм тамакидон... Майли, агар тамакиларни тамакидони билан, пичноқча ва суратларни пулга қўшиб берсангиз, дурбинни сизга сотаман!

Плюмажёв бу очкўз болакайни яхшилаб сўқиб бермоқчи бўлди-ю, аммо бунинг ўрнига шундай деди:

– Хўп, майли... Фақат менга бир жуфт тамаки қолдиринг... йўлда...

– Ажабо, ана янгилик! Бор-йўғи олти дона экан ўзи. Алмашишни истамасангиз, майли, керак эмас.

– Хўп, хўп... олинг, олаверинг... Мана сизга, ҳисоблаб кўришингиз мумкин: саккиз сўму ўн тийин! Мана пичноқча. Шошмай туринг... У кетиб қолмадими ўзи?

– Бутун гўзаллиги билан намоён бўлиб туриди. Энди ён томони. Манг, қаранг.

Йигитча севиниб ҳуштак чалганча Плюмажёвнинг оёғини шўхчан чимчиб олди-да, ўзининг қиммабаҳо нарсаларини ола солиб ўрмон ичига гойиб бўлди.

Плюмажёв ҳирс билан илжайланча дурбинни кўзига тўғрилаб қарай бошлади: чўмиладиган жой ёнидаги қумлоқ саёлзикда йўл-йўл чўмилиш кийимида хотини Плюмажёва Марья Павловна тик турганча қўлини бошига кўтариб, чепчигини тартибга солмоқда эди.

Плюмажёвнинг кўзлари косасидан чиқиб кетаёзди... У нималардир деб тўнғиллаб-тўнғиллаб, ғазаб ичидаги кўлидаги кераксиз дурбинни зарб билан тўппа-тўғри сувга улоқтириди.

Ана шу қирғоқдан нариги томонга ўтиш мумкин бўлган кўприккача ва у ердан унинг дала ҳовлисигача уч чақирим йўл юриш лозим эди...

Оёқлари зирқираб оғиганидан букилиб-букилиб бораётган Плюмажёвнинг, ўлгудай тамаки чеккиси келаётганди, аммо афсус, тамаки йўқ эди...

**Рус тилидан Шаҳзода ҲАКИМОВА
таржимаси**



Jamoatchilik kengashi raisi:
Abdulla ORIPOV

Jamoatchilik kengashi:
Akramjon ADIZOV
Feruza MUHAMMADJONOVA
Abulqosim MAMARASULOV
Ahmad OTABOYEV
Minhojiddin MIRZO
Shuhrat SIROJIDDINOV
Ahmad USMONOV

Bosh muharrir:
Sobir O'NAR

Bosh muharrir o'rningbosari:
Luqmon BO'RIXON

Mas'ul kotib:
Akbarali MAMASOLIYEV

Tahrir hay'ati:
Bobur ALIMOV
Iqbol MIRZO
Abduqayum YO'LDOSHEV
Abdusaid KO'CHIMOV
Sirojiddin SAYYID
Alisher NAZAR
O'rozboy ABDURAHMONOV

Sahifalovchi: Saodat RUSTAMOVA
Rassom: Dadaxon BAHODIROV

Ushbu son "Yoshlik" jurnali tahriri-yatining kompyuter markazida sahifalandi.

Manzilimiz:
Toshkent. sh.
O'zbekiston shohko'chasi, 16-«a» uy.
E-mail: yoshlik-xatlar@rambler.ru
Tel/faxc: (8371) 227-0-227,
245-5-793, 245-0-552



© "Yoshlik" № 4 (245) 2011 y.

O'zbekiston Yozuvchilar uyushmasi,
«Kamolot» yoshlar ijtimoiy harakati muassisligidagi
yoshlarning adabiy-ijtimoiy jurnali
1982 yildan chiqa boshlagan.

MUNDARIJA

MULOQOT

Abdulla ORIPOV. Yoshlar bayroqdar bo'lsin! 1

ADIB XONADONIDA

Tursun ALI. Adabiyot – inson qalbiga yo'l. 8

NAZM

Gulnoz MO'MINOVA. Ko'zlaringga ishongin meni. 25

OYDINNISO. Sippor to'yguningcha, men bir nafasman. 37

Ashurali BOYMUROD. Mehriston. Dostondan parcha. 45

Ibrohim G'OYIBNAZAROV. Oy nur bilan kenglikni chaydi. 54

NASR

Abdulla AYIZOV. Polvon yig'lagan tun. Qissa. 13

Abdusaid KO'CHINOV. Safar. Essedan parcha 28

Asad ASIL. Yolg'iz uchayotgan kabutar. Hikoya. 40

Shahlo HOSHIMOVA. Kutish. Hikoya. 57

MUTOLAA

Dilobar SAYDAHMETOVA. Badiiy tafakkurdagi yangilanish va evrilishlar. 50

NIGOH

Komil AHMEDOV. Bag'ishlov asarlar mohiyati. 55

BIR SAVOLGA BIR JAVOB

Abdumurod TILOVOV. Insoniylik mezoni nima? 52

TADQIQOT

Muhammadjon XOLBEKOV.

Badiiy adabiyotda modernizm tavsifi. 42

BIRINCHI UCHRASHUV

Asror Allayorov. Uch hikoya. 47

Hasan SHOH MA'SUD. Bizni tark etmasin aslo muhabbat. ... 53

E'TIROF

Muhammad G'AFFOR. Sharqu g'arbni «utashtirgan» shoir. ... 50

YELPUG'UCH

Arkadiy AVERCHENKO. Sohibjamol ayol. 62

Bosishga 20. 04. 2011 yilda ruxsat berildi. Qog'oz formati 60x84 1/8. Nashriyot hisob tobog'i 8,7. Indeks 822. ISSN 0207-9137. Jurnal 2007 yil 4 mayda Matbuot va Axborot agentligi tomonidan № 0253 raqami bilan ro'yxitgaolangan.

Jurnaldan ko'chirib bosilganda «Yoshlik»dan olindi» deb izohlanishi shart.

G'afur G'ulom nomidagi NMIU bosmaxonasida chop etildi. Buyurtma № 154. Adadi 6518 dona. 100128, Toshkent sh., Shayxontohur ko'chasi, 86-uy.